

Литературала ҃агъистан

16+

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

4/2018
июль - август

80
дус



Махмад Сагидовлис



Дагъиста писательтала Союзла председатель М.Гяхимадов ва
даргала писатель Р. Бяхимадов жузла презентацияличиб



Гъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКІ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
ХІ. Къурбанов (журналла редактор)
Къ. Мигърабов
Т.СягИдов

ЖАМИГІЯТЛА СОВЕТ
А. Гъабдулманапова
И. Ибрагимов
Ш. Мяхіммадов
Х. Хлябірова
Х. Юсупов
И. Мяхіммадов

4
2018
ИЮЛЬ - Август

Кел базли гъачам
дурабулхъан

Выходит один раз в два месяца

1952 ибил дуслизиб
акІахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:**ДРАМАТУРГИЯ**

Къасум-Бег МИГЪРАБОВ. Къуллукъчиби.....	3
--	---

П О Э З И Я

МЯХИЯММАД СЯГИДОВЛИС – 80 ДУС.....	10
Мяхияммад СЯГИДОВ. Назмурти.....	10
ШапигI МЯХИЯММАДОВ. Назмурти.....	25

П Р О З А

Хадижат ХИЯБИЛОВА. Чарбухъни.....	29
Ибрагим ИБРАГЫМОВ. Цализисб ва хилизиб.....	43

ПАТИМАТ ВЯХИДОВАС – 70 дус

Патимат ВЯХИДОВА. Диги илдигъунти дирути сари.....	60
Гляшат ТАЖУДИНОВА, Гляжай ГЯБДУРЯХИМАНОВА. ДеркИбти дусми – рухла бетуц сари.....	65
Рабадан-Хияжи ЮСУПОВ. Беглара чердикIибти.....	70

ИГИТУНИ ХЪУМХ1ЕРТУ

Аминат ГЯБДУЛМАНАПОВА. «Дузеная, узби».....	71
--	----

НУШАЧИВ ГЯХИЛАДЛИ

Табасарантала поэт Шагъвелед ШАГЬМАРДАНОВ. Амирха хъярла галга.....	74
--	----

П О Э З И Я

Тавсултан СЯГИДОВ. Ца-цали арбашули.....	85
---	----

АМИНАТ ХИЯПИЗОВАС – 60 ДУС

Аминат ХИЯПИЗОВА. Глямру, Ватлан, замана. Назмурти.....	88
--	----

ФОЛЬКЛОР

ШяхI МЯХИЯММАДСЯГИДОВ. Халкыла буралаби.....	95
---	----

Регистрационный номер ПИ №ТУ05-00369 от 23. 12. 2016 г.

Выданный управлением Роскомнадзора по Республике Дагестан.

Типография: ООО «Издательство «Феникс-пресс»

Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №4 2018 г.

На даргинском языке

Выход в свет 15.08. 2018 г. Тираж 288 экз.

Заказ № 235 Цена свободная.

Печать офсетная. Бумага офсетная.

Формат 70x108 ¼

Усл. печ. л. 8,4.

Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Драматургия

Къасумбек МИГЪРАБОВ



КЪУЛЛУКЪЧИБИ

Кіел анцIбуқъла авал суратла пьеса

БУТІАКЬЯНЧИБИ

АМИР. Следователь, 35-40 дус.
ЗУБАРИЯТ. Секретарь, 25-30 дус.
ИНАРА. Зубариятла ралликъяна, 25-30 дус.
АЛХІЯТ. Писатель, 35-40 дус.
СЯГИД. Цай бил къуллукъчи. 40-45 дус.
КУМСИЯТ. Къуллукъчи. 50-60 дус.
НУХСАР. Къуллукъчи. 50-60 дус.

Цаибил сурат

Цябси дуги гъар шайчирад кеп-чеклизиботи адамтала тIамри иргъули сари. Аргъесли саби, мекъ тIаманбубли, адамти вегI-вегIла хъулрази чарбулхъни. Кепиубсила далайла тIама:

**Чарулхъулра ну хъули
Дила исбагыличи,
Далалайра далалай,
Далай хIябмузан чуду...**

Ил гъараҳыкибхIели, чейхули саби тIама:
– ХIуни ил чехIераири!..

Илбагъандан сайри хIу лехIахъибси... Агъ, хIябилра жагали чяхIкалхъахы илини сунела чурми. МехIурван хIерикIусири иличи ну хинкIи дарайчи. Мурул гIяббасилизира агара...

Гур иргъули саби парғъатли бяхъибси къумузла макъам.

Сценаличиб шала улкан. Жагали регIриубси хъунул адам сунела хъули рухIнарулхъули сари. Хъулиб имцIаси сера агара. Лацличиб дяжIимцIала саби. Жагали балбарибси диван. Чиябарличиб царка.

Хъунул адам гъалаксаурли сари. Илала някъбазираад гъар секIал кадиркули сари. Ил рачарархи ахIен... ил, аги – разиси уркIрухъундеш саби. Сцена лебгIеб шалабириули саби. Хъа дайлар хъунул адам сари. Бара-бара рицIибси, цаибил хIерли камти дусми дедеси. Ил дяжIимцIа гъалар тIаширизан, рахъхIи сунечи хIеррикIар, някъби андаличи арху ва чурми датдулхъахъа. Ахъти, диицIибти михъиртачирад чедидеркIили хъутри райличи арху. ГляхIцаадхIи сунела чархличи хIеррикIули хIулбцина риркъур. Хапли чераргъибсиван тирхърухъи, гъалаксаурли алавчар хIерризан. Глур дуцIли дивайчи ретухъи, пIяцIрикили, рисирирап: (гунзрала тIама). ЦархIил хъунул адам арицIули сари. Диваничи пIяцIрикибси чераили, иличи ретулхъан, хъатлизи хъат бирхъу.

ИНАРА. Гъя, дила хIулби дацI, хIерагу хIу чинар руилрил. Ну хIечи Аслиличир хIерли кариилра, хIу риадли... Аризи къалабали! Иргъулрив? Эй, Зубарият... хIед се бетаурли? Гъя? ХIези ахIенрав?.. (*Инара хъулр къунзрулхъан. ДяжIимцIа гъалар тIаширизан уктемли сунечи сари хIерризан*).

– НушачикIун хIерли саби, Зубарият. Ахирра-ахир, акIубси бархIила байрамличи къаниэс асухIебирар, хIуни ил секIал балулри.

ЗУБАРИЯТ. Набчирад чердерхирая, ну ракIес хIерирус. БекI изули саби. Бура лебгазилра, чердерхъес тиладибариб или.

ИНАРА. Се? (*тамашариубли*) Се сари хIуни дурути? Халбара хIуни ибси нуни хIебакънилизи.

ЗУБАРИЯТ. ХIерирус ракIес (Ил ахърирап. Инара ил рисириъниличи шакриркур)

ИНАРА. ХIу рисириилри?! Гъя, дила хIулби дацI. Се бетаурлив? Чили-биялра гъимрукIахъильрив гъари?

ЗУБАРИЯТ. ... (*БекI гъакIибурили сари*)

ИНАРА. Глур се бетаурли?

ЗУБАРИЯТ. Се бетаурлив, се бетаурлив?! ХIуни глур балусира хIебургар. ХIед гъамадли саби. Гъя, дила хIулби дацI! Се бетаурли? Глур хIуни балуси агара! Се бетхIеурлив? Гъя? Бура се бетхIеурли?! Бетаурли саби... нуша хъунул адамти сарра, гъамли хIябцIали, хIябцIанну шура дус дирути, амма чичи мешудикирал ца Аллагъи ахIенси чилилра балули ахIен, хаслира нушани... ну-у-ни... хIу хIечи хIерризи, чичи мешурикирлil?! ХIерризи! Начи. Къалайбарибси начи. Тамаша саби хIечи дурхIини хъарбирни... бяркъяхъес... багъуди бедахъес... хIукIун илди... илди хIед гIягIнити чIянкIли цархIил хIянчи агархIели саби! СецаадхIи дирутив байрутти, гъунибаъниби, дукелцIи... бурагу, хIела жайчира, хIед се сабил децI тянишсив? Гъя? Гайгъайра ахIен. ХIу урузкIулри децIрикIес. ХIезирад хIу урухкIулри. ХIед баили саби хIела дяжIла хIербикIули, алавчарти хIела разидешличила гъайбикIалли. БархIи беркIилизи халхIебирар хIуни бархIи ахъайчи хIяйнаялра трубка някълизи кахIесадли, кIидехI палтар дарсхIедарадли!.. АнцIдукуы сари наб байрутти... лерилра хIуша анцIдукуыра... хIура анцIдукуыри...

ИНАРА. (*УркIрухъи иличи хIеррикIули сари. Иргъутачи ил рирхусигъуна ахIен*) Се бетаурли хIед?!

ЗУБАРИЯТ. Вай дила Аллагъ... гүурра се бетаурлив рикIар. (БекI буцили гямызиларяхI дуцIрулхъан. Багълали иличиряхI чарряхъили). Тиладибирула хIези, ну ратаба. Дила замана агара.

ИНАРА. ГяхIси! Нуни ил секIал хьумхIерти. Иргъултив? Ну гъачамлис чинилра хъулирад дураиси ахIенра. (*Унзала гъала раили тIашрилзан, селичи сарил шакрикибсиван, цIиваши хIулби ца мерличи хIеррикIули шинIриргIур. МухIли ибхъу, се биалра эс дигусиван. Зубариятчи чарряхъили, гъакIбирули бекI, гъар-се секIал аргъира, къурумсакъ, рикIусиван, дурагулхъан.*)

(Зубарият тIашли кавлан. ДяхIличи чедуцили хъутри багълали хъулир къунзрикIар. Дурагад Бетховенна музыкала тIамри гIянцIиван иргъули сари. Зубарият кIантIиси уталичи карирар. Унзализи чили-сарил гIяшли къутIдирхъу. Зубариятли къутIла иргъули ахIен, тикрумази мурхърикли. Унзализи сагали къутIдирхъу. УркIрухъи, ил чериргъур, михъирличи гъяждарии някъби гIеларяхI римIакIили, уталичи хIеррикIар)

ЗУБАРИЯТ. Да... да... (чеб-чебудуси тIамаличи) МуцIурла вегI мурул адам ухIнаулхъан. Иличири палтар гIядатла сари. Зубариятла зилан виъни багъесли саби.

– ХIу?! Амир?!...

(Зубарият, се бирузил хIебалули, гумлачи ахърирап, хапли сунела аги аргъили, паргъатрирап. ГъакIбарили бекI, дяхIличи чярхIкавхъунти гъез къакъличи лайдикIу.)

– Чарухъунтив? (Гъамриубли някъ буриц) Сен калунри?

АМИР. Хашкелди, Зубарият. Гур се ируси? Здравствуй викIес балхIебиркур. Добрый вечер балхIебиркур, нушалара мез лерну. Дарган мезлизиб биалли къантIли, ца девли буруси салам агара, хъунул адамлизи. ХIу сен сарри? Сен калунри? Рарсирубли ахIенри. ХIечила хъарбаира ца адамлизи... гъар-се-секIал ункъли дурибхIели, левгIев развиубра.

ЗУБАРИЯТ. Гым... Нура разилира хIу ара-сагъли виъниличи...

АМИР. Себетаруси гъатIи набчили? ХIянчили ну гъачамлис мутIигIхIейрура... Гъачамлис... Тяйгали гъанна набзи уркIилизи сунела урехиагардешра кертIили сари. ХIя-хIя-хIя... (уркIила чеди михъирлизи бирхъу. Хапли гъинчи къицIбиру ва левгIев варсиубли, кIунтIби чIумали цаличи ца гъяждари, мурхъли гъигъабатури, иру) Набчиб чебдукарбяхIбтала байрумти дуэс набзибра цIакъ биур.

ЗУБАРИЯТ. (ГъалабяхI ганз кайцIу) – Нуни ил анцIбукула ахир хIебирни... балулри. УркIи дайм гIеббугъи... дайм.

АМИР. Гъу... гъу... ну масхурта угъусира. ХIуникIун балулри, наб асухIебирни. Сагати гIамру дехIидхъес гIягIнили биъни. Амма масхурти сари. (Някъ гъакIбарили ЗубариятличиахI ласирхъур. Разиси тIамаличи, сунес сегъуналра авара агарсигъуна тIамаличи эс дигули хъалли, хIейубли, иру). Аргъирагу, Цаибил увкасиб или. Бурсириублирив сагасиличи?

ЗУБАРИЯТ. Багъла-багълали... Илгъуна адам увкасили чеирив хIуни?.. Илдигъунти шурбалтути саби.

АМИР. Чина шурватура?

ЗУБАРИЯТ. Госагропромлизи. Багъласи мерличи... гъи-гъи... пенсияличи арукъес замана баайчи.

АМИР. Гъарли-марли бягIуси буили саби илала къакъ.

ЗУБАРИЯТ. АхIен. Агара илала къакъла гIелав чилра... агара. Ил,

сай илгъуна... вири, вяшикIес балуси... серхурси. Толстойла «ХIяжи-Мурадлизиб» лебгу ца къарличила белкIи... Татарникличила... Илгъуна вири ил, чумаси. Амма урухкIусира вири.

АМИР. Чумаси?.. УрухкIуси?.. Гъм... хъулки вири ил... чумаси, серхурси хъулки! Ю-ю-х... (ца мерличи *хIерикIули шинIвиргIур*).

ЗУБАРИЯТ. Амир, бура, итаб къянни ихIенрив?

АМИР. ЛебгIеб жагаси мер бири. ЛебгIеб... Дуб агарти вацIурбала капарайти сарри алав, дяхIили кIапIкадуцили. ТIабигIят чинабалра цагъуна саби, чянIли лишанти, ранг сари декIартти. Мар-марли уркIила духIна хIеризадли, адамтира илдигъунти бийни иргъид, дургид гъамдеш. Чинабалра леб илди гIяхIти ва вайти. ЧянIли вегIлис чебиркIес балес чебиркур илди. (*лехIдеи*)

Ну калунси мерлис гъамли, шарашкаби дируси мер бири. Дургъбас гъалар, дарибири илди. Чили бала, белики дила хала дудешра итав калунсирил? Балулрив сен арукисирил ил?

Ил колхозла председатель вирусири. ХIянчи заманалис гъалар тамандарибхIели, байрамла бархIи унц белгъунси саби илини шантас. Чили сабрил, валлагъ, Амирли колхозла хIунтIена унц – нушала байрахъла рангла, сунесра Коммунар бикIуси нушала чедибдешуни иргъахъути рангла, или земотделлизи белкIири... ва ил арукисирил... ИтхIели баиси буили саби адамличила гIярза белкIалри, къисмат арзес. Урехи башулри гъарилла юртлизи, къакъала, хъучи. Чина дигара. Цакъиси цакъагарси ветихъахъули... Гъм... селичила гъайдикIулра гъари нуша? Селис гIягIнити нушаб илди? Бура, Зубарият, хIу сен саррил? Ил хIянчиличирад аркукьес пикри хIебургар хIела? Эллелей, хIябилра гIяхIбизур къалли ил хIед...

ЗУБАРИЯТ. Сен или викIулри хIу балукъи? Чина аркъусира ну? Ахиррапахир, се декIардеша хIу чинав виадра, вегI адамли калес видалли?

АМИР. Ну хIечила пикрикIули вираси. Хаслира хъунул адамтала тIама аргъасри. Гъамли хъунул адамталара... бири... къалли туснакъ.

ЗУБАРИЯТ. Илбагъандан дурги хIуни набчи дахъал кагъурти дархъиби? ГIягIнили ахIен, Амир. Селис риргIяриргулрав? Ну хIечи рирхули ахIенра. СенахIенну хIу нуни гIяхIил валулри. Валулри. ХIукIун судличивра набчи гъимили вицIили хIерикIусири. Хъумартурли ахIенра. ХIуни ну гIяйиблариулри, цаибилра гъудуриубли сай или пикрикIули. Вирхай набчи, ил гъудурхIейуб хIела къуллукълизи. Нуни валулра. ХIу танбихIлаварни арукисирил ил секIал багъес къасбарра нуни. Ахиррапахир багъра багъурра. Ил гъудуриэс асубири ца-кIел дус гъалав, амма итхIели хIейуб, сенахIенну ил кайиси утала биркIунти дучIулри итхIели. Гъар-секIал дарибири илала «къуллукъибани» сарри. Сукъурли дунъяличи хIербикIути илала къуллукъибани. Илдани гъачамлис утала чIягъла дикъули ахIенри, илбагъандан, чусра хабарагарли, сукъурли вяшибикIулри, илис гIяхIбизес... ялавкардеш дирули.

ХIед гъандиркули дургар газетала редакторли следствиела замана хIези дуриби. Хъумартес-декIар вирапу илала уркIецIидухъести дяхI... кумекбарес дигули. ХIу вархълири или чуйна буриба?.. Нуни иличила чизилра хъархIебаира, амма валулра... Амма илала тIабигIят лебгIеб ункъли бяркъурра. Ил – Хомелеон сай. Хомелеон... ХIу арукисирил гIергъи хIечила илини кабяхъиб макъала? Дила хъулиб газета леб... БелчIес дигули виадли. Юх, юх, Амир, хIу нуни гъириули ахIенри, наб дигулра хIуни аргъили, ца секIал аргъили –

илди урехила адамти саби. Бати илди паргъатли. СенахIенну, илди бурсиубли саби... бурсиубли – каягIяхъес, гIяндбурсеш. Чус къияндикалли, урехи алавбухъалли илди хIербикIар узидешличи, гъалмагъдешличи... Гякъраб сунес саби къацIики бубкIуси саби бикIар, вайси агилизи бикибхIели, илди биалли Гякърабтигъунти ахIен.. XIу пикриухъен, чи сабил илди. Пикриухъен, Амир...

АМИР. ГIяхIси, гIяхIси, Зубарият, пикриулхъас. ЧIянкIли хIу къакъамарикIуд... гъар секIал дагъурра нуни, гъар секIал. ГъанкI агарти дугурбазиб нуни гIур бируси селра бугаги, пикриикIни ахIенси. Дигив назмуличи лехIахъес. Гъа? Нуни белкIунси саби.

ЗУБАРИЯТ. XIу дукаркIулри.

АМИР. АхIенра, лехIризи.

Чуйнара, агъ, чуйнара
УркIилабакIиб къалли,
Дила ши, дунъяличил
Бигъунси гъярцIа гъуни!

Гъараҳъли виаслира,
Ну вигъира илини.
Гъамли хъусдирхъис зубри
Иличир. – Сенрив? – или.

Белики къаршиикес
Уркурличил ухънара,

Жагъта ши балтухIели,
Халаси децIра сайра.

Издагра чериира
Улкъайла гъалар тIашли,
Агъ, хIябилра гIеркъаси
Лебри или рургъули...

Дайм гъуйчир рирузи
Рухънани вагъишара,
Яра савли хIябрази
Укъес чебуркъес вара?..

Зубарият, сен сарив ил рухъна, Меседу-адай? Чуйнара гъанрикиб къалли ил наб. Чарухъуну илала урши?

(Ил замана Бетховенна симфония ахъли зайбулхъан. Амирли ахъбуцили някъ, лехIахъахъес лишанбиру. Ца акт таманбайчи лехIихъур. Музыка гIящидикIули, гIянцIидикIули детихъур. КIелра лехIкайхъур. ЛехIдеш Амирли бульба).

АМИР. Селичилла саррав нуша гъайдикIути?

ЗУБАРИЯТ. Рухъначила.

АМИР. Гъа, Меседу-адайчила... Сен сарив ил?

ЗУБАРИЯТ. Аррякъун Меседу-адай. Даймлис ардухили жагати хIулбазир сунела хIеб. Гъанбиркуру къапула кариибхIели шалгIевулхъуси жириули, уршиличибад касибси кагъар белчIахъес? XIева барахъес багъандан ЧIянкIи чебиахъули. Гъарли-марли илала уршили дурхъути дуили ахIенри илди. Кагъурти ца учительницази лукIахъули руили сари, ЧIянкIи – гъалар муртрил сунени асибити дуили сари, сунени...

АМИР. Урши чархIевхъуну?

ЗУБАРИЯТ. ЧархIевхъун. ХIяририхъайчи адамти умцIули калун, къел-хIерзи хIедаргиб. ГIергъиси замана ил авлахъличи раши. ХIяжатдеш агаркъи, гъар бархIи мах барили бихи – хивла къялбула. Шила дубла раибхIели, лайбикIи. Къакъличиб махличил ребкIиб ил ца бархIи, шилизи рухIнарулхъухъели. Адамтани бурули калун, муруй далцули калунти хъумачи рашуси сари или. Белики или биэсрэ асувирап. Сунени, илини хIебуриб иличила... илкIун гIергъиси замана бекIил гъайхIерикии. ЛехIкахъули рири.

(Сагали Бетховенна музыка... Амир Зубариятличи хIерилзан. ХIер аргъили, илини иру). Ил поэт сай. XIуни хIелад ил.

АМИР. Мусалаву гъари?

ЗУБАРИЯТ. Редакциялизив узули сай ил, редакторличил валли дебали вайтIа сай. Цала цали иргъули ахIен. XIуни балулригу, редакторли буцибси гъуни. Илала пикруми, райкомла орган саби викIули сай, илбагъандан илала хIярпличивад чеввалкIес вирули ахIен. Гияшти биалли илини бячIес бала. Агъ, хIябилра бала. XIуни хIебалулри илис культурала урибси хIянчизарла у беднира.

АМИР. Гым... (*шайчи*) гым... БитIакI имцIабикIули саби. (Балули ахIен декIсицад зугъали кабиркни...) Гыу, ну чарулхъас... къанни саби. ЖагIял дила къиянси бархIи саби (*унзала гъалав тIашилзан, чаряхъили иру*). Ну вакIайчи хIу рисирилпри? АхIенрив?

ЗУБАРИЯТ. Цунси хъунул адамлизи иличила хъархIебиу... (*ЛехIдеш*) дудешличи гъавхIекIирив?

АМИР. Жагати муэрти чедааби. (*Дураулхъан*)

КИИБИЛ СУРАТ

БиштIаси кабинет. БяхIличиб картина (*декIардеш агара сегъуна биалра*) Авал ута тугъули кадихъили столла ца дубкад. Столличиб телефон. Ила зангъ дашули сари. Иларад зангъдяхъес вирули ахIен. Кабинетлизивси вабза мурул адамли чуйнара-сера трубка касили зангъдяхъес къасбирули сай – вирули ахIен. Ил къядаличил барышкайуб ил, бекI буцили, кайрап сай... Ил замана телефонни зангъдирхъу. Гъалаксаурли трубка кайсули.

– Да... ВагIялайкум ассалам... ВайтIа ахIен... Марлив, гъа... Агъа... Чила... чила... (разихIейубли,amma бареси агарли)... Чили сабрира?.. НушакIун... нушакIун... Шалда Бишамович... (*Буруси таманбараҳъес балтули ахIен трубкализивсели*)... ГIяхIси... ГIяхIси... гъайгъайра... аргъира... ГIяхIли кален... (*Вянкъасахъили трубка кабихъили алзан, улкъайлувад хIерилзан*)... Шалда бекIличи кабикаб хIела.... МухIли – гурда ганжи – бецI... ГIярза леб!.. (*Чила-биалра гIердирули сай*). Леббиалли, лайбакIа гъатIи... бекIлил хIечи хIебакIибсиван... цIали бига... цIали вигабину хIу. (ГIурра зангъдирхъу, дуцIли ветулхъан).

... Алло... Се бетаурли?.. лехIахъи... набчи... лехIахъи викIулра хIези. Селра хIушачи хъарбарес асубирузи ахIен. Нуни хIези буррагу, чизилра чемайахъид или.... Чизилра. Чизи чеахъирив хIу?.. Чизилра викIултив?.. Редактор леври?.. Чинав? Тяк... тяк... тяк... Аргъира... лехIахъи гъанна набчи. БархIехъ хъули вакIи, хIерли вирус. Машина гаражлизи макид... ГIяхIти гъунби диаб. (*Трубка кабирхъу. Уталичи кайрап*)... ХIерикIенгу ца. Сунес сегъуналра авара агарси мерличира гъудурикIули... лехIахъес хIейрули!.. Гъанна бикайчи лехIахъибси гIурра лехIкайхъур или... Гъари тIашизи хIу... (*Кабинетлизи Амир айцIур*).

АМИР. Ассалому ГIялайкум, ГIябдулмажид Расулович (*Амир ГIябдулмажидла гъабуцибси някъ чехIебиули, кабинетла дайлав тIашилзан, жавабагарли картиналичи хIерилзан, ГIяшли хъинтIбирхъу. Уталичи кайили къяличи къяши кабирхъу*). Чис гъанбиркив итгъуна ит кабинетлизибад иш кавлан или. Гъа? ХIед ил секIал мурталра гъанбиркуру? Гайгъай, хIебирки...

Олимпличиби аллагъуналакIун замана хIебирар, ванзаличи кабацIили гIяшти... зугIумазиб биркъес. Илдала пикрумазир чIянкIли ахъти зубарти... капарай-майдунтицун сари... ВегIбекIунала... иш ванзала хужаимтала. Амма ахир агарси секIал бируси ахIен... Илбагъандан сайри ит кабинетлизивад хIура мяхIрумварибси. Тамаша – хIед ишра гибни...

ГIЯБДУЛ-Д. ХIела уркъубяхъуни нуни иргъулра. Амма илди дархъти ахIен. Гайгъайра, итхIели нуни хIед кумекбарес вирусири... наб ил секIал баресра дигусири... амма...

АМИР... ГIе, хIу бурсивиубсири кумекбирес, ил кумекли хIед пайда бихули биалли... кIиркали... верхIкали... Масличил вархес. Масъала сегъуна биалра... такъсирдешличил бархбаси биалра.

ГIЯБДУЛ-Д. ХIела мерличив виасри, нуни дахъал гъай хIедирира. УрхIлизирад арц тIалабдарибси, хIурматличил хIечи игъдибар бихъили бедибси хIянчилличил пайдалавиубси ну сайрав гъари?..

АМИР. Иличила гъайдулхъехIе нуша къаннинан.

ГIЯБДУЛ-Д. Дила сегъуналра иштяхIагара хIечил ихтилатикIес. Заманара агара. Дахъал дарести лер дила, хIуван акъули ахIенра (*Хъябличибад хала тIул арху, дарестала дахъдеш чебиахъули*)

АМИР. Сен биалра, хIу урухварри итхIели нуни... Гъайэс мер агарли урухварри. ЧIянкIли ца секIал хъумкартурра... сепайда, ну урехила, вайси агилизи викибхIели се-дигара барес хIу гIелумхIелзни. ХIебалас иличила сен пикрихIевхъунрал...

ГIЯБДУЛ-Д. Гъи-гъи-гъи... ХIед дигулри ну сабурлизивад ухъахъес, се биалра набзи бурахъес... Къалмакъар дарахъес... ХIела селра бетхIерар... ХIу хатIаиркулри.

АМИР. (*БекI гъакIибурили алзан, лацличи чебяхIкахъибси картиналичи гъамирап*)... ХатIаиркулри. (чариубли сунела мерличи кайрар) Дила пикрили, хIу лерилра ГIямру хатIаиркули калунсири. ЧIянкIли хIед кумеклибиуб замана. Такъсир бариси хIянчизар жавабличи витIхIейкIуси замана: Алагълизи шукру, ил – арбякъун. (*ГIябдулмажиди уркIухъи, бекI ахъбуриу, ил секIал хIясибхIебарии, Амир даимирап*). Язихъси адам сайри, ГIябдулмажид, хIу, левгIев язихъ... Балултив сен язихъсирил?

ГIЯБДУЛ-Д. Балули ахIенра...

АМИР. СенахIенну, хIела яхI-ламус умули ахIен, хIуни виадли ил секIал иргъули ахIенри... яра аргъес дигули ахIенри. СенахIенну жявлил шурухъирри хIу манкъуртIличи. Валултив ил чи саял? (*ГIябдулмажид варсиубли, иличи хIерикIар. Ил гъимукIибсигъуна сай*). Гъм... чинад иргъусив гъари ил хIуни, жуз кайсули хIейадли някълизи?.. РухI мискинни хъалли хIуни пикрира хIебирули виадли? Иш дунъяличи хIу хIерикIуси ца хIуй сайри. Илини чедиутира илала рангцун сари, ранг. Илала децI, цIум, чекайсуги балагъуни хIуни чейули ахIенри. ХIед ункъли биалли, хIед дунъя гIяхIси саби, вайтIа биалли, вайси саби. СенахIенну, хIед ил чIянкIли склад саби. Склад... масхазна кадихъибси тукен саби хIед ил... Илцадра биштIакабаахъилри хIуни ил. ХIуни къабулбируси чIянкIли ца закон саби, ца – хIериэс балнила. ХIед сеннира гIягIнили саби дурадеркIибти къайгънани хIед сабухъ лебхни. ХIед илди сеннира арцличи шурдулхъахъес гIягIнили саби, хIела къайгъни. Эгер, се биалра диргалабухъи, шурхIедухъалли, ил саби хIед балагъ. ИлхIели саби хIед дунъя вайси. Селрайчиб хIуни чебиуси ца лишан саби: машина – хIед

ПягІниси мерличи жявли ваэс, къацI – кани лукъахъни багъандан, варъа – муриси биъни багъандан... хунул адам, ил – чянкIли ил хунул адам риъни багъандан... Гур гягІниси агара илдазибад, цархIил... селра илизив чебиуси агарли. Илала черяхIдеш, дурхъадеш, кепдеш. (*камси замана лехIкайхъур, гIур, айзурли, даимирар*). Ге, итди хуни хIела кисмази дигІяндарибити азири нуни даргес хIейубра.... ХIейънилис набчиб гяибра лебхIебиалра, нуни хIела гъанкI бемцIахъурра. Иличи хIу къабулхIейкес хIейруд. Гъачамалра гIямрулизив шаладикайчи бурушлав шайчивад шайчи ласхIелхъуси хIези гъанкI агарти дугурби деркIахъира. Нуни ил се сабил – гъанкI аргъахъира... Законна гъалаб хIуни бариси такъсир кабизахъес ну хIетурра, амма гIямрула гъалаб нуни ил секIал барес виубра... Ил секIалра хIуни балулри... хIела баркъудлумазивра вяшатГайзивра азадси адам хIейъни багъандан, язихъизеси адам сайри хIу... сенахIенну хIед буйрухъбикIути «ХIяжатдеш ахъес башухIели» илдас шинни бицIбси къумгъан тагъаратлис бихусири хIуни.

ГЯБДУЛ-Д. Диур! (*Столлизи хъат бяхъили, алзан*). Диур, хъяша? Чичил гъайикIулири хIу?

АМИР. ДяхIцIиличил. Увла директорла дяхIцIиличил

ГЯБДУЛ-Д. ВерхIахъес гягІнили уилри хIу итав... хIабцIали ибти дусмазибван!.. АкъухIетурли!

АМИР. Итди дусмачи карцIиублирив? Гъа! ХIела дудешра рахли итхIели бусути адамтачи гунзрала тIамали каҳдеш башахъуси хIейалри!..

ГЯБДУЛ-Д. Дудешличила гъай камти дара. ХIушагъунти гашукуни гаша хIебекIахъес дуразла гIелаб сунела арадеш бетахъаҳиб илини...

АМИР. Или биалли, нуни чевверхни тиладибурулра... хIела дудешлизи... Итгъуна дудешла гъай-гяйиб илгъуна урши акIни. Гъарли-марли чевяхIси поэт уили сай Батирай: ДугIли ахIен илини ибси: ГяхIгъвобза адашивад, адмакIвоб вайна гъабза, адаан дакъиб къугъуни сунишир ширихъуну...» Селис иша катурсири хIу? Гъа? Балули ахIенра. Лер къалли нушала пачалихъла далхIейкиби законти. Пенсияличи ваайчи или, сегъуна такъсир баралра, къуллукъличивси адам валтули сай. ЦацахIели хIянчира бедлугули саби. (*Илди гъай Амирли сунечил ихтилатикIусиван дуру*). ДугIаили ватес гягІнилири хIу, пенсияличи ваайчи кIатIаличил узахъес. Ил бариси биалри, лебгIеб бархъисири, сенахIенну хIу, иша кайбисира, хъяникIес сайри. ЧянкIли хъяникIес. ХъямхIейкIес хIу вирхIейруд. ХIу ил изайзи викилри. Хъямваши... Хуни балулри кIел дусли хIу пенсияличи урхъни, илбагъандан, сегъунти- дигара къайгъуни дурадуркIули, хIу хъяникIуд... Совхозра чукъабиубси урчиличи мешубикахъилри. Лерилра лигуби дейгIес вируси урчи биаргү?.. (*Гябдулмажид урехила кабизличил иличивяхI ватирхъур, хункли чумадир. КлунтIби руржар. Амир алзан, хIулбази хIерикIар иличи хIерли. Гябдулмажид гъигъ чейгесли гъамиубли тIашилзан*).

ГЯБДУЛМАЖИД. Сен биалра, ну сайра чедикибси! Ну! (*михъирлизи хункли дирхъу, вет-сад къунзулхъан*). ХIу нушани ита вархъири хъулкиван! Иргъултив? ХIу сайри хъулки! ХIу!

АМИР. Гъала-гъала хIела уркIилизи хъарбаа, леб биалли ил хIела? Илини се бурул. Илини хIези буру, чи саял чедикибси. Селра сахIерхибси чедикибси сайри хIу.. Селра... СенахIенну хIела замана арбякъун... зузбитIи... дирихъван. Гъанна хIу хъатлавван сайри. Чинавад хIеризалра чейулри. Илбагъанданра хIейруд хIу гъанна уркIиличи лехIхIехъес. Ит. арбякъунси

заманаличи карцIли, иличила пикрииқIули гIязабтазив хIериrud хIу... Гъанна... саби лебсиван зурбасили дунъя чебаэс хIела замана агара... Гъанна хIуни чебиулри, багъла-багълали, сеңад халасил ил. ГIурра гъаввиқIус. ХIед хIела рухIли биру биран... ГIяхIли кален... (*Амир дураулхъа.н ГIябдулмажид сунела уталичи кайрап. ХIяжатдеш агаркъи трубка кайсу, мява ласбарили, лихIиличи чебурцу... Трубкализиб тIама аргъили, къалабали кабирхъу, алзан*).

ГIЯБДУЛМАЖИД... MexIуриублирав гъари ну? Чина зангъдирхъуправ?!.. ИлавкIун гъанна цархIил сай... цархIил... ГIе, ласбиқIуси буили саби нушала ута... Ту... дунъя!.. ласбиқIуси буили саби...

ХIябъибил сурат

Зубариятла хъали. *Лацличиб халаси къалтин. Къалтинничиб ханжал. ГIямзилаб журуга биштIаси стол. Столличиб вавнала хъаба. Хъа дайлаб гIяси стол. Алавчарли авал кресло. Ца креслоници кайили Амир. Хъулив гIур чилра агара. Ил никрумазив сай. КъухIбуции бекI, някълизиб магнитофонничил, жагъил дурхIя айцIур. Сунени валхIелуси адам чеили, унзала гъалав тIашилзан. Амир, ил чеили, алзан. ЛехIкахъили илди цаличи ца хIербикIар. Ил замана кухнялизирад гъалайхъаничил Зубарият дурагулхъан.*

ЗУБАРИЯТ. Сен тIашлира хIуша? (*Гъачам цаличи, гIур итилличи хIеррилзан*). ХIуша тяниши хIедургуда... (*Амирличи хIеррикIули*) – Ишиш АлхIят бикIар, назмурти лукIули вирап. Амма поэт ахIенра викIар, ил у сархес гIягIнили саби. (*Кухнялизи чаррулхъан*)

АМИР. Амир. Тянишли хIедиахIелра, хIечила аргъира. Газетализив узуури... редакторличил вижгурлири...

АЛХIЯТ. Ил сай набчи разили ахIенси. (*КIелра дукарбирахIур*).

АМИР. Ваши, кайи. ГIяхIти музыка леру? Музыка чердикIесра гъамадли ахIен ишбархIи... хIеркIлизирад... хаслира ташмишикIуси адамлис. БекIсигъуна, вегIли чеббикIиси журалис къянхIейэс саби.

АЛХIЯТ. Нуни чеббикIиси ца жура-декIар агара. ИлкIун Гинц яра хъяр ахIен яцклизыбад кайсуси. Ил уркIила гъавла дузаб саби. Агурби ГIяхIтира лер вайтира... Классикала музыкализир дирару вайти, макъамти гай-гайра дирар, эстрадализир дирар...

Масала, ишди гъаннала... цацабехIти композитортани лукIути музыка... Валлагы гIязимрагу, илдачи лехIахъес ахIенну, илди арцантази огород батахъес или дирхъесра далхIедиркур. Гъм.. ГIе... Балулив се багъандан сарил вайти музыка лукIути? СенахIенну хIези чилра агара, эй икIуси, жей викIуси. Творческий адамлизиб биэс гIягIниси ламус биали жявлит беткахъили саби. Ит... къиян агарли, ца ити, къел-къелдарили делкIунти нотабас цашибил гонорар чили-сабрил касибхIейчибад Л. Н. Толстойли ибсири: «ХIелукIес вирули Гергъи, малукIад». Амма ишаб ца къияндеш леб, Лев Николаевичли хIисаблизи кахIесибси.

АМИР. Се?

АЛХIЯТ. Диги. Арцличи диги. Гъамадли яшав барес вирули Гергъи, селис гIягIнили художниклис умсес?.. У лебли Гергъи, илис авара агара. ГIур гъар-секIал шинван аркъули сари илала. Илгъуна аги музыкала дунъялизибцуун ахIен, гай-гайра... Илдигъунти «шилтыхъчиби» литературализиб гъатIира баҳъал леб. Журналистикализиб... леб партийный хIянчиличиб. Нуни аргъира

Хемингуэй сунезивад сай вебкібси, гіур лукіес хіейрухіели сайри или. Гъалав сай лукіухіеливан лукіес хіейрухіели. Вайтіа лукіес биалли илала ламусли къабулхібирулри. Илбагъандан вебкібси сай Японияла писатель Ясунари Кавабатосра...

ЗУБАРИЯТ. (*Къалабали хъули ариціур. Сунес се сабрил гіягіниси хъумартурли, алавчар хіерикіар*). Алхіят, асухібирару, вайтіа лукіуті лебилра бубкіули.

АЛХІЯТ. Гъай-гъайра, асухібирарап. Гъатіира гіяхіси, Толстой викіуливан, вирадли хіелукіес – малукіад.

ЗУБАРИЯТ. Хіейрули виалли, се бируси?

АЛХІЯТ. Хіейрули виалли се? Вайтіа хіелукіули уэс?.. ну вирххіерус илдигъунтачи. Пачалихъла шайзібад гъайбікіули, цацабехітани бируси заралла къадри багъадри, хіу или хіерикіади. Бура се гіяхідеш лебал жуз белчінилизібад?.. Хіянчизарліс., къуллукъучис... чис-дигара биаб саби... учіаннис? Масала, писательли гъалабірхули сай, сунела белкілизіб вайтіа бузуси завод, яра совхоз, фабрика... се-дигара биабгу саби... адамти бузуси организация биалли... хіера илав хапли ца жагъил хіянчизар вагъариули сай, убра бекідеш дирути хіянчизартала хіянчи балтіули сай... илдала ургар... жалти... къалмакъар детарули сари. Жагъил деңікіули сай. Улкъайла удив вет-сад къунзикіули сай. Чараагарли илгъұнала лергіер жагаси хъунул адамра рагъарриули сари, илгъұна ағилизивхіели күмекбируси... сунела дигиличил Певурцуси... ахирлизив ил чедииркули сай, ва... се бетарули гіур?..

ЗУБАРИЯТ. Иличи бирхарули саби.

АЛХІЯТ. Юх... (*Бекіра гъакібирули*)

АМИР. Ил организацияла бекілі калта.

АЛХІЯТ. Шымван бархъсі саби, бекілі калта.

Веңіані дусми илдигъунти произведениеіні балхути бучіанти пакырти ахіену гъаті? Сай лукіанра валли?..

ЗУБАРИЯТ. Бархъдеш лукіуси агарав гъари?

АЛХІЯТ. Гъм... Эллелей хіунира бурид цацахіели, илди агарли асубирару?! Бархъдеш хіебурили асубирусив?

Бархъдеш буруті лебли, илдачи хъарихъухіели ахіену искусство хіебубкіуси? Гъари, пикридухъена се бетарулил ишбархіи нушачил. Хіушани цаялра адам чеирев, гіергъити веңіал дусла ухінав, кавказла палтарли вегіиубси? Нушала бегітани ур дихути гіядатла палтарли вегіиубси?

Илгъұна буқіуси се барibal балулрив шагъарлизи урчиличив вякъунхіели. Хіякимличивад дуравхъайчи къакъалабси парклизи биги батурси урчили декла бекіла кабатурли саби. Букіун биалли гіякіалаварии сай (*ахъли дукарбірхіур*).

Вайлиу биги жагаси ханжайчил... Ахъси къапіаличил. Гъайгъайра, чехіеира. Илди лебти чіянкіли делхъла ансамбльтазиб саби. Хіебалас илабра сен лебалтил? Ишди лерилра даргала дубурти ласдарадлира цалра шинкъанра хіебургид. Гъятіхіели даталри диргаладулхъутирил хіебалас илди? Кайсехіе нушала мез. Ил бегіла назикси ва мягіничебси масъала саби. Гъачам шагъарлизібад дила рузила дурхіни лебри бакіли нушачи...

(*Зубарият гіяшли дукаррірхіур, Алхіятли иличи никри бяхічхіеіу, Амир иличи хіерілзан*). Ағы, илдачи хала нешла разириубдеш!.. ил илдачи яргали байрикіи. Бекіличирад хіяршикіи, хъябрұцбурци... амма гъайхіебухъун

илизи. Сен? СенахIенну илдани чула нешла мез далули ахIенри. Иргъулраяв?
(АлхIят Зубариятчи хIерилзан, ил гъинчIрилзан).

ЗУБАРИЯТ. Се бариша нуни дила хIянчи илгъуна биалли?.. ИмцIали урус мезли гъайрикIес чевкъули саби... Къабулбараҳъес. Цаибилличи бакIибтира имцIали урус мезли гъайбикIули бирарап. (Сунени дурутачи декIар илини илцаd пикри бяxIичхIейу. Сунес хIяжатси се сабрил ахирра пикриулхъан. Андаличи чебуули хъат кухнялизи къалабариркур).

АМИР. (Алзан. Киснази духIнадушили някъби, лацличи гъамиубли, ханжасличи хIерикIар: чариубли сунела мерличи кайрап). Ге... хIу вархълири, АлхIят. Иларад сари дехIидирхъути илди... биштиасиличирад. Иш барасли се бирарап, ит хIебараасли се бирарап, или къабулдиркули. Жагаси... умуси мяxIамбирули ахIенра... рухIла давлаличилла пикрихIедикIулра. Эгъ или, някъ гъакIбарес бурсидиубли. МалхIямти, жагати дугъбазирад уруzkIулра нуша, дубуртала ва хала бегIтала къяркъдеш сабабли дуцили. Клантиси, малхIямси риэс хъунул адам уруzkIули сари... мурула дамра уруzkIули сай, сенахIенну нуша бурсидиублира секIултачи, анцIбукунуачи чедихIартли хIердикIес. Замана багъанабирули, дурхIини сабабли буцили, децI ишбархIила адамличи балхIебикни уркIилизи кабуцили... (lexIдеш) Дила дудеш урибси далайчи хIейри. Бахъал адамти цалабикихIели, далайэрса уруzkIули вири... гъуцIхIейкIи дуравхъес... мявализи. Амма дахъал хIябкубти дали илини... хабурти дали. Маза гIаякаибхIели, къацIли уки чарпайличи геркавхъунхIели, батии... Алавла лехIихъи бургар или гъанбирки наб иличи. Гъанна дудеш... арякъунхIели... (Андаличи някъ бухили мурхъси гъигъбалта) декIли саби... ардухиб илини сунечил далуйти... мицIирли кавлуси агара, амма гъарилла рухIла давла, илала умудеш, жагъдешличи гъуцIли мяxIкамдарес гIягIинили саби...

АЛХIЯТ. (Столличи кабихъибси магнитофонничи някъ гъабалта, Амирличи ласирхъур). Асубирару?.. (Амирли бекI гъакIибуру) Зубариятла саби иш. Музыка чердикIес касибсири. Бетховенна шуибил симфонияличи лехIахъасли бамсриихъис нуни. УркIи ряxIятбирап. Дигахъис илала Бацла соната. Моцартла... 39 ва 40-ибти симфонияби. Илдачила гап-чяхIикIес гIягIинидеш агара. Дигахъис-хIейгахъис викIес... сенахIенну жявли илдани чули ихтияр сархили саби чис сари гIяxIдилзутил, чис ахIенал...

АМИР. Ил тамашала пикри саби... хIуни бурибси... Ил замана, Бетховенна шуибил симфония гIяш-гIяшли зайдулхъан. Кабиибити гъарил сунела пикрилизи гIелайкили, лехIихъур: ил замана кухнялизирад Зубариятла тIама чейхур, АлхIят разихIейбули или ласирхъур.

ЗУБАРИЯТ. ХIядурли саби беркеси. (Къумурла кайхъили деркести, ил гъаррикIур, музыкаличи лехIахъибти илди чебаили, багъали, столличи къумур кабирхъу. АлхIятли магнитафон бишиа. Вавни кадихъибси столличи арху. Зубариятли къумри къалабали тIинтIдиру, урга-ургади Амирличи хIеръишу, сарира карирап. Къалабали аризурли, шкафлизибад конъякла шиша кайсу, столличи кабирхъули, Амирличи хIеррилзан, хIу багъандан саби рикIусиван). Гъу, бисмиллабарая.

АЛХIЯТ. Нуни хIебужис. ЖагIял командировкаличи аркъусира... ца кагъарлизири баянти ахтардидарес. Школализи.

АМИР. Анонимка бургар.

АЛХIЯТ. МажхIят:

АМИР. Или биалра гапварили бархъибсира хIебургар. Чидил шилизибад сабив?

АЛХІЯТ. МахIунтIала.

АМИР. Балас... балас... вякъунсира ила гъачам, ца мешебейличи къаршили следствие бузахъуси замана... агъ, хIябилра кIукIайти адамти леб къалли нуша-ургаб. Ит мешебейра илдигъунтазивад сайри. Гъямултар сайри бурес мер агарли. Илини хIебируси, хIебуруси хIебири, ну вархаахъес дигули, амма селра бетхIеур илала. ГъягIиниси мерличи дебакарра къурумсакъ. Араси зурба гъабзали... кIиибил группала инвалидла удостоверение балли касиб, хIебалас секъядыа виубал. Чула, тухтуртала ламусличиб калабгу ил барькуди, амма... Хекъли урибси няс вири... баҳъал къаршибикиб наб илдигъунти, къуллукъличив вирукIели. Гыр-кусхIебикIули, гъярзхIебикIули, илди буэс бирути ахIен. Гъядатлибиубли илди дахъал далути бираар, сепайда, ил багъудилизибад зарал ахIенси дурахIебулхъан, сенахIенну илис буйрухъбикIуси вайси уркIи саби. Даим хIясадси... биръубси. Къяна бурес ГелумхIебилзан чус ГъяхIедеш багъандан.

АЛХІЯТ. ВаххIи командировкаличи вархъили ахIенра ну редакторли, ца анцIбукулис Гергъи. Гъярза ца биштаси шилизибад сабри. Малокомплектное школала учительлицибад. Илини селра дигIянхIебарили заведующийличила... ил школала... белкIири. Илини дирути, дилгIути, дирцуата хIекълизиб. Шила Советла председательли заведующий Гевурцулри. СенахIенну чичилра хъархIехъили школа ремонтбирулри илини, янилис цIабикъала кадирхъулри, цархIил бирулри. Буруливан, гъундури далуси адам сайри ил. Ил багъандан илини сай халалли чейулри, мякълавси учительцун ахIи шанти балли сунела чеблалиуб сабтиван пикриикIулри. Дурсри кадирхънила багъуди бедлугни вайтIа сабри... КъалабахIейкIули гъар-секIал хIясибдарра. Кийна-хIайна алавухъун мез даргес, амма нуни аргъахъира, шикъатIала дугIла дильни. Районнизи чарухъи, гъавакIира багъудила отдела заведующийличи, илала пикри бурахъес. Илини сипатвариб ГъяхIиси учительван, чебетаиси хIянчи бируси бяркъулуганван. Дуриб илис дедибити шабагъатуначила. (*Зубариятли Амирлиши шиша абхъахъес лишанбиру. Амирли ибхъу, хIябал рюмкализи кертиу. Килинра ахъдуцили чедаили, хIейгу-хIейгули АлхIятлира кайсу. Дужса. Зубариятли ахъбуцили кабирхъу. Хъябидуцили дяхI АлхIятли къацI сунтIбуру. Илкъайда хъябидуцили левалли хабар даимбиру.*)

Буриб ил учитель методист виъниличила. Нуни хъарбаира илала методуни селичирли декIардулхъулив или? Чула сагадешуначирли иб заведующийли. Селизив саби ил сагадеш? – викIулра. Чула пайдализиб иб илини. Ахирра-ахир, цала-цали хIергъили, ну дуравхъунра илавад, ва къасбарра чичилра хIерхIейкIули, белкIес макъала саби аги нуни аргъисиван, балусиван. Ил бархъдеш гъалабихъес... бучIантас... гъайгъайра заведующийла пикрира... калунтала пикрумира дурили... Редактор кабяхъес разихIейкиб. Ну виасли ил барсбарес разихIейкира. ИлхIели редакторли цархIил хIянчизар вархъиб, гъар-секIал «хIяжатсиван» дарес балуси. БархъдешлигIив умцIуси ил учитель ватIи, заведующий гапварили макъала дураиб. Учительлизи райкомлизи белкIахъес маслигIятбарра. Илини дила маслигIят пайдалахIебариб, сенахIенну илабси ца отделла заведующий узикъар уилри ил методистла. Илала Гергъи ну командировкаличи вархъхIерхъира. Кагъуртала отделлизи катурра. ИшбархIи живарили, хIядуриахъес буриб. ХIебалас се пикрибарилил.

АМИР. Дилара къуллукъ лебси саби ил манкъуртличиб.

АЛХІЯТ. Чичиб! (*Тамашавиубли*).

АМИР. ХIушала редакторличиб...

ЗУБАРИЯТ, Дашираягу ихтилат шурбирехIену. Наб анцIбуки саби. Амир?! Балулрив АлхIятли сеңад жузи делчIил. ЛергIер дахъал делчIи сай, лергIер. Ишис бегIлара дигуси писательра Америкализивадси сай. Фолкнер бикIуси. Нуни илгъуна писатель левси виъни ишизибад саби багъурси. Сунени Фолкнерли Хемингуэй чумъибил мерличи катурлил балулрив, пагъмула цIакъ хIясибли?... шуибил мерличи. Сунени сай биалли – кIиибил мерличи. Цаибил мер чис сабив илини бедибиси?..

АЛХІЯТ. Томас Вулфлис. Пикрибарибси темала зурбадеш, ил произведениялизиб арзес виъни хIясибли саби викIар илини писательлис кымат бедлугуси. Илини бедибси кыматличил гъарил къабулли виэс гIягIиниси ахIен, гайгъайра. Гъарил учIанна сунела писатель левси сайну Фолкнер гIягIилзуси ил левгIев мурхъси сайхIели сай. Илала «Синка» бикIуси повесть бучIухIели ну цархIил адам ветаурра... нуни аргъира адамлизир секъяды алкIулил иш дунъяличи диги ва гъими... сеңад умууил тIабигIят ва сеңад адам гъараҳъил илизивад ишбархIи. Повесть ца дурхIяличила саби... бара гIямрулизи ухIнаулхъуси хъяшачила. Илала пикрумачила... Синка биалли илаб тIабигIят иргъахъуси илала лишан саби. Абзур тIабигIятла. Адамлис ил къирбарес дигули сай, ил биалли бургъули саби берцес багъандан... ил диявилизиб дурхIяли дунъя гъаргбирули сай.

ЗУБАРИЯТ. Нуни илцадра мурхъли литература хIебалас, амма лукIуси адамличи хIурматличил хIеррикIус... (*Мурхъси гъигъбатурили, АлхIят Зубариятлихи хIерилзан, жузи кадихъибти къасурбачи ласирхъур, Ил хIерли сари Амирли се бурул. Амирли конъяк кертIу*) Дила цаибси дело лукIусиличил бархбасунси сабри... писательличи. ГIярмияла къяназиб къуллукъбарили веңIесил бархIи кавшилри ил... шила дублав.

АЛХІЯТ. Такьсирчи варгирив?

АМИР. (*КъалабамайкIуд викIусиван*). Бархиси история сабри ил. Ну кIиибил сайри илизив узес вехIихъибси. Цаибил инспекторли, илала дневниклизирти белкIани ва экспертиза хIукму хъулчили дуцили сунезивад сай вебкIини кабизахъурири. Ца писательли ил валуси, дело сагали ахтардибараҳъиб... сен-сен виубал, нуни хIебалас, амма илини виуб ил дело сагали ахъбуцахъес.

АЛХІЯТ. Се-дигара барес вирути лебал... (*Зубариятли бекI къухIбуриу*).

АМИР. Дело бехIбирхъули бирар ахирличибад... Хаслира илкъаяда чебиахъули бирар кинолизиб. Гъм... набчи, бархъли бурасли, дукелЦи дашар илгъуна киноличи хIерикIасли, баҳъ лебгIеб гъамадли ирзули бирарну геройли масъала. Ну итхIели ахирличивад вехIхIейхъира – кинолизивван, иличи ургIевли – бехIbihxудличивад... Гъала-гъала багъурра ил се адам сайрил... Хъарбаира бегIти, шанти... хIердарра лерилра белкIани... Наб деңIагиб иличи илгъуна бетаъни багъанданра. Пагъмучевси писатель сайри ил... Чичилра мешуси ахIенри. УркIи иличи кабизур дила, ва илала къисмат гъанна наб деңIагилри. Илкъаяда кавшили.

АЛХІЯТ. Илбагъандан саби иличи илгъуна бетаурсира. Илгъуналис хIериэс гъамадли хIебирар.

АМИР. ХIебалас илини чизирад биалра аргъили делкIирил, жузлизирад

чердикIилрил сунени гъаргдарили делкIирил, наб бурес къиянни саби ишбархIира, амма цацадехIти илала белкIанани ну тамаша ва уркIиулри. Гъанбирки, илини дурути чили-дигара далути сари или, амма мурхъли пикриухъалри, ил суал лебгIеб мурхъли бархили гъалабилзулри. Илини бурибси пикри баҳъли балуси биалра, ил адамлис дигIянси саби... Ил дила, хIела аргъайзибад таманни бетхIехъилихъар, уркIила лутIилаб дигIянбикили саби, иличи нушала хIяжатдеш агара. ДелчIунхIели – гъаргдирули сари. Илбагъандан сарри илди наб тамашадилзути. Масала, ишгъуна белкI лебри илала: «Селис гIягIини бурес багъандан гъай барили? БелкIес багъандан произведение белкIи? Эгер ил бурили гIергъи, белкIи гIергъи хIу паргъатибули виадли, чедибдеш сархибсиван. Чебла ахъибсиван? – УрухкIен шабагъатлизивад...». Ге... ге тяп... илкъаяда белкIири... (*Амирли гъар дев бурули тIулра гъакIири*)

АЛХIЯТ. Илала мягIна хIергъирив хIуни? Или ибсикIун...

АМИР. (*ГъинчIизурли*) Дила пикрили, ишбархIи нуни хIебалуси агара... ИтхIели наб къияннири илди аргъес. Илала мерличи нуни ну катурхIели, илкъаяда пикриикIес вирули ахIенри... БегI гъалав сайрину къаршиикибси илгъуна адамличил. Гъала-гъала, балултив сен дело гIекIибсирil? НуникIун хIебурра се белкI хъулчили буцибсирil итхIели? ВебкIес ца бархIи гъалаб илини белкIири... «Убван наб дигахъуси ца секIал сабри – бархъдеш. ХIу дигахъули – ну ахъикIулри мурул адамван, бархъдеш дигахъули – гъалавяхI вашулри, адамван – кIелра хIуша дархдикibхIели. Илди гIямру сари талихIчерти гIямру. Амма ну хIерси бархъдеш ишбархIи агара – ишбархIи лебси ца бархъдеш саби, хIу набзирад керасни. ХIунира къаршидеш хIедарри, илгъуна агилизиб бебкIа-декIар се сабив?...»

АЛХIЯТ. Илар хъунул адамра леру гъудурли. Лерилра балагъуни илди багъандан сари (*Зубариятичи хIерилзан. Зубариятлис масхара гIяхIизурли гъинчIрилзан*). Ил цархIиллис шери рякъи рурги, гIармияла къянязивад чарухъайчи яхIдуцес хIериубли.

АМИР. Ил шери рякъири – гIур бареси хIебалули. Жяв замана, илдала бегIти жагъхIели, дурхIяла неш ил рурсила нешла узилис шери рякъунси руилри...

ЗУБАРИЯТ. ВегIебшла гIямру... чилра ахIерхIейру къалли. Илдани биалли балуси хIебурги? Биалли-декIар илдашиб гIайиб лебу? УркIи лехIихъулив гIядатунаци?

АМИР. Къанни багъурлири. ДурхIяли багъурси хъули чарухъунхIели сабри.

АЛХIЯТ. Рурси кариибсили кавшили урги ил, сенахIенну...

АМИР. Гъала-гъала набра илкъаяда гъанбикиб. Цаибил следовательли ил, прокуратурализибад ихтияр сасили, ухIина валли каиб, кавшнилизив гIайиблаварили. Чумал бархIи гъалаб бетаурси ца мекъличиб илди жалрабухъи буилри... Амма ил азадватес чебуркъилри, чевверхнира тиладибарили, сенахIенну ит кавшибси дуги ил ца сяхIбатличив уилри. Гъайгъайра, илавад дигIянали дуравхъи, ил секIал барес вири илини, амма мякълбтани ил дурахIевхъун или бикъридеш дарилри.

АЛХIЯТ. ХIебиалли ил сунезивад сай вебкIили уили сай.

АМИР. Илкъаяда пикриикIира ну... Амма сегъуна-дигара цархIил анцIбукура кабикес асубирниличила нуни хъумуртули ахIенра ва... дила ташмишъала дархътили урдухъун. Нуни аргъира, илала белкIаназиб ца

тетрадь агни. Чараагарли ил лебси биъниличи ну вирхули-деклар ахленри... сен-биялра ташмишикгулри... Хъулибра нуни ил хъебаргира... кийна-хъяйна илала бегтиази тиладибарили, хъали умцахъурра – хъебаргира... Кумеклибу б хабарагардеш... Хабарра агарли, къанси замана дурхъялис дигахъуси хъунул адам дила хъули рухнарухъун... Цаибил следовательлира ил хъарраилри, амма илцадра мягичебси селра багъурли ахленри, сенахъенну илини селра хъебурилри. Муруйс, дудешлис ил хъарраили хъейгулри, хъейгулихъар, гъяхъидешра бугаги. Следствиeli ил хъарраэс гъягнилири... Амма илизибад нуни гъалаб буриливан, сегъуналра гъяхъидеш бетарули ахленри. Хъебалас гъар секайчила бурес ит дуги сен илини къасбарибал... Амма илини буриб. Чула дигайла дурхъадеш багъандан буриб рургар илини.

АЛХИЯТ. Балукъи лехкахъилpriv, гъари, ил?

АМИР. Илини балуси цархил сабри... сунезивад сай хъебкъини.

АЛХИЯТ. Сен лехкахъилpriv гъати?

АМИР. Сенахъунну, пикрибарили ил вебклили гъергъи гъар секлал хъядидихъалли гъяхъил бирар или. Селилра ил мицирхъерни балули.

АЛХИЯТ. Тамашала пикруми хъедиалли?

АМИР. Ил дубурлан хъунул адамла мерличи хъуни хъу кати гъари? Гъамадли ахленри илис. Нуни илала уркли аргъира.

АЛХИЯТ. Гур.

АМИР. Илини буриб набзи саби кийна къаршибикиниличи. Кийналра вацъализиб. Рурсила дудеш анхъла къарап сайри. Анхълис гъамси вацъализиб къаршибикилри илди... (*Амирли дерхъаб или рюмка кайсу, къумхъебарии, бужса. Хъябидуцили дяхъхункъиличи сунтъилкан*). Илаб бурилри илини, левгъев гъамси ца адамличи сай ташмишикъиниличи. Дургъбала замана ил хайн вильниличи... Амма чи сайрил бурили ахленри... Илала бегти лебгъеб дин бузахъути сабри. Хъера, ил шали буцили ахтардигарра нуни илдала лебилра гъамти... Ил тугълизив варгира нуни такъисичи.

АЛХИЯТ. Хъу ташмишикъуси тетрадь чинаба гъати?

АМИР. Тетрадь гъергъила дуги илини хиб... Клинайс къаршибикибхъели, бедили уилри илини рурсилизи, сенахъенну илар сарри бегла сунес ахъерти белкъанира. Дигайличиа пикруми. Илди белкъани-ургаб ишгъуна белкъира лебри. Пикри-деклар адам пикриухъеси, сунечи пикри битакъеси ахленри, амма... «...Ученияби тамандиуб... Жагъял частьлизи чардулхъулра. Къиянти дяхъяэс хъуни наб кумекбарри, дила Лаура...»

ЗУБАРИЯТ. Жагаси у буили саби илала.

АМИР. Ил у Италияла поэт Дантела ригнабала саби.

АЛХИЯТ. Ригна... хъябилра хъейгахъис ил дев. (*Зубариятличи хъерилзан*).

АМИР. Ил ригнаба ахлен. Данте левгъев гъяшикъиубси хъунул адам сари.

АЛХИЯТ. Иличила нуни балас...

АМИР. (*Алхъятличи хъулби лапидури*)... Гур белкъири илини... «... Разити пикруми-ургаб леб лебгъеб къизбикъуси пикрира. Гуцууллан ца ухънани сипатварибси адам наб левгъев тянишси сай... Чинав чеисив ил нуни?.. Гъа... Аргъира. Секъядыа бирулира адамтани Ватайис хайндеш дарес?»

АЛХИЯТ. Гъанна нуни гъар секлал аргъира. Илдас гъамси ца динна адамли дургъбазир хайндеш дарили сай, хъули чарухъунхъели, иличила сегъуналра урехиличиа пикрихъевхъи илизи гъанбушили сай... илини биалли...

АМИР. Ге, тяп илкъядыа бетаулири. Агъ, хъябилра гъямултар увухъун ил.

Халаси замана арбякъун илала биография цалабяхъес. Дявила архивлизирад баянти касес, амма харжбариби къияннис хIекъ – бархъдеш кабизахъни сабри. Нуни виубра ил кабизахъес. Ил дила цаибил чедибдеш сабри, цаибил...

АЛХИЯТ. ВяxI! (*АлхIят къалабали алзан. Столличирти тIалхIяна зянкъядрухъахъи, хъатдирхъу*). Сен шакхIейкирал иличи ну, чи саял ил писатель. ИлкIун Мусала(вов) сай. ГIялила Мусалав.

АМИР. (*УркIужъи хIерикIули*). Ге сайри.

АЛХИЯТ. Илала жуз дурабухъунгу ирий. Ца писательла къайгъначибли. Жузла у «Къарлизиб хъатка» саби. Ил гъарли-марли пагъучевси писатель сай, урхIемешуахIенси. Къияйчил дураиси саби ил... ихтияр хIебирули чедибадли.

АМИР. Сен?

АЛХИЯТ. ЦархIилтачи мешуси ахIенхIели. Селичилра хIерхIейкIули, сунела бархъдеш учIаннис гъалабирхъухIели, сунела сай вегIси рухIла дунъя гъалабирхъухIели. Балултив писательличила се бурибсил Фолкнерли? «Писательла мурад – произведение белкIес яра жуз дураэс ахIен, илини сунес сунени гъалабихъиbsи кыл биэс гIягIинили саби бархъдеш бурни – адамтас гIягIиниси бархъдеш, илдазир адамтазир гъабзадеш, яхI, децI алкIахъуси. Адамла рухI илди лишантачи дегIидиуси. Илгъуна биэс гIягIинили саби писательла бархъдеш лерилра замунтазиб...»

(*Хъарахъуд бирар*)



Мяхтамад Сягидов ис - 80 дүс

Мяхтамад Мирзаханович Сягидов актубси сай 1938 дусла майла 15-личив Дахадаевла районна Къярбачимахыла шилизив.

В 1956 ибил дуслизиб Гляштила школа-интернат таманаили, ил Дахадаевла районна ВЛКСМ-ла райкомлизив секретарълы узусири.

1965 ибил дуслизиб илини ДМИ таманаиб.

Тухтурла бузери Ахъушала больницализиб бехіхьибсири. 1966 – 1968 ибти дусмазив ил физиатрии Буйнакъск шағарлизивра узиб.

1969-1972 ибти дусмазив «Талги» санаторийла бекІ тухтурли калун.

С 1972-1984 ибти дусмазив ил «Къаякент» курортла поликлиникала бекІ тухтурли узи.

Дүңарты минеральный шинра чытра пайдаладируги, чумра адам арабиахъуб.

1981 ибил дуслизиб илис «ДАССР-ла урибси тухтурла» у бедибсири.

1984-1989 ибти дусмазив ил «Талги» санаторийла бекІ тутурли узусири.

ХХ- ибил даршусла 70-ибти дусмачирад дөхідхыили Мяхтамад Сягидовла назмуртала ва прозала гляхыцад жузы дурадухъун: «Заира» повесть, новеллабалла сборник «Гумайлав лев Имацци», хабуртала сборник «Дигайла лами», «ХъанцIа», «Рукъият», дурхIнас хасбарибси роман «Рыжик ва Пузик», «Цудара палтарчебти цикруми» ва «Дила Фараон» бикIути романти урус мези.

Творчество беглара гъалабяжI башуси замана декIси изай арухиб Мяхтамад Сягидов, амма халкъла уркIбазив калун.



Мяхтамад СЯГИДОВ

ГЪАЧАМРА...

Аръа маркала кIунтIри вавнала кIапIрачир цIуб арцла мачниван лямцIдикIулри. Савлила умуси заклизиб булбул чатIара жагати макъамта бучIулри. Гъар журала вавнани тIембикIуси гъава къянкъубази гилдибикIулри. Бара гъаббакIиси берхIила нурли хIяна хIурхъала бургачир лямцIдикIути дяxи-миъла къатани гъанкIлизирад багълали черсаргъахъулри. Алавчарли тIягIямла лехIдеш сабри. Гляшура шила дубла шичи аркъулри. Илис, берхIи буцIарбиайчи маза къарли делкъахъес дигули, дуки аркъуси Гиса цугикиб. Ванати хIулбала хIерли илини Гляшурала уркIи гъузгъалдибариб. Мазаличил дубуртази арякъи, базра-сера хъули чархIевхъи, Имацчини бяргIяхъибси уркIила хIял Гисала хIерли мицIирбариб. Дускан лехIкахъибити жагъдеш черсаргъахъиб. Глинзирад хъули чарриубхIели, Гляшура рисирииб: «Хъайчикадиили кIел дус дикили диалра, гъачамалра ихкъайда ванати

хIулбачил набчи Имацци хIерхIейзургу. Гъачамалра дила уркIи аргъили, лявлерарира. Дирихъли кIапIбуциби хIурхъла музаван лехIкайхъули, дила дигайла мурхъдешличила ихтилатбараҳъес гъачамалра ихтияр хIегибгу», – цIумрикIулри Гяшура.

«Къянарлизирти дяргIибы шиннира шанглизирти дуцIарти хинкIара бирар хъунул адамла багъара имцIабируси, хIурматра лябкъяхъуси» викIуси сунела дудешла гъайра тикрардирули, гъачамалра набзи уркIи хIебурили, дуцIрум ардякъун...»

Майла цаличив, Гяшурала уркIила дард аръисиван, Имацци хъули къалабаикиб.

– ХIябал баз хъули бихуси гъуни хъумартурригу хIуни.

– Гузетличивси адам хъули вашес вирусив? – дукархIиб Имацци.

Мурталра гузетличивси адамлизир сегъунтилра малхIямдеш дизэ хIедиарар или гъанбикили, Гяшурани Гиса гапварес къасбариб.

МухIли абхъимбад, хъуна хIер кураван дягIути мура някъбачи бархъбизур. «КIел тIуйчил хайдакъан хивира някъ-някъли маза-масла лигубира дялчуси дубурлай Гиса каршугу, – урухриуб ил. – Юх, кахIершу. Секъайда кавшес вируси вегIла унра, сегъunalра Гяйиб агарси адам? Амма ишгъуна мурийчил хIеррирниличиб мурул агарли хIеррирни гъалаб саби».

Сунела уркIила дард бурес хIерирули, Гяшура малхIямли гъайрухъун:

– Имацци, хIела жан дат, бурагу, мурталра авлахъличив кавлуси, дугрюхъван дурав хIерируси адам урухкIару?

– УрухкIар.

– Селизивад?

– ХIебаршили къаякбикIуси тупанглизивадра хIебержили кепкайубси адамлизивадра, – пишахъиб Имацци.

– Аргъира, – хъулирад дурарухъун Гяшура.

Итмадан чарриубли, илини итмадан халаси дильра абушили, хинкIи дариб, Гямрулис чула юртилизир хIедиубти гъарушла хъабара дакIубиахъуб. «ХIябилра сакIубси, хIябилра жагаси адам руили сари дила Гяшура», – пикриухъун Имацци.

Бизили гавбикIуси дилья къяма хинкIира столличир дагъардиубмад, далай-гъалайла тIамаличил къапула гъалав Гиса вагъариуб. ВякъярбикIахъули кIикъяран тупангра, ита-иша улкIули, Гиса хъули ациб.

Имацци иала куцличи тамашавиуб, хъунуйчира хIерикIули, ташмишикIесвяхIиб. Гтур, багълали айзурли, ратIалгъунти хункIи чIумадариб. Унрала декIси хIерличи уркIаквхъи, Гисани тIамадариб:

– Нуни бержили ахIенра!

– Балулра, – цулби къярждариб Имаццини, Гисачи гъамирули.

Урухиубси Гиса гIелавияхI вашиесиib, Имаццичи тупанг бяхIчиаib:

– Баршили ахIен, амма къаякбухъес асубиарну, гъаммайруд, – вявбяхъиб Гисани.

– Балулра, – чевашесиib Имацци.

Гиса къалабали къапула гIелав веткахъиб. Имаццини, чариубли, гъарушла умегI бержиб. Гтурра бержиб. Белхъунси дилья кесекра чIямбариб. Урухиубли, дай хъулир дадкаризурси Гяшурачи гъамиуб:

– ХIябал дуги-хIери ну хIечила пикрумазивхIели, дила хIялалти ва марта дигайлис хIуни хаиндеш дарес дигултив? Багъи, ну мицIирли левалцадхIи,

хIу цархIиллис къадархIерири! Дила жанничирра наб ахIерси хъунул адам Гисагъунти пандахъибази рикахъес хIералтни хIебалултив?!

Мура гъайли хIулрукIахъибси ГIяшурани кIелра някъли Имаццила хъяб цIацIабириб.

ИлхIейчивад илдала дигайлис чилра ургаухъунси ахIенри.

ГЬАРИЛЛИС СУНЕЛА

Мургъила шинни дакибити ГIярбукIа тIулкмиван ГIебшнила рангли тIабигIят ухескаилри. Ши-алавти катругуначирад дердибити мурала ГIебни дарилри. Дикъурти анкIила бугIми шилизи гечдарили, хIентIбази делшири. Катанухланти шакхIебикили, дуцIрумла жагати бурхIни демжурти хIянчилизир шалгIердухъири.

ХIурхъачирад дургъети, челис-че хъярхъдикIути дугIби кадухъунмад дубурланти яниличи хIядурбикIесбиий. Шантас ГIелакавхъес дигхIейгули, Имаццинира сунела къял-къачалис даари мура кадихъиб. Гъаларти дусмазибан ахIи, берхъили бакIибси хъучирад дучибити бугIмира хIентIализи делшун.

ГъяхIти къар-шин дакIиниличи ГIяшурара дебали разирибулири. Сабухъиличи сунела хIулрукIибдеш дигIянбires хIерирули, Имацци хабурта ругъулри.

Гъаргалабси къасиличи кайили, ванадеш агарси ГIебшнила бархIили ванахIейрни балули, хала хIякализи вергурли, Имацци сунела пикрумази ахъири.

– ИшбархIира аргъ барсбиэсгу или урухкIулра, – иб хапли Имаццини сунела мякъла гугрили, балали лукIуси ГIяшурази.

– ДягIбухъесра асубирап...

– ВеcIиналира дирихъ бакIили ГIяхIил бири. Дирихъли кабихъибси секIал-биалра сунела мерличиб балта, дягIливан хъямбарили архIеху.

ИхтилатбикIути Имаццила ва ГIяшурала буруси таманхIебиубли лебай, хIурхъачибад бургъуси келекли сунела чябхъинти дехIдихъиб: ГIебназирти мура, хIентIбазирти бугIми ардихесбиий, хъулчрачи хъямбикIесбиий. Шила дубларти гъундурачир хъяса-пухIла гулумти ахъдиуб. Душма халаси ГIяскар чебухъунхIеливан, шилизир тIама-гъама ахъдиуб. Дархъдатурли хъулир дирути хIянчира, катанухланти хIентIбачи ва мурала ГIебначи дуцIбикIесбиий.

Бячунси уркурла хIулара шалкIубуцили, Имаццира сунела хIентIаличи къалабаикиб. Илини, ганзиличив ацIили, гъяли бигъи, хIентIала хъарличи хIула баршиб. ГIяшурази дихахъули, хIулализи дилгъули, бугIими къаркъа дебадиресииб. Амма я хIулала я къаркъала зугъадешла хIентIалис кумек атхIекIуб. Челис-че цакъбикIуси келекли архути бугIми далтахъули, хIентIала хъарличи Имацци гугииб.

– Ягъари, Имацци, дягIли каркахъуригу хIу. Се бибулри хIуни илаб?

– Итцад халаси къиян кабихъили дучибити бугIими дягIлизи ардухахъибси Аллагълизи суал бедес дигулра.

– Сунени дакIахъибти ризкы дягIлизи ардухахъес къудратла вегIлизиб ихтияр кIебсигу, Имацци. Аллагълизи шукрувикIен.

– Аллагълизи улгули, хIура ванаси хъули кайили ахIенрину, мегъла гимачил дебабарили, хIентIа дягIлизи батахъес къайгънаиркъули.

Сунела хIентIа арбухибси дягIличи ГIасиикIули, Имацци хумарли хъули чарухъун.

Ца-чумал бархIила гIергъи Къурбан байрам сабаиб. Катанухланти къурбандарес хIайванти лугъули, имцIасигъуна пай мижитлизи бихули, калунси пай хъали хъайгIи буртIули, цаличи ца башесбииб. Имаццинира сунела къача белгъун ва пикриухъун: «Дила гIамрула гIамрулис садакъя буртIули хъалли, сегъуналра гIяхIдеш агара. Абзур дус узули дакIахъиби бугIимира гъар дус хIурхъла бурямли ардихули сари. ДуцIумлизир мур дурчули, янилизир хъач дурчули, халадиахъути хIайванти садакъалис лугъули хъалли, хъулиб баракат агара. Дила лебдеш садакъалис буртIули, дила кулпет нуну сен къарцинбирахъусира? Ишдус къачала дий буртIxIебуртIис, бяхIяхъ барили, беражъес или дехъличи чебягIакайхъис».

Малла МяхIяммад Къурбан байрамла бархIи белгъунси Имаццила къачала дийличи хъуликIусири. Илала дий хIебикибси маллани шила масхарачис децIагахъес къасбариб. Гумай бицIиби мурул адамтачира хIеръили, илини Имаццис уркъбяхъиб:

– ВяxI, Имащи, бунагъкар адам уилригу хIу. Дила сияхIлизиб лебси къачала дий хIуницун беркес къаслизивриги...

– Ягъари, малла МяхIяммад, дила хIялал-залалли халабаахъибси къачала дий диля дурхIнази ва дурхIнала дурхIнази беркахъес къасбарибси ну сен бунагъкар адам вирусира? Мижитлизи сабухибси хъули арвихули, урхIла хIайвантала дийба укули, цIуръабиубти дурхIнала нешаназибад напакъя бурчули, хIеркайруси хIу бунагъкарлизи хIясибхIейрули?

ДИГАЙРА ДАРДАНИРА

– Набра ахъри дигулра
Ахъдеш ахъес адабла,
ЧебхIехъили калунси
Ламус ахъес адамла,

АхъхIели адам къяйда,
Цакъадар гIяшли вашес,
ГIяшхIели, урузхIеий,
БекI ахъбуцили вашес –

ХIУ РАРГЕС

Яни саби лябкъули,
БугIядешра билкъули,
Иш халал шагъарлизир
Цундеш сар улукъули.

Дарган рурсби къакъакад
Къукъби къяйда къунзбикIар,
Илди ургар хIу рагес
Дила хIулби къяйцIикIар.

УРКИЛА ГИ

Щуб дяxIила архIяли
ДигIянбариб нешла дякъ,
Унза гъалаб цIумбухъун,
ХIела у ахъили, дягI.

Улкъайла шишаличиб
Зерзербухъун шинна кIантI,
Ил хIела ляжиличиб
Гъанаур бисала кIантI.

Дура лехIли бамсурси
Зайбухъун уркIила ги,
Шалабиуб къакъалаб
ГIебшила цIябси дуги.

ЗимдяргIиб чархла гими
Агарсиван хIила кIантI.

ЦУБА ДИРИХЬ

ХъанцI заклизиб цIуб гъагул
Къунзбухъалли юглизи,
ХIечи арцес хIейрули,
Виркулра ну дардлизи.

Ца набван ахIи, ашна,
ДягIис леб ишаб гIяхIил,
ШянкI авлахъла къакъличиб

ДуцIбикIес дигнабяхIли.
Бамсри ахъес бакIили,
ТIашбилзан цIудар дуги,
УркIила цугдайлизи
АлтIан цундешла урги.

ХIулбас гъала лагбилзан
ХIела сипат дайдуги.

ПУРСВАН САХЪЛИ

Духъутдиубли кIапIри
Кайкиб къяшла дякъличи,
Гъалмагъ баргес умцIули,
ТIашбизур пурс къякъличиб.

ЖибикIули илала
ТIама саби иргъули,
Тялализир къяцали
Дигай дургу, бургъули.

Нушала дигайлара
Урми ца-цали кайкиб,
ГIямрула шах-сирисли
ШакхIейкили гъез дакиб.

Пурслисван цунни, сахъли
Сагали шаладикиб.

ДИЛА МАХЬИКАН

Рай исбагьидарибси
ХъанцIа дарайла хIева,
Жявли дуркъдиаб хIела,
Дила махъикан вава.

Жайраннагъуна куцли
Жагъти ясир бурцулри,

Дигайла дуклумачир
Рахъ ахъли хIу урцулри.

Магъили хъяб дуцибси
Хъярбукан кIазла кIана,
Чарх сагъли делкаб хIела,
КарцIайла кумхакъяна!

СИХIРУЛА ГЬАЙКАР

ХъанцIа рамчли белкунси
Урхъу дублаб цIуб гъайкар,
Дигайлис сабаб дирул
Дила сихIрула гъайкар.

СирхIяла хъябуртачиб
АнцIил тяйван, тахълири,
Ахъил хIурхъла санбазиб,
Пурс гежбаван, сахълири.

ХIу набчирад гъараҳъли
Хъар зак сари дамкъурли,
УрхIла ургав цунухъи,
АнцIкъи сари дилкъули.

Дарира чумра балга
Аллагълизи улгули,
Заблис гIергъи зурхIябан,
ХIу чераэс дигули.

ИШХЕЛИРА

Ишхелира гъаларван
Дубуртазир сари хIеб,
Пишдяхъимад щуб вавни,
Гъанаур наб хIела хIер.

Ишхелира гъаларван
ДуцIли саби дягI дубриб,

АтхIебла кункси дягIли
ХIечила хабар дуриб.

Ишхелира гъаларван
УркIи саби рурцIули,
ГъанкI агар дугурбазив
ХIу паргес ну умцIули.

ГЛЕБШНИ

Мургъила ашрапуна
ВацIа саби урзули,
ТIабигIятла имтихIян
ДухъутI кIапра дурцули.

Тялаличиб махъ саби
Янили хIешбарили,
Къисматли ну къайдали
ДягIли чIянкIубарили.

Глямрула гIебшилизив
Цунухъи ну дякъличив
ТIашлира дягIлис гъалав
Пурсе къяцаван къукъличиб

Аркъян яни, ляркъян хIеб,
Шинишдирап вацIа-хIяр,
Дармандирап махълисра
Ванаси берхIила хIер.

Амма набчи чархIейрап
Жагъдешла жагати хIеб.

ТАХЬ ТАРГЬА

Къункъила къакъурбазир
Къакъа ганзла алаша,
Я аллагъ, къадарриаб
Сари дила янаша.

Бурха шихъла тавханиб
Тлавуз арцанна дурхIя,
Дигайла гъалак гъуйчиб
Гъарбизаб сунна архIя.


СирхIян тавла тахъ таргъа,
Тарки диркъа мулкдиран,
Унра шаб шаха мирхъи
Вавнала варъа бурчан,

Мусила хъябуртачиб
Хъяб мургъила хъанцI лагъа,
Ламартла ашрапили
Мадуэ хIела багъа.



Поэзия

Шапиг
МЯХИЯММАДОВ



ХІЕРКІЛА ДУЦІ

Заманаla хіеркілизи
Ухінахъила вахъхіира,
Гъарилла чархла убза –
Балас, бүмсар уркіира.

Гіямрула хіеркіла дуціла
Хъярхъдешра хіебалулра,
Дусми, бузри, бурхінала
Лугіира хіебалулра.

Заманала дигіяндеш
Балусира агара,
Лебтанилра иш дунъя
Балтни къалли балулра.

Чинав, севан бебкіала
Сягіятли чи ургусил,
Се изала, се хатіа
Биубли чи каркусил.

Илра дигіяндеш саби
Нушачил барх акіубси,
Гіямру къантіти диалра,
Гъарилли барх архуси.

Хіеркіла дуці, гыигъла манзил
Къиматлахіебирулра,
Гіяхіси барес, ахъри лебли,
Бахълис къяш гъабурцулра.

ХІЕРЛА ШАЛА

Хіулбала шала-давла
Гъарил инсайс хіяжатси,
Чебаисила сурат
Чархлизи кабирхъуси.

Зурхіябличи хіерикіес
Думсули ахіен хіулби,
Гъардикіул-геладиркул
Бац-Берхіи хіясидарес.

Ранг къар-шинна, вавнала
Лямці умуси дяхіла,
Шалати дяхі, ванал хіер
Тяништала, гъамтала.

Хіулбала хіерли нушаб
Кункіиру чебиуси,
Жагадешлис къиматра
Хіерли саб кабалтуси.

Хіерли шадбиру чархра,
Кункіиру изалара,
Гъала биху гіямрулис
Хіяжатси гъараҳъсира.

Хіерла шала гъарилла –
Гъарзал дунъяла давла,
Ахъдеш, тіягіям, жагадеш
Нуша гъарилла гъавла.

* * *

Селичи карцІиадра,
КарцІмайруд хІу ариличи,
КарцІии мургъи-арцла
Лугнар ургубаличи.

Ургубали сай инсан
ХІерируси, алкъуси,

БегІла жагаси далай
Илаб саби алкъуси.
Ари-мургъила кІялгІнира
Сари гІелар далтути,
Сецаад ахъбикІаллира
Мас-мулкла «пиргІянти».

НЯКЪБИ САРИ БАТИРТИ

Мас-мулк чила кавлути
БегІта гІелар датурти,
ХІянчи барес хІейгути
ДурхІнас мулкли даибити?

ИлданикІун хІебала
Кайсалли мас кабурхни,
дузути някъбаницуn
Уб лебси имцІабирни.

Илдани чебаibсив
Майа бегІта картІбси,

Шурмачир хъуми дарес
ХІянчи илда бариси?

Гъаларра ишбархІира
Някъби сари батирти,
Селра барес хІейгули,
ХІулби сар урухкІути.

Мас-мулк, лер, диур или
Хлевзуси – мискинирап,
Къаркъали вихусира
Давлачеввиэс вирап.

ТАМАШАЛА МАНЗИЛ

Гъарилла лавхІул махІнуз
Сабирхъу, бучІа итаб,
БелкІи бургу илизib
Гъар ганз кацІбси ишаб.

Гъаргдиру баркъудлуми
Гъарил инсай дарибити,

Гъайра делкІи нушани
Цализи ца дурибити.

ХІела багъя ва битІакI –
ИлхІели саб балуси,
ХІед гъанхІебиркусира
Хъархъли гъанбиркахъуси.

КЪАРАУЛДЕШ ДИРУСИ

БерхІи – хІу сахаватси
Давла, лебдеш буртІуси,
Нураны бахъла изайс
Сабаб, дармандиуси.

ГъярчатІини дубуртази
ГъяхІладли жидируси,
ДуцПрум дурхІини сайтІахъи
ГеладаяхІ ардикуси.

БерхІи – хІу сахаватси
Давла цугли буртІуси,
Вавиар хІеб дакІахъили,
Дунъя хІулбуркІахъуси.

ХІу сабри цахІнаб гІялам
КъацI-гІебкали балхуси,
ХІебумсули, бузули
Дахъал секІал дируси.

МЕР БУЦИЛИ ЛЕВАЛРИ

Расул Хиямзатов, хIури
Дагъистан ахъбарибси,
Халаси дунъялизи
ХIела у багъахъурси.

Къургъала ургаб хIела
Мер буцили левалли,
Буркъдеш се сабил хIела
ХIебала цалра девли.

ХIуни ца ганз кацIибти
Дукъбира дягIудиуб,
Тяп левсиван сипатра
БекIил хъумхIертанбиуб.

Дебъабарири бархбас
Убла ва ишбархIила,
Кадатурри мякьира
Наслубазир дахъхIила.

УРКИЛА ЦУМЛА ХIЕРГЪУ...

УркIи, хIела цумла хIергъу гъарили,
Хаслира Даргазиб хIебиадли хIу.
Ванзаван даргала, Дагъистан хIуван,
АгархIели дурхъал, ахIерти жанван.

Далайра ил хIезиб билкъан гъархIели,
ХIед дурхъати, марты даргала мезли.
ЦарихIиб акIалра, урцар Даргази,
Илар дебшра кайсу атIес уркIбази.

УркIи, хIела хIянчи хъараурхIели,
ХIези буйрухъикIес ну хIейрухIели,
Илаб хIу даймлис накълубарили,
Къараул целдали хIеркабиури.

БЕКI ХIЕБАЛКИИ ДИГАЛЛИ...

Пахру – ил дугIла арцан
ХIермабирид чархлизиб,
Пахру – ил пагъмуличи
Къаршикар ГIямрулизиб.

Бахъли буру – пахрули
Усалиру асилси,
Пахрула хив уббулхъан
Милякъли бергуниси.

Лебси бикIар пахрула
Чарх бурцуси изала,

Дугати, заалла сар
Мукукури илала.

Пагъмура цабалгунси
ХIебирап пахруличил,
Пагъмула тIем билтIахъу
Уржалли пахруличил.

Пахрули, пагъ лебсира
Абдулиру гъамадли,
БекI хIебалкIи дигалли
Пахрула бегIти бати?

УРЕХИЛИ, КАХДЕШЛИ

Вайдешуни гъар бархIи
ЗумадикIули сари,
Бурцули мас лебтани
ЦахIнаб дунъяла ари.

Ракетабала гурли
Гардарбирули ванза,
КIел умхъули гIекIибти
Дялчули мегъла унза.

Урехили, кахдешли
Гляlam саб уркIули,
БилгIутала баҳъдешли
ХIекъли мискиндарили.

Кархули хапли гIамру,
Мурадли хIедаили,
Зулмурта, налогуна
Дунъя цIумбикIахъули.

БехIемцIуни гъар мерлар
Зумали кадиркули,
Жагътала гIамрула ги
Гъамадли къябуули.

Ризкын делгIуси ванза,
Илра саб цIумбикIули,

– Дила хъубзар бехIемцIли
ЧехIейулра варгили?

МицIираг сар тIутIули
Дуки дикан агарли,
Дукикъянадеш дирни
Цахдешлизи буйгIули.

Багънала дурхъадешли
Селра асес хIейрули,
АхъдикIули гъар бархIи
Мискин халкъ уркIули.

Урехила кахдеш саб
Илцадра тIинтIбикIули,
Ил тIашаэс дигути
Инсунти камбикIули.

ХIера, тIабигIят булан
Ил хIялли барсбирули,
Май базла ахирличиб
Миъ дяхIили урзули.

Гъар шайчиб урехила
Кахдеш гъалабилзули,
Адамла дагъри булан
Чедаа думъахъули.

ДУНЬЯ, ХIУ НАБ ДИГУСИ...

Дунъя, хIечи карцIисира
СабхIели тамашала,
Азир рангла биадра,
Сабрину ца журала.

Дунъя, хIу наб дигуси
АхIенри дяхIимцIала,
Дугелира кеп касес
Вирулину умцIули.

Дунъя, хIу наб дигулри,
СабхIели ласбикIуси,
Глямру тIашхIедизахъес
Бургуд тIашхIебилзуси.

Дунъя, хIу наб дигулри –
Нура хIечил сайхIели,
ХIечиб кайцIуси ганзли
Ну мицIириухIели.

Проза

Хадижат
ХИЯБИОВА



ЧАРБУХЪНИ

(Хъарахъуд)

Къайыпхъали шилизибад гъабяхъили или, тухумтанира илдачилла гъай камли дири. ДакIу-гъаргли илдачилла гъайбикIес урухкIи. Гъамти тухумтани балли илди чула тухум саби хIейри. ЦацабехIти бикIули: «Мас багъандан саби бетахъиб». Гъярмула мягIни хIебагъурли, илди ахирличи ардикути дунъяличиб веcIнали имцIали бирути саби, мягIни багъурли, Гъярму дуркIутачиб. Аргъес къиянни саби бузерили белкунти илди адамтала Гъярму хIебузуталайчилен къулайтирил. Чидилти илдазибад талихIчебтирил. Бузути адамтас бузес хIейгути адамти тамашабилзули саби, язихъбилзули саби. ХIебузутас бузути тамашабилзули саби, язихъбилзули саби. ЦацахIели хIебузути бузутачиб дукаркIули саби. ХIера, гъанна бузес хIейгути заманалира гIеббуциб. Бузутани барибси хIебузутала някъбази ма или бедиб. Чула къиян агарли бикибси лебдеш бихIес илдани дунъяла макру вящдариб. БегIла какти макру дяхIчиаиб бузерила, Гъякълула, дагърила адамтачи.

ХIялалти, уркIби гъаргти, чучи бирхауди бихъести, къакъяхъести, къиян бакIибхIели, къала бетаэсти бетахъахъиб. Илди агарбарили, гIур-гIурлис сегъунти рухIла адамти абилкъутив? Къардубхъесил къаркъа гъуйчиб балтули ахIенри. Ил гъарахъли иргъулри. Игъубтази гаши, дягIи чедаахъес бажардибикиб биалра, илди кIантIибарес хIебиуб.

ЦацабехI адамти дугIкаили, чучибад гъарахъбарили, мурхъси Гъякълула, багъудила адамти къел-хIерзи агарли бетахъахъиб. Лебдешла адамти гъайбикIес бири чула мас-мулкличила, Гъякълула адамтани халкъ ахъбуцес бири. БегIъалар, я колхозуни кадизахъес я бекIдарес хIебируси замана, халкъ гушбиахъубси замана ца Гъякълукарли илди ахъбуцес вири.

Эгер Гъякълучебти чула шайчи битIакIесли хIянчи барес биубти биалри, ВатIан гъатIира жагали бухъи. Халкълис ГъяхIешуни имцIадири. ИлхIели биубти хIякимтира чучиб секIал ГъяхIил иргъутас ГIергъикабирки.

Ца секIал чула хIебатури, бетахъахъибтани гъарахъси, бацIси, цунси авлахъличи лайбакIибхIелира я адамдеш детхIехъахъиб, я бузериличи диги камхIедиахъуб, я мардеш, яхI-ламус атхIедерхур, я илдала рухIла умудеш

нясхIебиуб. Чинаб саби биалра, хIурмат-кыматра, кабизалачебдешра, уркIбала умудешра ахъли дихIулри. ГъайбикIухIели, бархъдешличила камли гъайбикIулри. Бузес хIейгути адамти биалли, гъанна ахIи бархъдеш хIебиуб, бикIулри. Гъанна аргъа чидилти бархъти сабил. ВацIализи мурхъикIуцад урцул дахъдикIар.

Къайыпхъалани бузерилизид давлацуn ахIенри бургуси, талихIра бургулри. Бузерилизир дебшахIедиубти гъямру гъямру ахIенри, илдала пикрили. Илдазир ВатIайчи дигира мурхъдикилри. ГъяхIлачи, ши-шантачи карцIбиублири. Чуйнара илданi ГъяхIмадра гъанушиб. ГъяхIмадра гъанна дургъбазиври. Къайыпхъайчивад арякъи ил, ита-иша виркули калун. Дудешла рузила мурул XIусен чула колхозла хъарахълизив хала буkIунвиублири. Шилизи ГъяхIмад чарухъни багъури, XIусенни ил Талабвариб:

— Диур хIуни дарибти къяйцI. ХъалицIа делшес замана баили саби. ВегIла мер-муса вегI варкъибти нешгъунти сари. Ташизи ишав. ХIянчира леб. ХIериэс мерра леб. Халабаибти урши-рурси чула мерла кабатни ГъяхIси саби. ХIела хIули кабихъибси рурси лерли риалли, нушази рура. ХIериалли, бахъал бегI леб нушала шилизид, дигалли унра шимазид. Нушани кумекбирехIе. Вахтличиб балцIунси цедеш бизиси бирап. XIура виштIал ахIенри.

ГъяхIмадли илхIели сегъуналра жаваб хIегиб. Илав XIусенничил варх буkIунни узескайиб. Чумати гъабзадешла ва яхIла жагъил сайри ГъяхIмад. Илини аргъиб, гъанна ишар хъунул кариэс хайрибирни. БекIлибиубси: чедиб бурх лебри. ХIянчи леб. Арадеш леб. Гюльпери хIеррарес вирус ибси къасличил сайри ГъяхIмад.

Дурзамличил дукив виалра, хъулив виалра, усаэс кайхъи виалра, ГъяхIмадла уркIиличирад Гюльпери аркъули ахIенри. Илис чули бариси вягIда гъанбикиб.

— Кел дус хIерли руэн. Виубцад арцра мяхIкамдарили, ну чарулхъас. ИлхIели нушала талихI цалабяхъес дирехIе, — ибсири ГъяхIмадли Гюльперизи.

— Чум дус ардукъяллира, хIу мицIирли левли, ну цархIиллис шери хIакъяс. Гульперила жаваб илгъунари. ИлхIели ГъяхIмадла уркIи михъирлизи кабурцули ахIенри. Сунела харидеш дурабушес ахъли вявиkIес, далайикIес дигулри. Гюльперини дурибти гъайли илис дуклуми дедибтиванри. Гъуйчивад аркъухIели, вашули ахIенри, арцурсиванри. Чинав виаллира, илди гъайли вихIулри. Урга-ургади разили пиширхъи.

XIусенни Гурра ГъяхIмадлизи хъунул кария ибхIели, ГъяхIмадли буриб сунес ригуси рурси лерниличила. XIусен касили ца бяхIяхъра, Гюльперила юртлизи разили вакIиб. Неш ахIи хъулив чилра аги. Сунела чехъри бурибхIели, Байрамкъизли тIама-гъама ахъдуциб:

— АрякъунхIели нушачивад чевикиб дикIулри ил тавлу, — рехIризур Гюльперила неш. — Уаркъибси рурсиличи сукни хIедашадалли, цархIилти рурсби камлив?

XIусен илдазивад уруз валли виуб. ГъяхIмадли сай ила вархъниличи дебали Гъясивиуб. Буреси, бареси хIебалули аъкъахъиб.

— Чердерхирай. Нуни хIебагъурра, илгъуна биъни, — хунжлабси бяхIяхъ дурасиб ва арукъес вализур.

— Арбуха хIуни кабухибси. Нушаб хIушала секIал гъягIили ахIен, — Байрамкъиз дий хунжази кабихъесрухъун.

— ХIела хъали мадуъ, хIушачи вацIли вакIес хIейубли кабихъибси саби.

Диъ чарбируси хieberар. Нуни хIушала рурси уаркъни багъурси виасри, хIякъяси. Балули ахIенра, сен ГIяхIмадли ну хIушала гъалав урузиахъубсирал.

ХIусен сунела хунжира касили, дуракавхъун.

– Ца гIяхIдеш хъа вегIалра къаршихIейкни. ХIяялизивад ухъунси адамли ахIи илгъуна секIал хieberу. ХIусен ГIяхIмадличи дебали ГIясилири.

Гюльпери хъули ракIибхIели, неш рургъули, ГIясили чераиб.

– Се биубли неш, илцад ГIясириэс? – хъарбаиб Гюльперини.

– Се биэса? ИкI ГIяхIмад бихъибси тавлу Гурра нушачивад чеввикили ахIен. Ца ГIяхIси замана лехIкахъиб. Гъанна дакIувиуб.

ГIяхIмад или бакъибхIели, Гюльперила уркIи гъалакбиуб. Неш дурути тамандарахъес ратес рибули ахIенри:

– ГIяхIмад ирив, неш, хIуни? Чинавад ил дакIувиубси? – хариси тIама дурабикиб рурсила.

– Лев, бикIар, хъараҳълизив узули. Се хIяягардешал балули ахIенра. Сукни вакIили леври.

– Чи сайри сукни вакIибси? ГIяхIмад леврив? – Гюльперис вахъхIи чехIеибси игуси чээс дигули ахъиб. Нешла къяркъси тIамали ил ташайб:

– ГIе, ГIяхIмад леври! ДуцIрухъен гIергъи. Куцличигу исала!

Неш, рурсиличи къуррикIули, даимриуб:

– ГIяхIмадли вархъира икIули, ца гъести ГIямрула мурул леври. Нуни дугIкаира. ИкI бяхIяхъ арбухахъес хIериубра. Диъра ниъра чардаралли, балагъ лябкъуси саби или, нушачибра бурули биран. Сайра диъ чарбируси хieberар или, касахъес хIериубра.

– Неш, марлира, сукни бакIили лебрив? Се ГIяхIси биуба? Наб гъанбикиб...

Байрамкъизла вявли Гюльперила тIама къябердахъиб.

– Иш къянчикъ таманни хIяялизирад рухъи руилигу. Аризурли къакълизи ца-кIел хункI дяхъиб.

– ЦаххIебилзуси, хIяясиз.

Рурси дурагархI ратрихъиб ва чуйнара нешлизи тикрардариби гъай дуриб:

– Ну Каримлис шери аркъуси ахIенра. ХIези нуни ибсири, чардара илдала секIал.

– ХIу нуни тавлус шери хIелугари или, нунира ибсири. Каримличи разили хIериадли, цархIилти дурхIини камлив нушала шаб?

– Наб чилра цархIил ГIягIнили ахIен. Ну ГIяхIмадлис ахIи числарла шери хIякъяс, – чумали каризур Гюльпери.

– Тавба астагъипиуллагъ, тавба астагъипиуллагъ! Таманни хIяялизирад рухъи сари. Дила нешлизи илдигъунти гъай чина, сунела гъайличи гъай имцIабаресра риубси ахIенра. Иш чинар акIубсив? Се балагъ сари нушачи черикибси? Нуша шантас цахдирулра.

ХIусен ГIясили хъараҳълизи ветаиб. ГIяхIмад гъала дуцIухъун. ХIусен кацIахъес урчила ургъур буцили тIашайб. ГIяхIмадли балули ахIенри ХIусенна уркIиличибси гъими. Гъандуцес хIейубли, кацIимад, жиндралавиубли, вявикIескайб:

– Се саби хIуни бариси? ИкIди жяндуртази ну вявваражъес вархъирав?..

– Се бетаура, илцад гъимиличил вявикIес? – шакикибкъи хъарбаиб ГIяхIмадли.

– Уаркъибси рурсиличи сукни бархъиуси гъанна хIезибад ахIи хIебагъурра, – ташхIейзурли вашу-вашуcad вявикIулри ХIусен.

– Балулра. Хіед Гюльперила неш къарширикили, тіама-гъама ахъдуцили сари.

– Илгъуна биран бирапу, ГляхІмад? ХіукІун хъяша ахІенри! – гъими аркъули ахІенри Хіусенна.

– Нушачи хъарси нушани барира. Сукни дякъунра, разихІебикиб. Гіур нушачи Гляйіб мабараб, – иб ГляхІмадли.

– Сукни вархъайчи пикриухъес ГлягІнисири. Багъес ГлягІнили саби чи сарил, се сарил.

– Чи сарил, се сарил нуни ралулри ил. ПикрихІевхъи бариси ахІенри.

Илала гъайли Хіусен гъатІира жиндралавиахъуб:

– Гъа, хІуни балули вархъибсирив ну? Набчи дукаркІахъес вархъибсирив? Хіебиалли хІуни ураркънира балули уилри.

– Балулри, – уркІи-гъаргли буриб ГляхІмадли.

– Балули Гергъи, Гіур сен, гъатІи, ну вархъибсири илдачи?

– Разили ахІенал багъес вархъибсири. Нушала Гядат ахІену, гъатІи, рурсиличи сукни башуси? Илизиб се вайси леба?

– Хіебиалли Гіур магъарла хъунуйчи вархъаба! Илизибра селра вайси агара. Хіела аргъайчивив хІу?

– Мурхъмаркуд, ази. Гюльпери ураркъили хъалли, нуша цалис ца дигулра. Гюльпери ураркъибсилис аркъуси ахІен.

– ХІу вакІайчи хІерли раргира ил нуни, – гъанна Хіусен ГляхІмадличив дукаркІулрил гъимиличилрил вагъесли ахІенри.

– Ну вакІайчи хІерси сари ил, или хІебиалри, хІу нуни урхъусирив, гъатІи? МехІур сайрав ну, разили ахІенси рурсиличи сукни вархъес?

– Сен гъатІи разихІерикиба? Сен ну цахварили вяв-Чіяр дехІихъиба?

– Вяв-Чіяр дехІихъиби Гюльпери ахІенри, илала неш сарри. Неш ахІен къалли нуни карируси, рурси сари. Рурси хІуни чера хІераири.

– Дудеш сейкІултив илала? – жавабличи хІерли хІевъули, вехІихъиб ГляхІмад. – Хъулив аги. Я вакІайчи ташизахъес хІетурри, вяв-Чіяр ахъдуцили. Я дила уркІиличи хІебакІиб дудеш вакІайчи ташизес.

– ТашхІейзни бархъси барилри, – даймиуб ГляхІмад. – Дудешра разиси ахІен. Илдала чилра разиси агара. Разити нуша кіелрацун сарра.

Хіусенни гъанна аргъиб хІякъикъят ва гъими чебарбякъунсиван биуб, амма Гіурра ташмишикІули хъарбаиб:

– Илди разили хІебиалли, сен ну вархъира хІуни?

– Хіези ирагу. Нушала Гядат саби рурси лерси мерличи сукни башуси. Нушани бариси вайси лебу, гъатІи? – малхІямли ва ряхІятли вехІихъиб ГляхІмад.

– ЖягІял ну гъавикІус илдачи. Гъайкалхъас. Бура ПатІиматлизи ит наб бедибси хъали ца тяхІярличи бушахъес.

– ХІу вакІайчи хІертиван сабри илди. Къалтин убушили, хъули айцІахъури, – уркъубяхъван, буриб Хіусенни.

– Ну Гюльперичил гъайкалхъас. Эгер илала уркІи гъалаб къайда барсхІебиубли набчил гъайрикІалли, наб неш-дудешла авара агара.

– ДурхІини сукни башути хІебирап. Дати дугІла шикъ. Камли хІебиэс цархІилтира рурсби. Нушала шилизирад карирахІе. ЖягІял, дигалли, бегІлара къугъасиличи сукни аркъяс.

– Наб цархІилти ГлягІнили ахІен. Нуни карируси Гюльпери сари. Нушала

вягІда лебси саби. Ил вягІда нуни къянахІебирис. Сунени къянабаралли, гIур цархІил тяхІярли гъайдикIexIe. Хъарбиис сунези, се рикIарал. РахъхIи ил нуни чераили ахIенра.

Гергъила бархIи ГляхІимад гъуйчи дуракавхъун. Къанни дугели Гюльперира карукили чарухъун. Шилизив ил хабарла дуклумала гъакI қунксими, къяшми дялхъябили урдухъун.

Тавлули гъарритIи сари Гюльпери. МухIилизив цархІил гъай аги шантала. ЦацабехIти гъарритIи сари бикIулри. Идилти вягІаличил сари аррякъи сари бикIулри.

– Гъанналис дакIухIейубли, дусцад ветахъибси, гъанна чинавад вакIiba, урхIли кавш!? – или неш гъасилири. Илди халкъла мухIилизи бикиб. Мирза хъунуйчи вехIизур.

– Рурсилизи нешли се-дигара барахъес рирап. XIu се неш сарри? Сен набзи хIебурри, сукни бакIихIели? Нуни иргъахъаси илдази.

– Нуни-декIар камли дурирав? Иргъутани аргъесли бурира. Чули батурси маза-декIар селис гъягIнили наб?

Касили бяхIахъ улкъайлабад лайбакIib, лерилра гъасидеш иличил дарх лайдакIес рирузиван. Илгъуна бетаурхIели, бегIтиван, тухум, шанти балли гъасилири. Амма чилилра селра барес бирули ахIенри. Илди чина арбякъуналра балули ахIенри. Органтази багъахъес пикрибариб Мирзани. Сари разили аррукъни бегIтани балулри. Рурси веңIну гехIрала чеди арикилри. Чилилра селра барес хIейри. Паргъатбиэрса къяннири. Каримла бегIтира дебали гъасибиуб.

– Ягъари, сунес Къайыпбегла къараваш вигули риалри, сен нушала секIалра сасили кариисири? НушалакIун пикрира аги сари иличил аркъила. Илцад меҳIур рурси нушала уршилис гъягIнилира ахIенри, – гъайбикIулри кIелра мурул-хъунул.

– ИтхIелил, илала хабар бакъибмад, ратес гъягIнилири, – нешла гъими халалири.

– Сай аррякъунхIели, гъайра паргъатдиуб къалли. Сари ГляхІимадлис рукеес дигули риалри, сен нушала секIал чархIедаритирив илини? – рузира ургаракIib.

– СенкIун, рахли ГляхІимадли раталли, нушаб ракIес. Даҳъал дагъурси мунапикъ руили сари ил.

ИлхIели Карим хъули вакIib. Неш Каримличи шуррояхъиб ва сунела гъай даимдариб:

– Нушала талихI саби, дила урши, ит харабат нушаб къадархIериъни. Нушани, хIерагъурли карииси риалрира, рихIуси ахIенри. Ит илбисли бариси чехIебиулрив?

– Се барили, гъатIи? Сунес игусиличил аррякъи сари. Нуни ишаб вайси селра чебиули ахIенра.

Лебилра уршиличи вякъбизур. Дудеш уршила гъайли тамашавиахъуб ва ахъли вявиқIескайиб:

– XIед цахли ахIену адамтазибад?

– Сен наб цахли бируси? Нуни селра цахси хIебарра, – иб ряхIятли Каримли.

– XIела уркIилис камсилра хIейгихIебизуру, узи? – тамашали узичи хIеррикIули, хъарбаиб рузинира.

– Сен наб хIейги билзуси? Гюльперини ГIяxIмад декIарвариб. Ишар Гюльпери ахIен ГIяибла регI. Илала бегIти саби.

ГIяxIти гъайли риха или сукни бакIибхIели, сен хIелугуси?

– Сукнира бакIили буилив? – хIарбаиб нешли.

– Илкъайда бикIули лебри. Разирикили ахIен Байрамкъиз, тавлус хIелугас или. ГIяxIмад нушагъуна адам ахIенрив? Сен илкъайда рикIусири ил?

БегIти Каримла гъайли тамашабиахъуб. Илала мерличив дудеш виалри, се бирив? Ил халкъличи дураухъес уруzkIули сай. Карим биалли сейkIули?

– Нушаб гъанбикib хIу дебали зигарикIар или, – иб рузини.

– Се меhIур гъай сари? Ну сен зигарикIусира? Итичир ит набчил ручIуси сунклан вайсив, гъатIи? ХIушани Гюльперис секIал кадихъили, гъаман Гюльпери, Гюльпери дикIухIели, нуни селра хIеибсири. Гюльперира вайси рурси ахIен. Наб школализив учIухIелил Къистаман ГIяxIрилзусири, амма ил дурашан сарли, хIушани къабулхIериру или, лехIкахъибсири. Шери рукеes разихIерикили, институтлизи карерхурли сари. Ну илисра ГIяxIилзниличи шакикIулри, амма илизи селра ибси ахIенри. Хъалибарг гъатIира тамашабиахъубли, сагаси уметI бацIбариб Каримли.

– Чила рурси сари ил? – хIарбаиб дурхIяла гъайли чевсаргъахъибсиван кайзурси дудешли.

– Гъазила рурси сари. Уста Гъази валаду хIуни?

– Валас. Бара гъалаб, Мамедкъалализивад лявкъухIели, къаршиикибсири. ГIяxIил валас ил нуни. Илдала уркIиличибси ГIянд бусягIят Каримли арзиб. Вайти пикруми уркIиличирад кIундацIахъиб. ГIясидеш цашалдариб.

Карим разивалли виублири Гюльпери аррукъниличи.

– Дусмачи рурсира арикилри, сайра вишПали ахIенри, сен зузбяхъибири илди? – рикIулри Байрамкъиз, ГIясидеш чичиб ихъусил хIебалули. ИлхIели веcIну гехIра дус хIебиубти дурхIни хъайчи кабаталри, туснакъибутири. Туснакъра гехIел дусличиб имцIали чедиахъулри.

ГIяxIмад рурсира карукили хъарахъилизи вакIибхIели, лебилра уркIбухъун. ХIусен урух валли виуб. Замунти илдигъунтири. Туснакъварес селизилра хIебири. ГIяxIмадра туснакъири или урухбуиб.

– БегIти разили хIебиалли, сен илгъуна хIянчи барири? – тIама ахъбариб ХIусенни.

– ГIур се барес ГIяgIиси нуни? Нуша цалис ца дигулра. Нушани нушала къисмат цабарра, – буриб лебтазилра ГIяxIмадли.

– Магъар дихъилив хIушала? – хIарбаиб ПатIиматли.

– Дихъили ахIен. ДирхъехIе, – жаваб чарбатур ГIяxIмадли.

– Нушани дирхъути ахIен, рурсила дудешли пурбанбириси саби, – аргъахъиб ПатIиматли.

– Сари разили риалли, маллани дирхъути ахIену, гъатIи? – ГIяxIмадли иличила балули ахIенри.

– Ил разили сарлихъалли, шери аркъуси рурсила магъарлис рурсила дудешла къабулдеш ГIяgIити сари. Дудеш хIейалли, халаси узила. Узи хIейалли, дудешла шайчивси гъамси мурул адамли, – аргъахъиб ПатIиматли.

– БегIтачи музадухъес ГIяgIили саби. Магъарла масра кабихъес ГIяgIили саби. Вахъ ГIяxIли къалабаикири хIура, ГIяxIмад, – иб ХIусенни.

– Къалабаикиси ну ахIенра, сари сарри. Гъамли бегIти мекъличи хIядурбикIули саби или, нура гъирварира. АхIенрив, Гюльпери? – ил

Гюльперичи шуряхъиб ва дукаругиб. Гюльперини иргъути камли сарри. Гюльпери хайдакъла гъайли ГъяхИил гъайрикIули хъалли, ГъяхIамдхъала муирала лугъат иргъули ахIенри.

— Гъанна дахъал гъай ГъягIнили ахIен; мазара делгъи, мекъра барили, хъайчи кадатес чебиркур, — иб XIусенни. — Рурси рука, ПатIимат, хъунул адамтала хъули. Магъар дихъибхIели, рирар ил хIела, — XIусен ГъяхIамдлис пишахъиб.

ГъяхIамдли илданы ибси хлебарес Гъямал аги.

Гюльперила бегIтала уркIбала Гъасидеш шявбиубси замана XIусен, рурсилизивадра уршилизивадра пурбанра сасили, маслигIятлис шила халатира букили, Гюльперила бегIтачи вакIиб. Гюльперила бегIти гъимили лебалри. БакIибтира гъайбикIули, маслигIятуна биркъули, магъар дихъес рурсила бегIти разибикиб. Мирзакъадини илдала магъар дихъиб. XIусенни гъачам гъатIи тиладибариб чебберхахъес ва Гъайибта хIебиркъахъес. Магъар дихъили хъалли, рурсила бегIти я илис лугуси агара, я сари ГъягIнили ахIен нушаб или, кабизур. XIусенни биалли тIалаббарили лебилра тухумтира узи-уршира хъараҳълизиб ца ГъяхIси мекъ бариб. ХIера, илкъаяда чула къисмат цабариб ГъяхIамдлира Гюльперинира. Гюльперис хъараҳъ ГъяхIxIебизурли или, ГъяхIамд Мажалислизи чарухъун. Илар хъулрира дариб. Колхозлизив узес вехIихъиб. Дургъби дехIидихъайчи, илдала ца урши акIуб. Илис ГъяхIамдли сунела дудеш Рамаза у бихъиб. ДурхIя акIубхIели, Гюльперила гIелабтира даршубиуб. ГъяхIамдли хъулри гъалаб Къайыпбегла анхъ бируси мерличир дариб. Илданы халаси юрт барес хIебиуб. Тухумтала кумекличил кIел хъали сарри дариби. Дургъби дехIидихъибхIели, ГъяхIамдра дургъбази арякъун. Гюльпери кIиибил дурхIяличи раилри. Арякъи камси замана дикили, ГъяхIамдлис рурси акIуб. Гюльперини чизирра хъархIебаили, рурсилис ГъяхIамдла нешла у Разият бихъиб. ГъяхIамдличи ил хабар баibхIели, дебали разивиуб. Илала нешлара дудешлара уми ванзаличи чардухъун. Амма ГъяхIамд децIикIулри Гюльпери сарицун сари ва секъядыа бажардириркура, или. БегIтани Гюльпери чула хъули аррукиб. Илдала дурхIинчи хIеруди кIиркабиуб. Иличила белчIунхIели, ГъяхIамдла разидешла ахир аги. Хъуна бегIтачи уркIи-уркIилавад баркаллала кагъурти лукIескайиб.

Каримла бегIти Къистама бегIтачи сукни бякъун. Илала бегIтани жаваб бедес хIебиуб, сари агарли. Каримли, гъалабра кагъар белкIи, Къистаман разилил багъурсири. Каримла кагъарлис Къистаман разилири, амма, сари ракIайчи, ташбизахъес буриб. Каримра Гъярмиялизи живариб. Илкъаяда Карим хъайчикайэс бажардихIейкиб. Дургъбазирад кагъурти дурхъулри, Къистамайра илис жавабти чардирескарииб. Гъар чинабалра дургъбачилара бургъантачилара гъай сарри. ДехIидихъиб гашира. Лерилра хIянчи биштIатачира, бухънабачира, хъунул адамтачира хъардикиб. ХIянчиличи башулри Гулжанатла хъалибаргра.

Шилизир къачагъуначила хабурти дигIянни цализи цали дурулри. Шинкъала бякъунхIели, чис сабил къаршибикиб, вацIализи урцул кадухес бякъунтани чебаили саби, хIеркIла дубкад аркъули лебри бикIулри, амма чис сабил къаршибикиби, чили сабил чебаити бурули ахIенри. Марлира, къачагъуни лебри. Илданы пикрибариб бегI гъалаб хIякимтацил цабиэс. ДигIянни илдачи гъаббикIнила хабуртира лерри. Хайнутиннис илди къаршибикиб. Хайнутинниси къачагъунани аргъахъиб, душмантани Кавказ буцили чула някъбази лугниличила. Чули биалли, саби гIеббуциби гIеббурцниличила. Хайнутин вирхаур ва дигIянали илдачил цавиуб.

ЖягІял Моздокла мякълар къанавти диркъахъес жагъил хъунул адамти, бухънаби, биштІа дурхІни балли аркули биъниличила багъахъур Хайнутинни къачагъунази. ИлхІели къачагъуни, Мамедкъалализи аркъуси гъучи, вацІализи, укабииб. Урчиличив гъалара иркули, гІелара иркули кункли вяшикІуси военныйлис къачагъунани игъубси хІярхІя урчила бекІлизи чегили, урчи кабикиб. Урчи кабиркухІели, сай тІяхІухъи уркурла гІела дигІяникили, игъубси мерличивхІ сайра иртескайиб. Тама-гъама ахъдиуб. ЦацабехІ адамти къалабали уркрачидад кабацІили, вацІализибхІ бебшиб, цацабехІти урухбиубли, вяшбухъес хІебиубли, уркрачидад калун. Ил дергълизиб къачагъунани кІел военный кабушид.

Ца риштІасигъуна рурси, піянкыла тІама бакъибмад, чула мякълав кайибси военныеличи тІулра гъакІ-гъакІбарили рикІули сари:

– МажахІят хІушани гъанна берцуди бургидая.

Илала гъай тамандарахъес хІературли, военныели, андаличи тапанча чебуцили, игъуб. Къачагъла хІярхІяли сайра кайкахъиб. Къачагъунас имканбакІиб, аркути адамти чарбарес. Чарбухъунтани багъахъур Халисат НКВД-ли карушниличила. Я Халисатла гъамти, я гъарахъти ил карукаес урухкІули, букъес хІебиули, кІел бархІи калун. Гъуйчивад аркъуси гъункъяли карушибиси рурси чераили, сунела уркурличи карихъили, МТС-лизи раахъиб. Илаб хІербирути адамтази багъахъур. Рурси чула шан ахІенри. Лебилра халкъ урухлири къачагъуназибадра НКВД-лизибадра.

– Унра шилизирадси рургарт. Нушала шила удир тІама-гъама детаур бикІули бакъира, – икІули сай ца ухъна, – ил нушала шан ахІен.

– ХІячи агарси галга хІебиусиван, вегІ агарси адамра хІейрар. Иш хъунул адамлара чи-биалра ургарт. Ил хІябларарес гІягІнилигү. Чина аркуси? ХІушала хІябрази хІябларарай. ХъанцІриубли сари, – икІулри карукибси гІягІял.

МТС-лизир чумал хъали сарри лерти. Илди декІар-декІарти шимазибад бакІибтири. Чула бекІибтира вегІ-вегІла шимази бихулри.

Рурсила неш-дудеш лебли хъалли, ил карукаес адам агарли уббухъун. Дудеш, уркура баргес, унра шилизи валли вякъун. Урехили, уркура бедес биули ахІенри.

Ахъли рисули, неш хъурали ратрихъиб. Ил къарширикиб уркурла вегІличил. ТІерхъара убирхъули, рисули ратрихъибси хъунул адам чераили, уркура багълабарииб. Хъунул адам сари гъункъячи гъамриуб, сунела рурсиличила хъарбаэс.

ХІякала удираад гъардакІибти къяшми чедаили, хІяка къалабали ахъбуциб. Рурси чераибмад, нешша адам урухиэсигъуна тІама дурабикиб. Гъункъяли уркура ташаиб. Неш уркурличи арацІиб. Рурсила къаркъала хахамбиули, ахъли рисули. РахъхІи рисули кали гІергъи, гайрикІескарииб:

– Азир баркалла хІед, гІягІси адам, иш карукнилис. Нуша кІел бархІи уркура баргес къяйцІикІули, чилра ил карукаес къабулхІеркули, язихъдиубра. Ахирра, нуни яхІбарес хІериубли, гъучи, чи-биалра къаршиикили карукахъес имканбикІур или, ратрихъибсири. Азир баркалла диаб хІу варкъиб абасра, айкъур адасра, хІедра. Арадеш каммабиаб. Духъянти гІямру хІушаб Аллагъали къадардараб.

Нешла децІ кункбиусиван бизур. Гъункъя селра хІейкІули, уркура багълали гайбиахъуб. Ахирра хъарбаиб:

– Чили карушилив, гъатІи, ил?

— ЦабехІ къачагъунани бикІулри, цабехІ НКВД-ли бикІулри. Чили карушили риалра, се декІардеша? Карушиб дила Халисат.

Неш гұрра ахъли рисескарииб.

— Веңіну авра дус сарри риубси. Къанавтази аррукесцад араилира ахІенри. Чарх-бекІлизир халали или аррукиб. Къачагъуни гъуйчи гъала бакІили дяв барили буили саби. Чила хІярхІя чегибал, аба ребкІлис.

Шилизи бетиухІели, илдас уркурличил дудеш къаршиикиб. Чинабад уркура бикахъибал, бикахъилри.

Келра уркура цаличи ца гъамдиубхІели, тАшаиб. Зазани тАма гъатІира ахъбариб. Дудеш мякъла гъамиуб. КъантІивиуб, рурси чераили. — Аллагъ! Се такъсир лебрира? — иб ва гъункъяла някъ буциб?

— Халаси баркалла биаб, гІяхІси адам. Чи бикІара хІед?

— ХІусейхан бикІар, — жаваб бедиб гъункъяни.

— Наб Шарапутдин бикІар. Гъайбара уркура. Нунира унци ласдирулра. ЦархІил гъай эс хІейуб Шарапутдинни. ХІусейханни унзачи бяхъили, датдихъахъиб. Шарапутдинни сунезибси уркура ласбариб ва илис гъалабикахъиб, гъуни гІеббуруусиван. Хъули абаибхІели, тухумти учибили лебалри. Хъунрала тАма-гъама ахъдиуб. БалгІяличи буқъес урухбиутира биуб.

Къачагъунани чус гъанагарси секІал барифхІели, милицияла хІянчизарти сахъбиуб. Чи-биялра чула ургав верша ургар ибси пикри акІуб. Ил вагъес багъандан Хайнутин тАлабварили, НКВД-ла начальник гъайухъун:

— Нушани бирхауди бихъеси адам чІянкІли хІу сайри. Къачагъуначили дяви цІакъбарес гІятІнили саби. Чинаб илди багъарбиялра, дигІянали шакхІебикахъили, нушази балахъен. Хайнутин разиикиб. Гъалав къачагъуначили къаршииркес урухкІусири, НКВД-ли хабарвиура или, гъанна илис дебали къулайбиуб. Лебилра, сунела гІямрулара, сунечибра халатира, биштІатира дурғъбазибхІели, Хайнутин сен калунсил чинилра ахтардибиури ахІенри. ЦабехІалра шали шакхІебикахъили, гъар шайчив гІяхІил узес бажардииркури. Ца дуги къутІла тАмали Хайнутин чеваргъахъиб. Бурес хІейесли урухиуб. Руржули айзур, ва унзала мякъла гъамиуб. Руржуси тАмаличили:

— Чи сайри? — иб.

— Хайнутин, урухмайруд. Абхъа унза, ну хІела узиқъар ХІясан сайра.

Хайнутинни ил гъай-гъай, тАмаличили вагъур. Унза абхъили, ухІина аЦахъиб. Келра хъябруцбикеби. ХІясайзид мазала бяхІяхъра лебри, держла хъабара.

Келра узиқъар ца гІяхІли кабииб. ХІясай, саби се мурадли дергълизиб хІебуибил, дахъал секІал дуриб. — Нушани халаси хІянчи барес гІятІнили саби НКВД-ла хІянчизартачи къаршили. Гъар секІал гъаларван вегІ-вегІла някъбази дедес гІятІнили сари. ХІу, илди шакхІебикахъили, нушаб күмекікІен. Хайнутин ХІяса гъайличи къабулли хІейалра, иличи къаршиси ца гъайалра хІеиб, ва гъар илини ибселичи бекІ гъакІбиури, сайра къабулли виъни иргъахъулри. ХІясан арякъун. ХІясай гұрра бурилри, цархІилти чула тухумтира цабиахъес, хаслира чула нешанала узи Мажид. Ил гІяхІил пикрииқІуси ва урехиагарси адам сайри. Сунела гъести гІямруличи хІерхІеили, се-дигара барес вирусири. Хайнутин ХІясай хибси бяхІяхъла байхъайчили иличи ациб. Къачагъуначила, гъайгъай, селра хІеиб. Ит, иш бурули гъайбикІули калун.

— Гъанна къиянси замана нуша цали ца гъердурцес гъягъинити сарпа, — бикъулри къелра.

— Гъе, нуша ишар калунти мурул адамтани нушала лебилра жинс, имциали хъунул адамти, гъеббуцили вегъдеш дарес чебси саби, абавзи. Ил секъайчи цархъилти шакхъебикахъили, дузес чебиркур, — сай гъевуцни гъяхъизур Хайнутинис. Илди къелра гъайбикъули бахъхъи калун. Ахирра Хайнутин, дуги гъяхъираб или, дуракавхъун.

Хайнутинна уркъи разилири. Гъар-се-секъал сунес дигуси тяхъярли детарули.

Шилизир гаши цакъдикъулри. Бучибси сабухъ, къадарла фронтлизи бархъили, калунси хъякимтани чусбиулри. Къачагъуни шилизи бакъиб или хабар бакъалри, складла ца шайчи тъярхъи барии, дахъал ризкъи дилгъулри. Бузути адамтас биалли, дерубти цедеш дуртъулри. Рахливан ризкъила банкара лугулри. Бири илдани халкъ гъеббуцесра. Бахъалгъунти хъякимти чулацун къайгъилизибри. Хъулкидешлизиб къачагъунира хъякимтас гъелабиркули ахъенри, гъатъира цакълири. Илдани, чилра шакхъейкахъили, ца мурхъси кур буркъилри. Илар дигъяндиулри чули хъям-къацъличил дикахъиби секъал. Кур дурхъяти секъулта бирцъахъулри. Ца дуги Хъясай бержили, ил курличила Хайнутинизи буриб. Хайнутинни биалли сельсовет Иманниси буриб. Курличила балулри къел гъатъира къачагълира. Ца дуги чули Ерсиларад дикахъиби къалтинти кадихъес хъеръибхъели, кур бацъли баргиб. Кур бацъирихъели, Хайнутинра левсири. Илди вягъдалабиубтири чизилра иличилла хъебурес. Къачагъунала кур бацъбарниличила хабар шилизи бусягъят гъяйкабиуб. Гъяйкабиайчи гъалабал НКВД-лира балулри. Имцилати секъал илдачи ардухилри. Нушани къачагъунала кур балцъунра или, Хайнутинни НКВД-ла игъдибар гъатъира имцибииахъуб. Цабехъ къачагъунани идилти къачагъуни лутъулри. Цалра секъал илдани я дургъбазибтас хъебархъиб, я ятим-пакъиртас хъегиб. Чула ургар дутъиб. НКВД-личи духиби се дарибал чилилра хъебагъур. Гъяхъисигъуна пай Хайнутинни сунесра бариб. Хъясан дугели халкъ паргъатбиубхъели, Хайнутиничи ацъиб. Кур балцъниличила халаси децъличил буриб:

— Курличила балути нуша сарпи, — иб Хъясай, Хайнутинничи ташмишъайчил хъерикъули.

— Хъела набчи игъдибар агарав, Хъясан? Ма «бисмиллагы рръхъимани рръхъим» — или, Хайнутинни Хъясайс някъ гъабатур. — Вирхълерули виадли, хъуна магъарличил хъя бири.

— Нуша цаличи ца хъедирхули, Хайнутин, дузес хъедирхъе. Хъуни багъес вируд, ил чила хъянчи сабил.

— Нуни къайгъибис ил адам варгес, амма набчилла чизилра мабурид; я гъяхъли, я вайли.

— Се икъулри хъю, Хайнутин? Нуша цали ца урдедлугули гъямал бирусив? Нуша ца къаркъайзирти ца жанван диэс гъягъинитира, — икъулри Хъясан. — Гъамли немецуни нушала мер-мусаличи сабиур. Ишди мер-мусала дегъти нуша детарехъе.

Калун илди бахъхъи гъайкабикъули, гъур Хъясан арякъун. Хайнутинна хъунуй илдала ургар диубти гъай дикъулри. Илис Хайнутинни къадагъабарий чизилра гъай хъеахъес. Аргъахъиб, къачагъуни чучи башниличила НКВД-ли багъалли, саби агартиван бетихъахъни. Къел дурхъя илхъели бусулри. Хъясай,

чус гІяхІдешла дурабад, вайси бирули ахІенри. Сельсовет Иман чули курларад дикахъиби палтар-къяш челгъескайиб. Іїудара архІяла хІева илис дебали гІяхІбизур. Иман кур балцІниличила гапикІескайиб. Сунес чилалра урехи агара, къачагъуни чи сабилра хІебалас нуни, икІути гъай къачагъуначира даилри. ИлхІели Хайнутин ХІясайчил къаршиикиб, ва илдала кур балцІунси сельсовет сайни багъахъур. Хайнутин урухиуб, Иманни сунелара у ихъу или. Сельсоветличи сесад укабиили хъалли, ил чула някъбази виркули ахІенри. Къачагъуни шилизи башесра урухкІулри, НКВД-ла хІянчизартира сахълири. ХІякимтира къачагъунас укабиилри. ГІяхІулабиэс дигутани къачагъуни чули чехІебаили хъалли, итаб лебри, ишаб лебри или, милицияла хІянчизартази балахъулри ва ила бурхъулри. Къачагъунира ца мерличиб буули ахІенри. Илдала хъулри вацІурбазирра лерри. Гъараҳъти шимази имцІали биулри. Къачагъунаны Дагъиста мер-муса чула ургар дутІилри. Хайдакълизир къачагъунала кІел къукъяла берри. Ца къукъяла бекІ Чамсурвара сайри. Мажалисла чедирти мер-муса, СирхІяла дубуртачи баили, таркантла цацадехІ шимири илала някълизир сарри. Сайра урехиагарси, цАкъси къачагъ сайри. Илди мераначир сунела гІядлу-зегъя булан кадизахъурлири. Илдала бекІлибиубси мурад гъар шила адамти чула шайчи битІакІни сабри, сенкІун хІякимти, милиционерти, НКВД урасес ва гъаларла НикІалайла замунтала гІядлу-зегъя кадизахъес, гъар мерличи чула адамти кабатес гІягІнилири. Къачагъунас имцІали кумекбикІути кулакбарибтала тухум сабри. КулакхІебарили хъалли, чула ванзурби, хІайван-къача керасибири дигІянали илдачил барх бузулри. Социалист общество бехъес гІягІнилири. БекІлибиубси къачагъунала мурад ил сабри.

Клиибил отрядла халаси Темирбулат сайри.

Илала мер-муса Къара Хайдакъ, ИрчЧама ва Табасаран сарри. Иличил барх гІяхІцад Табасаранна къачагъунира лебри. Темирбулатра хІязлис чула бекІли декІарварибси ахІенри. Илра цАкъси, урехиагарси, сегъуна-дигара гъалабиз бяхІяэс хІядурси къачагъ сайри. КІелра бекІли къачагъуначи хъарбарилири халкъ паргъатли батахъес. Илди паргъатли хІебаталли, чугІеблибарес къияннири. Амма чус вайси гъай ибси, чучи къаршили кайзурси илданы валтули ахІенри. ХалкъІерли сарра бикІули хъалли, илданы халкълизи урехи бикахъилри.

Хайнутин заманаличил валикили узес балуси адам сайри. Хайнутинхъали биалли гъар шилизибра камли ахІенри. БархІехъ сельсовет Иман хІянчилличивад хъули чархІевхъи, цІудара архІяла хІевара сайра, Хайнутинничи ацІиб. Илди бахъхІи гапбикІулри чула игитдешличила, чули барисиличила ва гІурра къачагъуни чули хІебатес бирниличила. Ціябдаайчи ил хъули чарухъун. Хайнутин чуйнара Иманничира вякъун. Гъалаб илдала гъамдеш бируси ахІенри, гъанна кур бацІбархІейчибад, дебали гъамбиуб. Хайнутиннис къачагъуналара пай биркулри сельсоветлара биркулри, председательлара, НКВД-лира ил гІевурцулри. Халкъ гашали бубкІулри. Ши-алав я гъараҳъли низалра баргес вирули ахІенри.

Дудешуни дургъбазиби дурхІни язихъилири. Илдачилла къайгъни белкІлизир сарри лерти. Ухъалар зягІипси хъунулра кІел биштІати дурхІяра батурли, Абакар дургъбази арякъун. РиштІасигъуна рурси ГІайдат 7 дус риублири, урши Сулайбан 9 дус сайри виубси. Абакарлара Ханзазалара 3 гъятІи акъубти дурхІя бекІилри. РахъхІи кахІели Ханзаза ребкІиб. ДурхІни

урхIла хIерудилиу бикиб. ИмцIали илди нешла узикъар Къурбанкъадичи хъарбикилри. Къурбанкъади сайра урегцIайчив имцIали виублири. Унрубала, тухумтала ятимти илала хъулиб бирutiри. ХIерели, мирхъила тIакъализирад дурадулхъути мирхъиван, дурхIни чус беркесилигIиб дурабулхъи. Илди гъараҳъли башесра бирули ахIенри. Се-биялра бикахъили, чарбири. ДуцIрумла, гIебшнила замана имцIали цIедеш дихутири. Илди гъяркали бутIнаддарили, деръаҳъес бурхлиу кадирхъи. Яра, цIабикъурли, карила духIна кадирхъи. ДегIес гъалар сумри цIали игухIели, лугнира игни балули хъалли, адамтас далцIахъес далтули ахIенри. Дугели бацла шалалиуб къяйцIбикIутира бири. ДалцIи лерхути лугни дурхIназирад, хъунул адамтазирад, къачагъуни къаршибикалра, хIякимти къаршибикалра, милицияла хIянчизарти къаршибикалра, керисутири. Чедиб челгъуси палтарла уди дигIяндарили дихутири илди, «халкъличила къайгъилизитази» чехIедаахъес. 7 дусла чедибти дурхIни-рурсби интернатлизи гужли бурцахъулри. ГIябидатра гуж-гужли руцибсири. Къурбан-ази чуйнара ил багъандан тиладиухъун. Илаб бикибси къацIла бутIа ГIябидатли, нергъ сунени держили, узис хъули бихулри. Чули дирути-далтути хIясибли къачагъунира хIякимтира цабиубтиванри, сецад цаличи ца къаршили биялра. Къиянбулхъахъулри халкълис хаслира янила замана. Янила замана, дяхIила удир, галгубаур гIинцби дургулри. Илди далцIес Хайдакъилизи башулри дубуртазибад бухъна муйлира. Илдас валикъни бикIутири. Гашили адамти чина-дигара биахъулри, урехиагарбиулри, ЧумабикIахъулри. ХIебла замана бахъалгъунти хIялагарбиулри, бубкIути бахъбикIулри. ХIябри дуркъес хъунул адамти балли башулри. ХIебла замана, дяхIи бацИбхIели, низла кIари вацала лихIицад даалра, илди луцIес биштIатира халатира дурабулхъи. Ца гъятIи бухъала лебсири живгъитIи ГIябла хъи бикIуси. Хъимала удир диштIати картошагъунти гъукIи хъули дихутири. Илди делхъи дукутири. Илдира далцIи адерхур. Шила мякълар низбала мякъи даргесра бирули ахIенри. Низби делхъи, илдази бетIула пис ва дибгIяндарибити хиви дархиулри. Адамти гашазибад берцахъиби илди сарри. УрчIемал дус виубси Сулайбанра низби даргес къайцIикIули гъараҳъикиб. Таврализи далцIунти низбира кадихъили, биштIа-биштIаси урца маҳра барии, Сулайбан бархIехъ хъули чарулхъулри. ВацIализивад дуравхъи, бахчализи ваибхIели, гъуни бетахъиб. КъайцIикIули сай, къайцIикIули сай, амма гъуни баргес вирули ахIен. Вамсурли ца мерличи кайиб. Гушдешлира вамсурдешлира хIялагарварибси дурхIя ахъиэсухъун. Урца маҳ ахъбуцес хIейубли, я сай ахъиэс хIейубли, илав калун. Дуги къанси замана, узи чархIелхъули, ГIябидат къакъарақIиб. КъакъавакIиб илди бихIуси Къурбанра. Къурба хъулиб вецIаллад ятим дурхIя хIербирулри. Бикибси секIал гъариллис џаван буртIулри. Сунес бикибсира Къурбай илдас бихулри. Сай я хIякимтачил я къачагъуначил вархси ахIенри. ДурхIнази икIулри: «ХIушази нуну гъариллизи бурибсири, хIушаңун мадашудая или. Гъанна Сулайбан чина арякъунал чили бала? ЦабехIлис цабехI ТIямкъ-ТIямкъли бургъули къачагъунира милицияра саби».

Урухли биялра, гъамти мерани умцIур. ЦархIилтира барх дурабухъи, ахъли жибикIули калун. Дуги цIабисири. Някълизиси чирагъъли дебали гъамли ахIи шала лугули ахIенри. Шанти шаладикайчи къайцIбикIули калун. Сулайбан чинавалра аги. Чумал бархIи къайцIбикIули варгес хIебиуб. Жанивартя верги ургар бикIутира лебри. Яра къачагъуна кавшили ургар. «Къачагъунас се ГIягIинили виштIаси хъяшазибад?» – икIулри Къурбан-ази. Унра шимазибра

къяйцІбикІулри. Гъариллизи багъахъур, лишантира дурули, дусмира дурули. ЖумягІ дикили гІергъи, урцул дарес вякъунси ухънани варги. Ца палаш бухили, мяхІкамли хъули хиб.

Саби гушли сабкъи, гъатІира гушти унзализи къутІбикІули тІашбизалри, дерубти хъярби диаб, хиви диаб, гІинцби диаб халкъли садакъа бирулри. Аллагъли къисмат камхІебаресгу или, чула лебси лугулри. Хъунул адамтира биштІа дурхІнира гъуни-гъуйчибри. Чус беркесилигІиб къяйцІлири. Къакъличи цІедешла маҳра гІелаҳъили, урхъула дубла балли бетиулри. ЦІедеш бялихъунас яра зелис дарсдирулри. Абзурли бархІи бамсурли, урхъу-дубличиб бялихъуни дикахъес хІебирули, – илабадра гъабирхъули, Туемуплизиб Огнила мер-мусаличи бетиулри. Огнилизиб ца мер лебри кІелра шайчи цА ухуси. БугІарси замана илди цАла ургаб тІашкабилзутири. Халкъ цали ца гІеббурцулри. Цалис бялихъуни дикалри, идилтазира бурулри дикибси мер. Чечентала ванзаличи булан бетиулри беркеси тІалаббарес. Чечентала мераначирад хІяжланкІи дихутири.

Туемуп – урхъула дублаб чумал хъали лерси ши саби.

Гъуйчи хІякимтани къараулти кабалтулри, мухри керисахъес. Илцад къияндешлизир дикахъиби секІалра кадухили, чула мер-мусаличи бетаалри, укабиити къараултани керисутири. Керасибити секІал чула тухумтас дуртІулри, милицияла хІянчизартасра лугулри, чули барибси хІянчи чебаахъес ва саби гІеббурцахъес.

Сесад къачагъунала бургани халкълис зарал хІебараҳъес къадагъабарили хъалли, авлис дураухъунси къачагъ се-дигара барес гІелумилзули ахІенри. Шинкъалар делкъи лерхути камти бетІу диаб, урхъу дублаб чумал бархІи къяйцІбикІули даргибити бялихъуни диаб, цІедеш диаб, къачагъунанира керисули.

ЦацахІели хъунул адамтала секІал керасес къачагъ гъала вакІалри, я Чамсулварала я Темирбулатла уми ихъи. Саби илдала тухумтира бикІулри. ИлхІели къачагъли анталра хІеили балти. ХІякимли керасалри, милициялизи бикули инжитирахъулри. БегІлара каҳси, халкълизи урехи бикахъибси НКВД сабри. Илдазир ихтиютира, законтира, къадагъабира дахъалри. Илдачи мешулири милицияла хІянчизартира. Милицияла хІянчизартачи халкъла иғъидибар камсилра лебсири. ИмцІатани Хайнутинна шикъра далулри. Илала баркъудлуми пуждарес къасбарадли, хІу агарсиван ветахъахъесцад макру лерри илизир. Къачагъунани иличи хъаркабариб сельсовет Иман кавшес кумекбараҳъес. Сесад Иман дакІу-гъаргли вашули хъалли, къачагъунаас ил кавшес виркули ахІенри. Иман Хайнутиннисра гІяхІилзули ахІенри. Урехира лебри, рахли чули барх балцЧунси курличила Иманни гаплизиб сунелара у ихъу или. Сесад уркІилизир вайти лерлихъалли, Хайнутин гъинчІкайзурли гъайикIес бали. Илини Иман чумал мерличи буркъунза укиб, къачагъунанира укабиахъили, амма селра бетарули ахІенри. Ца бархІи пожарник МяхІяммадла хъули бякъун. Илаб бужули, букули гІяхІцадхІи кабииб. Иман чуйнаалра арукъес айзур, Хайнутинни кайрахъулри. Шала лебай ил арукъяхъес хІетур.

– Нура хІечил варх лявкъусира. Се урехи саби хІезибси? НушазиркІун ярагъра лер, – икІулри Хайнутин.

– Чизиб урехи? Ну хІуни урхкІанниси хІисабварили уилригу! Дила чизибадалра урехи агара. ВакІаб чи-дигара дила мякъла! Нуни илала руди дурадуршис! – тАма ахъбариб Хайнутинна гъай гІяхІкайзурси Иманни.

Иман, марлира, урехиагарси сайри. Курларад касибти секІал илини дигІянхІедариб Хайнутинниван. Сунени касни багъахъес, палтар-къяш чегъурли чина-дигара ваши. Хайнутинни хІябалра шалила дигІянти секІал дихІес балулри. Гъанна сунени бируси убяхІси хІилла гъарбилзнилиира умутчевлири.

Иманнис гъабуцибси чаягъирла стакан Хайнутинна някълизиб баҳъхІи каҳІелун. Иманни ил бусягІят бацІбариб. Пожарник МяхІяммадлира Иман гапвариб:

– Имангъунти биалри лебилра нушала гъубзни, даршилизив цаалра агара ишичи мешуси.

Бержили цалис ца гапбикІули, гъайбикІули, хІябалра баҳъхІи калун. Къанниван Хайнутинира Иманра дуракабухъун. Укабиити къачагъуначи баимад, Хайнутинни далай бехІбихъиб. ХІеркІла шайчибад къяйкла тІама бетаур. Хайнутин г'елавяхІ гъавухъун:

– Гъяз, Иман, гъанна кадушира нуша, или вявикІули, виругІев дуцІухъун.

Иман гъавхІевхъи, галгала г'ела дигІяникили, тапанчализивад иресииб. Ца къяйкла тІамалис г'ергъи лехІкахъиб. Бержили кепиубси Иман, галгала г'елавад дураухъи, вявикІесиib:

– Урухтусуни! Дирадалли гъамдирия набчи! Чи-дигара вакІаб набчи вяхІчили!

Иманнис сунела хІярхІуби кадерхнила хабар аги. Вархъли сунечибяхІ лябкъуси къарадиличи игъуб. Тапанча плянкъхІебухъун. Ил лайбакІили, кисалабад хъярбукан дис касиб, къачагъ гъалаикиб. Илала канилизи ханжал бурхІиб. Къакълизибра буцІарагиб. Иман ахъиахъес хІетур. БекІлизира чегиб. ЛихІбази тІама чебихулри:

– Иш хІева буили саби хІед дебали г'яхІбизурси, хъулки! – къачагъли, ханжай вирхъули, цУдара архІяла хІева хІунтІена хІили бицІахъиб. Хіеваличил барх чархра тІярхъубадбариб. Хайнутин биалли илхІели пожарникла хъули чарухъун ва сай дигІянварахъес тиладибариб. МяхІяммадли Хайнутиннизи бетаурси бурахъиб ва ярагъра касили дураухъун. Вядеш ахъдуциб. БусягІят милицияла хІянчизартира бакІиб. Ита-ишаухъун. Къачагъуни биалли, агартиван, пяхІли бетахъиб. Г'ергъила бархІира жаназа илаб калун. Хайнутин хъараэс арукиб. Хайнутинни бетаурси буриб.

(Хъараҳъуд бирар)



**Ибрагъим
ИБРАГЪИМОВ**



ЦАЛИЗИБ ВА ХИЛИЗИБ

(Хъарахъуд)

Клиибил бутIа

1727 ибил дус.

ДуцIрумла бархIехъ. Гъазагала къалала ухIав ярагъли вегIиубси къапучи къунзикIупри. Иличи кIел жагъил гъамбиуб.

– Адавзи ХIямид, абхъагу къапу, мекъличи дукъес дигулрану – дугъаизур ахъ-ахъси, дукIумила хIева чевси ца.

– АсухIебирар. ХIямзат, хIуни ил секIал балуси саби, – разиагарли жаваб чарбатур къапучини.

– Нуша ЩурмигIялизи сарра аркъути, – баянбариб алаша-алаша, амма чарх-бекIлизив зантси итилли.

– Жапар, тиладимайкIуд. Талхъя ихтияр агарли, дугъила манзил чилра къалала дура урхъуси ахIен.

– Талхъя уршира? – хIе-ризур ил сунела юлдашличи.

– Талхъя уршира. ТIалаб леблисалра цагъуна саби.

– Нуша «гъабагъ» касили чардулхъутира.

– «Гъабагъ» ЩурмигIяла жагъитания касес бирар.

– Мекъ бируси ТIалхIят сай, ил биалли ХIямзатла юлдаш сай.

– Узи виалра, наб декIар-деш агара.

– Адавзи, хIу илгъуна вар-скъя сай или гъанхIебирки.



– Хіед нуни варскъа дирис, пинціукъ! – къараулли Хіямзатла вархъя къужвариб. – Дашеная дила хіулбала гъаларад!

– Паргъатии, адавзи, хіу викіуси бирехіе, - маслигіятбариб Хіямзатли. Гур ласяхъили, сунечи хіерси юлдашліс хіули линкібариб:

– Жапар, чардулхъехіе, гіяхідеш агара: нушала къапучи Хіядидли гъай барсхібиру.

– Бусравтачил гур дила гъала лагмадилзадая!

Циила тыйдібикибхіели, Хіямзатли иб:

– Къакъамайкіуд, Жапар, нуни балас бареси.

– Дудешлизи тиладибираиду?

– Хіебирис.

– Гур?

– Гур ахіенну, рухъна Балкызла хъалчирад кадиціехіе: илала юрт къалаличи гачбикіуси саби.

– Дұцахіелли?

– Къапучи Хіядидли ил мер чебиуси ахіен.

– Ваши, или биалли...

Хіямзатли гіеббурибси уюн гъарбизур. Бахъхіагарли илдани Гъазагала къала гіелаб батур. Щурмігія мақъилизирад демжурти дам-дядла агурби чедихесдяхіб.

– Хіуни гъалаб «Гъабагъ» касибсив, Хіямзат? – хъарбаиб Жапарли.

– Касибси саби, нушала шила мукърашиб.

– Нуни къалли ил гіядатра гіяхіил балуси ахіен...

– Лехізи, бурисну, хатадикахіелли, мекъъла бегітани танбихіладирира.

Илар, дила узи, гъар секіл дахъес гіягінити сари.

– Се гъар секіл?

– Масала, чи саял хъайчикайруси. Чихъали сабил илала бегіти. Цикури.

Цикурла тухум-агъыл... Гъайла къантіа, суалтас дархъти жавабти дурес хіяжатбиркур.

– Нуни валуси Тіалхіят сай, уздан Жаяхіпарла урши.

– Илала цикури?

– Илра ралас. Кумсият ахіену?

– Сари.

– Бегітала умира далас. Гур илдала тухумти хіебалас.

– Гъу... Лехізи бурисну, нуни балути саби, – Хіямзатли, вехікайхъили, Тіалхіятлара Кумсиятлара тухум-агъыл сунела вархъязи гъанбушыб. Жапар хіятта тамашара виуб:

– Хіуни чинад балути илди? Хіушала къамла хіебиалли?

– Ахіен. Бархіехъуназив, дудешли сунела мякъла катурли, чидил мақъилизіб яра гіялялизіб чихъали хіербирутил, хабурти дурули вирап.

– Нешлира дурули рургар?

– Нешли хіедуру. Дила неш хайдакълан сари. Баршамайла шилизирадси.

– Вяхі! Ил секіл гъанна саби хіезібад аргъибсі.

– Лерил далуси чи лева? Гъу, уркіиличир тикрардара нуни хіезі дурибти уми.

– Рахли чевухъясли?

– Эгъ, дила узи, вари чевмалхъад. Хъа бегітани кіелра танбихіладирира.

– Танбихіалра се танбихі бируси?

– Ирий Иркниша махыилизибы Хусенхъали хатабикибхъели, рурсила бегитани, хъяб-хъябал умеги гъарушлара держахъили, тайзи чебигъун, абзур дуги илкъяйда батур. Ма, хъед масхара!

– Гъягъинили бургар нушаб ил «Гъабагъ»? – хъейгулиахъиб Жапарлис.

– Урухмайруд, нушаб гъягъинили саби: «Гъабагъ» касес хъейруси уршилис, бикъар, гъар-гъар бегитани рурсира шери хъелуга.

– Хъегалли, чус ратаб!

– Майкъуд… Уми тикрардирен!

– «Гъабагъла» савгъаталра се лебси?

– Сяхъ хивала.

– Сяхъ хивала?

– Камлив?

– Камли сари! Мехтүрдеш саби! Ваши набчи гъяхълад, хъед дила нешлизи хъябал сяхъ хивала лугахъис.

Хъямзат дукаряхъиб.

– Анцібуку хивазиб ахъен, дила узи. «Гъабагъ» сархес виънилизиб саби. Цикурила савгъат сархнилизиб саби…

– Гъягъинили бургар?

– Гъу, паргъетии, ит цурла мякъларты хъулри Талхъятхъала сари… Нуша даилра… Чебиду, секъяйда мекъ бемжурлил? Делхъ-мага дирехъев? Яра дархъаначи «Гъабагъ» касес аркъехъев?

– Ну делхъчи ахъенра!

– Хъела пикри аргъира, Жапар. Хъебиалли, цикурла бегитачи аркъехъе…

«Гъабагъ» жяв заманаличибад баиси, жагъилтасра гъести гъямрула адамтасра бегила дигахъуси мекъла гъядат сабри. Илаб бутакъянчиби чянкъли мурул адамти сабри, аммаки цикури лерси гъела хъулибад ил ихтилатличи чехъери рурсбасра лехъизес дигахъи, цацахъели, унзара жикъбухъахъи, дигъянни хъербикъесра гъелумхъебилзи.

Ил дуги цикури Кумсиятра илала зилан рурсбира, дархъдатурли чула дирутира, лихъибира хъулбира бетаурули.

– Илди гъулухъаби чихъали саби, жан рузи? – хъарбикъулри Кумсиятлизи бархъяби.

– Ца къалли гъяхъил валас: Талхъятла юлдаш Хъямзат сай, Гъазагала талхъан Амирбегла урши.

– Чидил саю?

– Ит къукъа убяхъибси, ляжиличиб хъянала веги.

– Гъазагала талхъа илгъуна урши левни хъебагъурра.

– Багъесра хъейрар: илди талхъунти чула къялгъинази дигъянбикими бираар…

– Хъямзат къалли дигъянхъеркур. Ил, бикъар, вацурбазив гъаман къяйцикули виар.

– Вацурбази селичи вашуси?

– Гъяярличи.

– Вай, хъябилра валикибси лев! Сепайда, кибутыбуси ляжили цахибули къадин.

– Хъянбани мурул адамти цахибурути ахъенну, жагабибути саби.

– Гъанна бурри, Хъялиммат? Талхъа уршиличи дигай дирхъули хъериадли?

– Марикъуд, Салимат, дигай дирхъуси хъи сарри. Ну къалли гъачамлис риштәли сарра.

— Рургуд, аммаки ХIямзат-
личи ургиван хIулбала хIер
атIахъири.

— Таман! Укая хIушаб ХIям-
зат! — гъимуркIусила гIердари-
ли, Кумсиятла гIела ритIакIиб
ХIялимат.

— ДиштIали дихъибти дигай,
бикIар, гъатIира юакъти дирути
сари. АхIену, Кумсият?

Рурсби дукарбяхIиб.

Кумсиятра, цикури дигIян-
ни «Гъабагъ» кайсуги уршбачи
хIеррикIни лайикъси ахIен или
пикрибарили, хъа гIямзила
аррякъун. ДяхIличи кIанара
битIакIили, тахличи карииб.
Илис Салиматли бурибси ур-
къяхъгъуна сабри, сенахIенну
бара вецину урегра дус сар-
ри риубси. Биалра, гIергъити
шел дусра-сера илис ТIалхIят
вигахъули сарри. Илис шери
рукъесра, сукникъяни бегIтази хъарбаэс бакIибмад, разикарикибсири. «Се-
личи хIерли руусирав? — пикрирухъи руилри ил. — Махъурби-гIаяби дицIили
чехъерти саби. Чили бала, ну къабулхIерикасли, ТIалхIят чис виркурал? Илис
ну ригахъулихъар, гIямру кадерхайчи хIечи хIерли уус викIулихъар, бегIтани
цархIил рапгесра асуриар. Хала неш рикIуливан, бикъурси гIинц баххIи
гагаличиб хIебуар...»

— ХIу игъбарла регI сарри, Кумсият, — иб илала мякъла тахличи карирули,
ХIялиматли.

— ХIедра лябкъян игъбарла бархIи, къакъамарикIуд, — жаваб чарбариб
цикурли.

— МажахIят, хIуникIун балулри, ну цIуръа сарра. Дудеш бекIил
гъанхIеркур... Нешра нура Дибга гIаялизи пяхъдикили, гIямру аркъули сари.
Нушачи лябкъу-аркъутира хIебирар. Тухум-агълу халхIебаралли...

— Халати цIуръадеш хIедиалли? ХIу уздантала сарри, байхъала
уркухъантира хIела къамла саби.

— Сабигу, амма неш илдачи хIерашар. Хала дудеш вебкIила, гъачамалра
Уркарахъи ганз кацIили ахIен.

— ХIялимат, хIела дудеш Гъазагала талхъан вирусири, бикIаргу?


— Бурули биарар, нуни балуси агара. Нешлисра илди хабурти хIейгахъу,
хъар-хъардаасли, гIянцIидирхъу.

— Селра хIебирар, рузи, вегIла гIямру вегIли гъунчидиркахъути сари.

— Нура или рикIулра...

«Гъабагъ» кайсуси хъулирад мурул адамтала ахъти дукелицIи гурдухъун.
ГIур чилирил иб:

— ХIямзатлис чугур бихая! Илини цIикрумас далай белчIес чебиркур!



– ХатIаикилив?
 – Гъарушла умегI бержес вирули ахIен.
 – Илбагъандан далай белчIахъес хъарбиулраяв?
 – Гъядат илгъуна саби.
 – Белики, илини далай белчIес хIебалуси виэс?
 – Талхъа уршили гъарушла бержес хIейрару? Далай-делхъ дарес хIейрару?
 – Ватирай, гъари, паргъатли!
 – Юх, нуни хIурматла Амирбегличи хабар биахъис!
 – Юлдашlis къадин нуни белчIасли? – ил суал Жапарла сабри.
 Лебилра мекъла ағылу иличи хIербизур.
 – Марлира, узи-урши, сен хIебиуруси? ХIямзатра Жапарра ханжалра
 къярIаларагъунти юлдашуни биалли? ЧехIебиулраяв, гъаннара ЦурмigIяла
 мекъличи гъазагант «Гъабагъ» касес бакIили? ХIебалас, чина хIербикIутил
 нушала ГIулухъаби!?

– Диур, диур! Даҳъ тIакъли чемадулхъадая! Гъари, Жапар, каса някълизи
 чугур. ХIердикIexIe, хIу сегъуна далайла уста сайрил...

Хъулиб лехIдеш чебихъун. Жапарли чугур бучIескаиб. ХIятта ХIямзатра
 тамашавиуб: юлдашли илкъяйда жагали чугур бучIахъули гъачамалра
 чебаибси ахIенри.

ЛехIихъути кIайбизурли лебай, Жапарла тIама хъулиб гъайбатли ахъбиуб:

Таркаман тутла чугур
Чили дяхъялра дучIар.
ЦурмigIян нешла рурси
Юх, ну гъанни хIеручIар.

Дибга гIаяла шурми
ЦIяб дуги шаладикIар,
ГIаякан нурла чирагъ
Наб шаладикIxIедикIар.

Гъазагала багъла хъяр
ХIедуцили кадиркур,
Шумралла къугъал къакъба
Дуцилихъар, датдулхъан.

ГIяхI няхъла юлдаш ТIалхIят,
ХIябра хIулкIули леври,
Шан исбагъи Кумсият
ХIечи леркули или.

ХIушаб талихI булгули,
Чум ГIур далай делчIиша?
Наб игъбар хIебургули,
Чум дус гъатIи деркIиша?

Дерхъаб гIаяла хъуми,
ХIябкъярякъли духъули.
Дашаб ванати бурхIни,
ЦурмigIянт лявбиули.

Гъанна нушабра, ХIямзат,
ХIебаилира сягIят,
Дурадухъес сапарли,
Бурили ГIяхIси сягIят?

Къушум къугъали калаб!
БегIти хIулкIули калаб!
ЦIикури аркул хъали
Нурли ухули калаб!

– Баркабан, Жапар! ХIу араваркъ!
 – ХIу мурадли варь!
 – Къадарбиаб нушабра хIела мекъличир далуйта дучIес!
 – Арапи ватаби!..
 Къакъализи дурабухъунхIели, ХIямзатли иб:
 – ХIела пагъму чебаира. Гъеч гъанхIебирки, Жапар?
 – Наб далуйти дигахъис. Гапваресигъуна пагъму чинабли...

– Дудешли чугур бирхъусив?
– Бирхъуси саби. ХІела?
– Юх.
– Чугурли, ХІямзат, уркІила мурхъдешлизирти пикруми чериргъахъули биарар.
– ХІуни делчІунти хІябкубти хІясибли, ил гъамадли багъеслири.
– Се ил?
– Се ахІенну, хІуни дигай дихъили виъни. ЧіянкІли чи сарил ил исбагы белгихІебарили лебал.
– Чилра агара... Илдигъунти хІябкубти нуни ца ити цаладирхъути сари.
– Нуни илкъайда хІейрус.
– Нунира хІейрус хІуни къайда улибхъя агарси ябу дуцІбарес...
Илди ЩурмігІя маҳыила удиси катруглизи баибХели, цІиркІси шятІла тАма чехиб. Илмадан гъунила дублабси бухъна хъярла галгала удир авал къаралди дагъардиуб. Илдани ХІямзатла ва Жапарла гъуни буциб.
– Эй, гъазагант?! Чили саррая хІуша мекъличи жидарибити? – хамли хъарбаиб цали.
«Чумавии, Жапар... Илди вайнукъяби нуша разили гъунирдатес бакІибити ахІен», – шивкІивбариб юлдашлизи ХІямзатли.
– Гъазагантала гъай детахъилигу?
– Гъайра детахъили сари, хІуша чедаибХели, урехили шанглар шинван руржра руржулра, – иб, хункІи чүмадибури, ХІямзатли.
– ХІеръаягу, ХІямзат! Талхъя урши!
– Тяп илгъуна сайра!
– Талхъя урши виадли, «Гъабагъ» касес чина вашусири?
– ДигухХели вашусира.
– ЩурмігІяла жагъти агара викІулрив?
– Юх, «Гъабагъ» касес чисалра къадагъабарибси ахІен.
– Гъазагала талхъай дила дудешлизибад шинкъя кебасибси саби, – иб цархІилли ХІямзатлис алаввирули.
– Хъарбаа дудешлизи, сен кебасибсирил. Яра нуни буришав? Мискин-пакъирла гавлаглизирад кІел жира анкІила сунесдирухХели ахІенрив?
– ХІела дудешла анкІи хІедиалли?
– Иличил варх Жапар ахІену? – хІябэсилра илдас гІела ветацІиб.
– Сай, хІела рузикъар Гляшатличи Гляшикъиубси, илис далуйта учуси.
– Эй, ХІяжибег, се бирехІев? Супел бакІайчи хъули бурхъехІев?
– Илкъайда хъули бархъалли, гІурра лябкъян ишди гъазагант.
– Нура или викІулра! Илдас неш гъанриркахъехІев?
МухІлубани дурути илхІайзир хункІачи шурдухъун. ХункІира – цалис кІел хІясибли...
ХІямзатра Жапарра, рухъна Балкызла хъалшибад бикили, сагали Гъазагала къалализиб бетаурхХели, дай дугила манзил сабри. Жапар ца къясличив цинкІикІулри, ХІямзатли рурцІуси хъянтІа хІяршбирулри.
Юх, илдас ил дуги бекІил гъархІебилзури. Балкызла юртличирад шел ганзра кахІецІили лебай, гІеларад келпатанван чіумати някъбани илдала хъянтІуби дуциб.
– Байтарманти! Балахъис хІушази адавзи ХІямид чи саял! Даширая талхъайчи! – къапучини илди мукъриван кІелра шайчибад хъусбариб...

* * *

Дибга гляя. Хязлис ахIенри минала бегIтани ил у бихъибси. Хала хIеркIла чедибси хъинжличи мерлабиубси ил, марлира, дебъаси къалаличи мешули сабри. Удив – кIухбикIуси хIеркI, кIелра шайчир - шурмала гъярбикуни, чIянкIли магърибла шайчибад гъярцIа дякъ сабри глялизи бихуси. Дибга гляя дурала адамтани чебаэстра аги: мигла ва шимла зурбати галгубани дигIянбарисван сабри.

Ил гляяла тарихли бетаурси тамашала айтута лебри, сабира, дусмадли цализи цали бурули, барсбируси ва чебирцIахъуси...

ЛебIеб жяв замана, бикIар, Хала хIеркIла санила шайчибси Шурклила шилизизб ца хъалибарг буилри. УрчIемал урши-рурсила бегI, аммаки тяхIрагарли мискинни хIербируси. Марзла урши хъайчикатес замана баили саби, сепайда, хъубзара дудешла яшав-даражса дуили ахIенри.

Ца бархII урши викIули сай:

- Дудеш, нуни балас бареси, эгер хуни пурбанбирарадли.
- Се саби балуси? Вайси баркъудилис нуни пурбан гес хIейрус.
- Вайси ахIен: нуни чебиулра, нушаб хIердиэс гъамадли ахIен. Ихтияр бара, дудеш, наб хъалибаргра шира дархъдатахъес.
- Чина аркъулри?
- Ну вегIси мер баргес.
- Секъайда? Чинаб бургода хIу вегIси мер, дила урши? ХелакIун дурдибити палтарла дураб селра агара?
- Дудеш, дила някъби лер. Ну хIериэс вирус... ХIушаб биалли гIурра къашмачи кабатес глягIили саби дила гехIел узи-рузи.

Дудешлизизбад пурбанра касили, гавлаглизи кам-гъамти ваяхIра дучили, урши хъуливад дуравхъи сай.

"Юх, гъарахъли архIя бухнилизибад мажахIят глягIдеш биэс? – пикриухъи сай ил. – Нуни балулра, мискиндеш нушала шилизирцун ахIен, имцIатигъунти дубурла шими-махъурби, къикIли берги кабикес хIядурси зехниличи мешули сари. Садакъачиван шилизивад шилизи вашули, яшав барес хIейрус..."

Хала хIеркIла дублабси юубхIярличи кайили сай ва чедирти, къадала вякъадизурти шурмачи хIерикиули, пикриухъи сай. Чебиули сай илини илди шурмазиб халаси юудара тъярхъи. ТабигIятли азирти дусмас гъалаб бетаахъурси иничь. Иничь дигIянбирули, илала гъалаб сирмугла зумаси къадара лебри.

"Заманалис илавра хIериэс вири къалли, – викIули сай ил. – Ила чилра баштуи ахIен, дуки-гъунчи дурхъути мицIирағ адацIалли ахIенси. Ила ацIес лебси къашла цацун дякъра саби. Чедиб, шурла ца шайчидиркъбикра леб! Хъу барес вирап: удирван вацIурби, дуки-гъунила мер-мусара лер. Юх, ил мер чилалра арилизисира ахIен..."

Жагъил урши ил иниклизи чевяхIяхъили сай, ва илав хIериэс пикрибарили сай. Иниклизи жанивар атхIебацIахъес или, гъала-гъала глягъиз барии сай. Гергъити бурхIназив, някъби акъухIели узули, биштIаси хъу барии сай, урцуул дяхъили сай, иникра биштIаси тавханаличи мешубикахъили сай.

ХIеркайрули сай, сепайда, цунти глямрулизиб разидеш чебиули ахIен. Гъанбиркули саби сунела бегIти, узби-рузи, ши-шанти: "Юх, ахмахдеш саби нуни бариси баркъуди. Дудешли балули кали сай ишкъайда бетарни, итхIели ну дурахIевхъахъес махикIухIели. Гушли, гъаргли гъалаб сабри, цунни ва

анцІкъилизив иши хІериубличив. Се леба? Велкъи-декІар сайрав? Палтарла мерлар жанивартала гулби чесадурцулра, къацІла мер гужли баргиси дугІла жаниварла диъба ва къарли бурцули сари. Набкіун хъайчикайэсра, дила хъалицІа детаахъесра замана баили саби. Улгас, дила неш-дудеш ва узбирузби сен сабира? Ну набчилатун пикриикІулра. Белики, бегІтас набзибад кумек хІяжатли биэс? Валлагъ, ишди гІямру ахІен! Цунти. ДугІрукъличи ну шурухъунти. Челябъяла агарти... Чарулхъас, чарулхъас дила хъули..."

Дугила дуги илди пикрумазив вамсурли, гъачам къанни ускай сай. ЧеваргъибхІели, лехІизалли – шурмала удирад гъай чедихули сари:

- Мякъяд гъари, Манай, ишарра даари сирмугуни лер.
- Ну мурталра хъулрикІусира, рузби, икІ тІярхъила гъалабси сирмугла къадаличи разэс. Се дикІулихъар, дила рузби, уркІи хъулбухъи саби.
- Рахли карикадли? ХІеръя, иларти шурмала ахъдешличи.
- КахІериркус. Карикаслира, уркІи гІергъибухъеси кавлули хІебиэнсу.
- ХІела жагъти гІямру?
- Чис гІягІнили цУръала гІямру? Набчи хІерси неш агара, дудеш агара, шав гъалмагъ агара...
- Вай, хІябилра рарскъя лерри.
- Даширая хІушара... Сирмугунира дурчехІе, икІ тІярхъира ахтардибирехІе.
- Юх, нушаб гІямру детІили ахІен, Манай.
- ХІебиалли, хІерли диирая, вацІализирад дурагхъайчи хІушаб гІерриус...

Зилан рурсби вацІала бухІна арбякъи саби, Манай биалли, къашла дякъличирад рикили, тІярхъила гъалабси сирмугла къадаличи раили сари. ХІеррикІалли – къялуби хІунтІендиубти сирмугунани чугънадли вахдаршили! Харирубси илини къялуби гъакІардires рехІрихъили сари. Сепайда, селрацад сирмугуни дучес бажардирикли ахІен. Иникълизибад хапли дурабикибси жаниварли, ил хапрарили, чІярбяхъесалра бажардихІерикахъили, аррухили сари.

Иникълар дагъриличи рикибхІели, Манайли чейули сари жагъил урши, ва ил тиладиухъи сари:

- Аллагъ багъандан ну цАхмарираба, набчи гужмабирид...
- Юх, ил дугІрухъ жагъилли дубихъули ахІен ва сунела вайси баркъуди даймабибули сай.
- Эй, урши сабурбара... Илкъяйда асухІебирап... ХІу чи сайри? Сабурбара ца гъай бурайчи. Ну хІед разириркус, – гІурра тиладиухъи сари Манай.
- ИлхІели, декІси гъигъя дурабушили, урши тІашизурли сай.
- Бура, се саби хІуни буруси.
- Вай, Аллагъ, илкъяйда асухІебирап къалли? ХІу бунагъяла цІали игури. Набра зулмурти гІердиур... Ну цУръа рурси сарра. Наб Манай бикІар, Бурца бехІ маҳиилизирадси сарра. УркІецибара...
- Ну шурклан ГІябду сайра, хІед илцад багъес гІягІнили биалли.
- Разилира хІед дигуси барес... ЧіянкІли багъес дигулра, сен хІу набчи жаниварван чевхъунсирил. НушакІун жаниварти ахІенра, адамти сарра.
- Наб хъунул ГІягІнили сари... Наб иш иникъларти цундеш детІили сари, – ахирра гІячихъибули сай ГІябдули.

Вай, хІу Аллагъли ват, нуни хІед дигуси бири. Иш шурмала иникълар хІечил рапх хІерра рирус... Аллагъ багъандан ишбархІи набчи гужмабирид. Яра ну хІед ГІягІниси ца бархІилис саррав? ГІур цАхмарили лайрикІусирав?

– Юх, илгъуна пикри хIе-
биуб. ХIу наб хъунулрарес
дигулра...

– Ну хIед хъунул ретаэс
багъандан, магъар дихъахъес
гIягIибиркур. Иличила сен
пикрихIевхъунсири?

– Пикриухъи се бариша?
Магъар нушаб чили дирхъути?

– Дихъеси малла камхIей-
пар... Ца шилизи аркъяхIе.

– БегIти агарли, маллани
магъар хIедирхъу.

– ХIела бегIти агарав?

– Леб. Дебали мискинти...
Нушала халаси хъалибарг леб.
БегIтала наб сяхIбат барес
яшав агара.

– Дилара гIелав-гъалав
чилра агара. Я наб мас-хаз-
на гIягIити ахIен, – Манай,
камсиван пикриухъуи,
даимриуб. – Наб хIу къабу-
лиркулри... Набра хъайчири
гIямру дигулра... Иргъултив
эй, урши?

– ХIу набчил парх хIерриэс рируду?

– Рирус. Сен хIериусира?

– Нуни хIечи гужбарес пикрибарира... Гъанна наб цIахбилзули саби.

– Нуни хъумартес къасбираис...

– Дигай гъатIи? Илди агарли гIямалбиэсара? ХIуни ну мурталра цIударли
чейули хIейгахъира.

– Илкъайда хIебирар.

– Белики, хIела гелешмеш левли виэс? Ил хъумартес рируду?

– Левси ахIен, чилра левси ахIен. ХIу дила уркIилис къабулиркулри, наб
иil баibси саби...

Иш гъакIилис ГIябдура пикриухъун, гъанна бикайчи гъяжраибси рурси
ратайб, ца шайчи витIакIили, кайиб.

– Баркалла. ХIуни дила гъай аргъири, урши.

– Баркаллализибад се гIяхIеша? Гъанна хIу ишарад аркъяд, гIур иш иникъ
чебиъна дакIухIерулхъад.

– Юх, ГIябду, ну илгъуна ахIенра... ХIура къачагъ уили ахIенри: дила
пикри барсбиуб. Дигалли, нуша кIелра ишарад дарх дурадулхъехIе, гIур
магъарра дихъахъили, дарх чарра дулхъехIе. Ну къабуллира... Ну разилира...

Адамтани бурни хIясибли, илдала къисмат ца бетаурли сабри. Юх, илди
шурмазибси иникълизиб кахIелун, вацIала сиртличи дурабухъун. Мадар-
мадарла юртра барили, хIеркабиуб. Заманала бухъяндеш, илаб гIур арагIеб
махъира бетаур...



* * *

Дибга гІяяла ца дублабси эскибиуси юртла къапу гъаргдиуб. Иларад диштІа-халати гІежнала хІенкъ дураберхур. Чер-черудути "ме-е-е"-ла тІамрази алавла гІелабушили, тугъарили, гІежни шурмала бяхІкад Хала хІеркІличи датдихъиб. Савлила ил жявси манзил гІежнала хІенкълис гІергъи къапулабад кіел хъунул адамра дакІубухъун.

– Ма, чекахъа хъуцІарличи. Дагра хъумартурри, - иб гъести гІямрула хъунул адамли, рурсилис тавра гъабурцули.

– Ца бархІи хІерукаслира, гаша хІерубкІус, – сенрил разиагарли жаваб чарбариб рурсили, гъабуцибси тавра сайсули.

– ИшбархІи Тібакъла диркъаличи аркиду?

– ХІекис, гІежнас диркъала къар дигули ахІен.

– ГІур?

– Буйрала бяхІлизи диахъис.

– Гъараҳъли ахІену? БархІи ахъайчи уркІи рурцІули хІечи лехІли кавлупра. Вай, дила рурси, хІябилра авараагаргъуна лерри?

– Неш, лехІхІейхъес дигули риадли, гІежни дица. Набра паргъатдеш биар.

– Гъай аман, гІямалбирули биалри, дила рурси. ИлхІели нушачи мискиндеш лергІер лагдирхъур.

– Селра камхІебирарап... Нугъунти зилан рурсби хъули биаркабиили саби. Нунира балас дукІуми бершес.

– ЯхІбара, дила рурси, ца багъадурли хІу шери аррукадли, гІежнира детихъур. ИлхІели дила уркІира паргъатли биар...

– МарикІуд, неш, ну шери рукус гъалакли ахІенра.

– ГъятІи гІямру керхайчи дила мяқълар калес дигулрив? Абдал рурси!

– Дигулра! – гъимрукІили ахъли тІама дурабатур рурсили.

– Или биалли, сен дай дуги баайчи Кумсиятла мекъличир калунри?

– Илизиб се леба?

– Се ахІенну хІедра хъалицІа дигусигъуна сарри. Юх, хъулмарикІуд, жявли саби...

– Вай, аллагъ, неш, хІуни пикридирути аргъес рирули ахІенра.

– ХІу дигахъухІели, хІечи уркІи изухІели...

– Гъу, паргъатрии, унрубани нушала гъай дикъули диалли?

– Селра хІебирарап! Вайси бурули ахІенра.

– Аргъира, неш, гъанна хІу хъули чаррухъен, ну дуки аркуулра.

– Арали чаррухъаби, абас рат! Я, РяхІман Аллагъ, хІуни мяхІкамрара дила рурси!

Илди Хачабара илала риштІал рурси ХІялимата сабри. Дибга гІяялизи гечриубла, итхІели дукларси рурси чехъери ретаурлири. Урши Устархан, хала дудеш ХІяжимаммала ибил барили, Уркухъла шилизи гечиублири, илав хъайчира кайили, букІун ветаурлири.

Ургарси рурси СягІидат, Иркниша махъилизивси хъубзара ГІялис хъалларарисиригу, сепайда, хъайчирти гІямру гъархІедизурлири. ДекІаррикибХІели, чумал дус нешли chir кали, Дибга гІяяра бархъбатурли, гъаррухъири. Ил чина рикибал, иличил се бетаурал, я балуси я чераиси атхІехъиб. Гъала-гъала ХІяжимамма, рурсила рурси СягІидат чаррарес умцІули, диркъала шимази булан ваиб. Селра гІячихъбарес хІейубли, чарухъун. ИлхІели илини Хачабази ибсири: "Ил дугІрухъ рурсила у нуни

бикъуси мерличиб гъанмабуршид! Ил агарлира дунъя убил-чехieberiar. Паргъаткарии!"

Хачабани-декilar паргъатxieriubli се бареса? Риштарал рурси Xялимата мъкълар, ил арурцу-каралтули, ил багъандан сегъуна-дигара xянчира бирули, xеркариуб.

"Мурт чердикесара набчирад ишди г'ежа-къяй? – пикририкIулри Xялимата, гъачамличир гъачам гъамти улгу-миналичирад гъарахъиркули. – Глялизир ца ну сарра дуки рашуси рурси. ЦархIилтала уршиби саби, хъайхъибра гъакIдирули, муз къада-чедидирхъули. Се биру, ца шайчирад нешра рапхъли сари: дуки-гъуни гъамадли х'едиалра, пайдара леб. Ирий г'ебшни нешли вецину цара г'ежа дициб, нушаб х'яжатдиркути берклуми, палтар-тунаб, т'алхIяна асиб. Наб дарайла шиниша х'евара асиб. Ишдус мячуйтира сагаси х'евара асес чесибси сари. Г'ур, рикIар неш, нушаб кам-гъамти арцра, мас-хазнара г'ягIидиркути сарину, селра аса марикIуд. Ну итира цархIилтиван, наб ит, наб иш рикIули, чеалкули х'ерирус. Нуни иргъулра нешла: ил ну багъандан саремцIурли сари, цуръя пакъирла хъулиб бушкай х'яршбареси селра агара или х'ебурахъес къакъаракIили сари... Юх, илини илцад дила уркIира иргъули ахIен. Ну шери рукеес къалабали ахIенра. Нешлис биалли илкъаяда гъанбиркусигъуна сари..."

Сунес Буйрала бяхI ируси мер х'еркIла итатIбси вацIала дублаб сабри. Гъарахъли биалра, илар г'ежни х'ердарес гъамадлири: бархIила бархIи-дигара байла галгубала ва муръухъулала к'ярани къибдикIули, илди ца мерличир дуулри. Х'ерила манзиллис, х'еркличи уряхIяхъили, шиннира дужили, шурмала уди дяхIцилиу пяхъдиркулри. Г'ур дуцIрумла буцIарси бархIи ахъайчи Xялимата акъули кавлупри. Руулри г'ятIи акъули? ЛайкадакIили ца мерличи дилигайра т'ерхъара, Буйрала бяхIла чедибси диркъбикличи улелья делтIес яра жявли билкъан хъярла хъярби далтIес дурарулхъи. ИлхIели илис ахъли далайрикIесра дигахъи. СенахIенну хъулиб бетхIерулри: неш черулхъи, унрубани аргъили х'ейгахъи. Илар, ургубалар сархIели, азадлири. Чилра диргалаулхъуси аги. Алавчарси т'абигIятра шипIбяргIисиван, илала далайличи г'яшикъбиубсиван, лехIихъули бири. Хала х'еркIла итил шай chir г'ягъяв шурми сарри, илди, Xялимата далуйти тикрардиркули г'ердучIули дери. Ил бархIира замана гъамбиублири, дилигайра бекIла уди убихъили, диркъаличи геррухъес: яра сунес дигути пикруми дарсдикIахъес, яра дугели убкалунси гъанкI ахъес.

Или биалра, ил бархIи Xялимата гъархIебизурсигъуна сабри: гъабкъяна бухъна г'ежа, бархIи буцIарбиубли биалра, белхъи бекIхIебирулри, гъар мурталраван, ил канихъус къайцIлизиб сабри. Сунес г'еларад дигъунтиван к'ел к'илизан жагъиль г'ежара дikuли, гъачам шурмачи абицIулри, гъачам зумати къадубазиб бетихъулри. Илихи х'ерли, цархIилти г'ежнира къадалабси дяхIцилиу кадицIули ахIенри.

"ЧаррухъунхIели, ил канихъус бегI г'ялаб нешлизи бицахъес маслигIятбирикс, – рикIулри Xялимата, т'ерхъара гъакIбирули, шурмала дубхъиличи абацIили, илабси хъярла биштIаси галгала к'ярачи къиббикIуси бухъна г'ежа чарбарес черулхъули. Вайбухъбиубси г'ежа чина чарбиэса, г'ятIира ахъли шурмачи чебяхIихъесбяхIиб.

"НахIа се бирузи илис? ЛехIихъули ахIен, саби изай буц! Уди кабикесра асубирар. ИлхIели ил ахмахла мицIирдеш кахIевлан", – илира или, Xялимата

тПашлизур, балуй някъра гъабатури, гЕжази магъ-магърикIес рехIрихъиб.

– Вай, хIела гIямал мадув! Бashi, гъари, иса. Чарбухъен гелабяхI, бухънабаибхIели абдалбиули хIебиадли...

Чина хабара, ХIялиматли дурути иличи диули ахIенри, шурмачибад гъатIира гъарахъли чебяхIбулхъулри...

Гъу, ралтехIе камси заманалис бухъна гЕжас маслигIятрикIахъули ХIялимат, сенахIенну тяп ил вахтлизив, Дибга гIяяра гелаб батури, Хала хIеркIличи увяхIихъуси жагъил гъункъя вагъариуб. Ил гъункъячира мешули ахIенри. Кункли вегIиубси илала вайлиур ири-ханжалра някъбазир ургидергара лерри. ХIебиалли, ил гIяяркъяначи имцIали мешули сайри.

Ахъ-ахъси къарапдила вегI, дукIумила гъарзаси хIевачевси, бекIличи уктемли пис къапIа чебиибси, къугъати дягIличир бараван муцIур-супел вящдухъунси жагъил урши сайри ил. ХIера, хIянали кIибутIбарибси илала ца ляжира гIячихъбиуб...

АхIерси учIан! Гъанна илала куц-кабиз гIур сипатдарес хIяжатдеш хIебургар? ГIе, гIе, ил хIунира вагъурри. Гъазагала талхъан Амирбегла урши ХIямзат сайри.

Ил паргъатли ганзикIули виалра, пикруми паргъатли ахIенри. Илис гъанбиркулри, къапучи ХIямидли секъяда сайра сунела юлдаш Жапарра ит дуги дудешличи арбукибал. Гъанбиркулри ЩурмигIя маҳиилизиб касибси "Гъабагъ", гъунчир детаурти къалмакъар.

Дягъи-хъаслизиби илди чебаимад, талхъай иб:

– Жапар, хIу укъен хъули: хIела дудешличи кIинайс ихтилатбирехIе...

Жапарла дудеш НухIкъади белкI-белкI далуси талхъа къуллукъчи сайри. Сунела хIянчи ламусличил таманбируси адам сайри.

Жапарра къапучи ХIямидра дурабухъунхIели, тавханализи неш Издагайра арацIиб. Илра, гъанкI хIякъули, урши чарухъайчи хIерли карибсири.

– Жан аллагъ, хIед се бетаури, урши? Чили хIу ил куцличи викахъири? - илини урши кIапуциб.

ХIямзатли, "селра биубли ахIен" или, неш бараван тядириариб: хIейгахъи илис нешли лявирули, илхIели илис сай хайриагар кIантIимайли калзули вири. Мурул адам дила-хIела вирни, мяхIкамирни илини сеналра къабулдирути ахIенри.

Амирбегли балулри уршила тIабигIят, детауртачиле хвар-хъардаъни, сай дудешцун ахIи, талхъан виублихъар, пайда аги: ХIямзатли хIебури. Илбагъандан илини гъай цархIил шайчирад дехIидхъиб:

– Хъуммартид, хIу чила урши сайрил: наб бекI гIяшбуцес хIейгахъира...

– Дудеш, я хIед я нешлес бекI гIяшбуцес чехIебиркур, - иб чIумали ХIямзатли.

– Илкъяда аргъа, талхъа кулпетлисра шаригIят ца саби. ШаригIятла къанунти хIедра дузажъес гIягIнибиркур.

– Нуни бариси хатIа лебли хIебиэс, дила талхъан?

– Леб, гъайгъай. ХIунира хIела юлдаш Жапарлира.

– Дудеш, нуша ЩурмигIя маҳиилизи мекъличи дукънира хатIа бирусив?

– Ихтияр сасирив? Набзидад? Нешлизибад?

ХIямзатлис буреси кахIелун: дудеш вархъли викIулри.

– Къапучи ХIямидра хIушани вамъахъурлирая. Наб ил гъанна къараулла хIяниличивад увкасес чебиркур..

– Дудеш! Дила талхъан, ил секІал мабирид! – уркІухъун Хіамзат. – Иличиб гіяйиб агара. Хіамид-ази сунела къулукълис марси къапучи сай. Илини дархъиби ахІенри нуша ШурмігІялизи... ДигІянни къалализирад дурадухъунтири. Нуни тиладибирулра, дудеш, мабирид ил секІал...

– ПикридулхъехІе, – иб къантІли талхъай, сай биалли сеннира пикриулхъули: "Уршила тАбигІят кабилзусигъуна саби. УрхІличи авараагарли ахІен, илизир уркІең-ржІму лертигъунти сари. Ну урухкІусири, рахли ил ржІмуагар дібягъ ветаесгу или. Гъачамлис илала дубшарад гіярзъалара аргъили ахІенра. ЧехІейиду, сайгъунти гПулухъабани дяхъя-дагили диалра, мукІурикІули ахІен. Вири къалли, ну талхъа урши сайра, дудешлизи чеббирцІахъис или, урехи чебаахъесра. Юх, Хіамзатличи дила уркІи разили саби..."

– Амирбек, дила талхъан, уршилис ил зулму барити танбихІлахІебарили балтаду гъари? – сабур каберхурли, муруйчи хІерризур Издагай.

– Чи саби зулму барити, дила ашна? – хІедалусила гІердали, хъарбаиб талхъай.

– Нуни сели балуси?

– Нунира балули ахІенра.

– Уршилизи сен хъархІебиулри?

– Хъарбаэстра гІягІнидеш чебиули ахІенра. Хіамзат хъяша дурхІя ахІен. Гъайлис гъайра, бяхълис бяхъра, дила пикрили, сунени гІердиахъуси заманаличив сай.

– Амирбек, хІу талхъан сайри... Хіамзат талхъа урши сай... Ил мучлахІерни...

– Диур, ашна, талхъунтасра рягІят адамтасра Аллагъ ца сай...

Гъур-пушрикІули неш калунгу, уршилис бируси диван илкъяйда таманкабиубсири...

Хіамзат Хала хІеркІла дублав тАшизур. Урги-дергара таврара мякълабси цІубхІярличи кайхъиб. Гъачамличиб гъачам цІа челкъуси берхІили ил милигварилри. Ца гІягІдеш, хІеркІ урунжван умулири, дахъхІи заб агарли, ил биштІакабайлри, къялубадбикли, вихла агира кайли, удибяхІ батбихъилри.

Журуга къаркъубачи някъбира удахъили, Хіамзат хІеркІличи лукІ-лукІхъиб.

"Жапар гъатІи варх вакІибси виалри, дигесли бири, гІяр бетхІеалра, анцІхІебулкъи, нушаб цализи ца дурести камхІедири. ГіянручІличил ил нешла рузила хъу бацес арякъи увухъун. ДуцІрум хъуми-декІар далцули хІебираргу, илдани къан-къанни нихъя бегІес пикрибайлри, – гъанбикіб Хіамзатлис. – ИшбархІи селрацад гІяр бетарусигъуна ахІен, шалдаличил дуравхъи Хала хІеркІличи вайлра, урги-дергали лишан касеси мицІрагалра къаршихІебикиб. ХІебалас, икІ бяхІчиси Буйрала тялализив къяйцІ-мага ухъасли? Арцантани пукъни лушуси урда саби, бикІар. Рахли ца къакъба-секІал цугхІебиркурал. ДацІ някъбачил чарухъасли, дудеш сеннира ришхантличил гъинчІилзан ва иру: "ВакІиб гъанна нушала гІяркъяна, синкала гулира сабухили. ХІу чеибхІели, лерил ваяІала мицІирағ диркъаличи гъардулхъули хІедиалли? Щакыил гІяркъяна хІейадли?.."

Таврара хъуцІарличи чекахъили, урги-дергара някъбази цІацІадарили,

Хіямзат хіеркіла итил дублав ветаиб, гүр сурсур жярла диштіати галгуби-ургабад Буйрала бяхілизи архуси дякъличи дуравхъун.

Умцүсіни бургу хіязліс бикіту ахіен. Ил ваңала сиртличи вайбмад, дургбала къадализибад піархбухы цайба ахъбиуб. Хіямзат бажардиикиб урги-дергали лишанкасес ва цайба, селрацад гъаваличи ахълебиубли лебай, кабикиб.

Къапучи Хіядидли ил ханжайчил дирути уюнтачира урги-дергализивад иртахъесра қагіяхіл бурсиварибсири. Цугли веңіл дус виубхіели, дудешли къапучи Хіядид кіалгілизи живарифбисири ва илизи ибсіри: "Хіядид-ази, хіугъуна ургъанна багъудила бегіти дила нукертазиб агарану, ука хіечил варх дила урши Хіямзат. Бурсивара ярагъ пайдаладиражъес. Хіед дигуцадхіи хіервара. Хіела гъигъличивад чевухъалли, танбихлаваресра хіезиб ихтияр саби. Талхъа шайзибад хіед лайикъси напакъара бирап..."

Хіядид-азини хіябал баз Хіямзатлизи Гъазагала ши чехібаахъиб, гъараҳьси сунела чатирлизив хіервариб. Чатирра илини сунела хъула дублаб бяхъибси бири. Къараул бирес, дугіла цурмазирад мучи-мяхілар мяхікамдарес багъандан.

Ханжайчил барх ирилизи цайбара бигъи, Хіямзат сагали лагвяхі ватихъибгу, гүрра ташизес чебуркъиб: гъалли муръухулаала къялубазибад кіанра арцур. Иличира урги арцахъес бажардиикиб, амма целдан дугі арбякъун. "Сен хъярхъли бажардібікібал" или, Хіямзат гъамиубли муръугъулаала къадализи хіеризур. Илаб кіунтірар гидгурала бегі кіанрала пукъа лебри.

"Кахіебушни гіяхіси бетаур", – иб илини, гъуни даймбирули.

Чумал ганзра кахіеціли левай, Буйрала бяхілизибад иличи тіама чехиб:
– Эй, дугірухы! Кабаңи иша, хіечи хіерли сеңадхіи руусира?

"Наб гъалабухы Хала хіеркіли баитира лебли калигу?" – пикриухъун Хіямзат, Буйрала бяхілизи гачбикіуси диркъбикличи дураулхъули.

Илхіели чебаібси суратли ил тамашавиахъуб. Буйрала бяхіла удир, лацван ташкадизурти шурмачи хіеррікіули, чехъери рурси лерри. Тіерхъара гъакібірули, ил рургъес даймриублири. Шурмала гъярца къасиличиб, ласбяхъес мер хіебургули, лихібира даткали, бухъна Гежа кіайбизурлири. Нагагъладан урухбуибли ил вяшбухъалри, бархъли къадала кабикес асувири.

– Буэн илаб, нуни абуцили кабатайчи!

– Күмекбаришав? – хъарбаиб Хіямзатли рурсила къакъла Гелав дакіуухъи.

Хіялиммат уркірухъун. Ласряхъили, хабарагарли илав дакіуухъунси жагъилличи кіайризур. Селра жаваб чархібірули, иличи ибкъи хіерризур.

Хіямзатла хіерра ваңала ил исбагъичи атпунсигъуна сабри: "Ил къугъаси издаг чинарад ракібси? Сен нуни гъалар чехіераибси? Журуга диштіати дяхіличир севан ухулил илала, ціяб дуги закирти урмачи мешути, ціудара хъарагъунти хіулби? Арға маркалиур гъарғдиубти вавнала кіапри-кіунтіби? Иличир дурдибити зибкъи диалра, хіекъи далдикили сари. Хіятта къукъуби гъардақіес хіядурси пача-Чянкіила шалбарра бархли... Гъазагала мулкличир илгъуна хіурулғіян рургар или гъанхібірки. Я урухриубсигъуна ахіен. Хіеръагу, секъядә набчи вякъризурл哩? Дила михъирлизибад ургиливан тіярхъибатес дигусигъуна сари..."

- ХIу нуни вагъурри, – ахирра чатIали вичIиръалагъуна тIама дурабатур ХIялиматли.
- Ну вагъес сен-сен риубсири?
 - ХIямзат. Гъазагала талхъа урши ахIен riv?
 - Сайра.
 - Гъанбикахъа Кумсиятла мекъ... ЦурмигIя махъи...
 - Гъамадли гъанбикахъиша ТIалхIятра Кумсиятра, амма хIу илар чехIераири.
 - Черас хIечил рапх "Гъабагъ" кайсуси ну хIериши?
 - ХIу чи сарри? Хала хIеркIла вацIализирси сихIрукъя хIериши?
 - СихIрукъя нугъуна дурдити палтарла регI рирару гъари?
 - Дурдитив гъатIи? Нуни чедиути архIяла диалли?
- ХIялимат ахъли дукарряхIиб.
- ХIела макрула гъайли ну риргIяxIериргура.
 - ХIу иша чина ракIибсири? ИкI гIежара хIела биэс?
 - Дила саби, ихди шурмау кадацIибирира дила гIежни сари, – рурсили тIерхъа къадализи бяxIчиаиб.
 - Дукикъяна – вацIала издаг раланри?
 - Сарпа, дукикъяна сарпа.
 - У агарси рурси Хала хIеркIличир лерни хIебагъурра.
 - Дила у хIед се бирулри?
 - Дила хIуни балухIели...
 - ХIу хIелуси чи лева? Талхъунти нушачиб бахъал лебли хIебиэс?
 - ХIугъуна къуймурти-декIар бахъал лебу?
- ХIялиматли, циила урузиубли, бекI гIяшбуциб.
- Къуймурти хIушала Гъазагала чехъерти саби.
 - Бургар, амма нуни чехIебиути... ХIура закирад карацIибси хIерургуд къалли?
 - АхIенра. Ит Дибга гIая чебиултив? – ХIялиматли, ласряхъили, бяxIчили чебиуси, шурмала къукъличибси чIакала пукъагъуна гIая чебаахъиб.
 - Гъанна аргъира... Аммаки наб гъанхIебирки, Дибга гIяялизибири рурсбас уми хIедирхъули сари или.
 - ХIябилра дахъдагъ леври. ХIялимат сарпа ну.
 - Юх, ил хIела бархъси у ахIен.
 - Сен или викIулри? Нуни къунби хIедалас.
 - СенахIенну виштIахIели набзи, умала мягIнуби дурули, нешли бурибсири, ХIялимат ибси хIялимси, малхIямси ибси бильни. ХIела у биалли хIечи мешуси ахIен.
 - Сен гъатIи?
 - ХIу я малхIямси я урузкIусигъуна ахIенри.
 - УрузкIес нешла хъар хIевализи расунси риштIаган хIериши?
 - Илра бархъси саби: иши гъараҳъли, Буйрала бяxIлизи, дуки ракIили риадли...
 - Дуки къалли гъар бархIи рашусира.
 - Гъалар чехIераири. УруххIекIултив?

- Чизирад?
- Чизирад ахIенну, селизирад рикIен. ИшаркIун синкби, буцIи къаршидиркули дирап.
- Гъачамалра къаршихIедикиб.
- ГIурра мадикаб хIед, вацIала издаг ХIялимат.
- Баркалла. Талхъа урши гIаяркъяна ургар или гъанхIебирки...
- Халати гIаяркъянадеш лерли хIедиэ? Ца иш цайба саби ишбархIи бикибси, - илини ириличиб жибжирбухъунси арцан чебаахъиб.
- ДугIла мицираг кадуршес хIела гъирадулхъулив гъари?
- БекIлил ахIен, амма цайбала хинкI бизиси бира.
- ХIед нуни ца гIежа пешкешбири, эгер арцанти гIур кахIедуршадли.
- Илгъуна вягIдаличи ну разилира, вацIала издаг. Асубирану хIечи гъамиэ?
- Се барес?
- ХIу гIяхIилван чераэс.
- Вайси пикриличил гъаммайруд! Талхъа урши виъниличи хIерхIерикIус!
- ХIялиматли, тIерхъа чебиахъули, ахъбуциб.
- Ну вайнукъя ахIенра, – илира или, ХIямзат рурсиличи гъамиуб.
- ХIялимат сенрира ца ганзла гIелархI хихриуб.
- УрухмакIуд, ХIялимат, ну къацIбашуси бецI ахIенра.
- Нуни уршбала гъай далути сари.
- Вирхулра: хIу итира урхIемешуахIенси дубурлан рурси сарри.
- Или ибси се ибси?
- УруххIекIуси... ЦархIилти рурсбани, декIализи дяхIра дигIяндарили, уршбази хIябал дев хIедуру.
- Гъазагаб "хIябал дев хIедурути" хIела бургар?
- Гъанна бурри! Набчи чи мяштIриэса? – ХIямзатли, балу-балули хIяна дигIянбирули, ляжиличи хъят чебуциб.
- ХIела ляжи виштиахIели бяхъибси бургар?
- Бургар, наб гъанхIебиркур.
- ГъатIи нешли хIебурибу?
- ХIебуриб... Нуни хъарбаибси ахIен.
- Тамаша.
- Тамаша ахIен, хIейгахъис набра набзибси жагъал чебаэс.
- Ил жагъал цахси ахIен...
- Илдала лякъирлис ургабулхъули, шурмачи абацIибси гIежали, нура ишаб лебсирану, набчилара хъуммартидая бикIухIеливан, ахъли "ме-е-е" иб.
- ХIялимат иличи шуррояхъиб, гIур илини иб:
- Дила хIечил хабурта ругъес замана агара... ЧехIебиииду, ил байтарман шурмачибад кабицIули ахIен.
- БусягIят, – иб ХIямзатли, тавара, урги-дергара, кIинайс биалли, пикри-пикриухъи, ири-ханжалра арзили, ванзаличи кадирхъули. ГIур гъинтаван кункли дуцIухъи, илини шури алабарииб, гъалли бехIличив дакIуухъун.
- ХIялимат, хIу ца мерличир руэн, гIежа урухмабирид... Нуни ил лебси къасиличи кавхъес къасбири.
- Эй, урши! ХIу меhIурлирив гъари? Илди шурмачи кацIес лебу?

– Леб. Селра хIебирап...

ХIямзат, шурмазирти байла къадуби дурцули, удивял кайцес вехIихъиб. Къашмаурад рах-магли датдукъунти къаркъуби гердулхъулри. Глежара, иличи халати хIулбира вякъали, удибад хIербикIулри. ХIялиматла биалли уркIи тIашбизес хIядурлири: "Ца бухъна глежа багъандан, талхъа дурхIя шурмачивад кайкалли, нуни се бируси? Я се барес рируса цIуръа рурсили?"

Вахъхи-декIар кахIелун ХIямзат глежачи ваэс. Калунси – някъ гъабатес ва илала хъябличирити дукъяни гъез дуцес сабри. "Мукукуририлра лерти диалри... Ну хъямикайчи урухалра хIебиалри ил вайберх!" - викIулри ил.

Глежа, сунес күмекличи адам музухъни багъурхIеливан, вяшIебухъун. ХIера, ХIямзат хъямикун ва алгъай някъли глежала хъябличирити гъез дуциб. Балуй някъли байла сурдукъунти къялуби дурцули, пялхъярбикIахъули шурмачибад глежа лагбяхI хъусбариб.

"Гъуя, ну сен ишар аькаряхъибсира?!" – ХIялиматра, тяп ХIямзатливан шурмира алавдарили, Буйрала бяхIла чеди дуцIрухъун. Ил раибхIейс, ХIямзат бехIличи гъамиублири.

– Ма, тIерхъа буца! – иб ХIялиматли, тIерхъа илис гъабалтули.

Шурмала бекIличи дуравхъунси ва гъеркличиикибси ХIямзатли глежа батаиб, сайра къукъличи геркавхъун. ИлхIели къакъаракIибси ХIялиматли, сунес хабарра агарли, уршила дулай някъ кIелра някъли цIацIабариб: рахли ил шурмачивад глелавяхI герухъесгу или, урухриубсигъуна сарри.

– Вай, аллагъ, хамха руржули лебал. ГIягIинили бурги хIед...

(Хъарахъуд бирап)



Жодилей



Патимат
ВЯХИДОВА

ДИГИ ИЛДИГЪУНТИ ДИРУТИ САРИ...

Дила нешли хъалибargла духIнар алкIути ва кадиркути тIягIямагарти аваралис ва имцIати гъай-мезлис гъайбла регIлизи мурталра хъунул адам халрирусири. Нуша лерилра илини гъачамра дебали тамашадиахъубтири, сунела рурсбазирад цали муруй сунечи някъ ахъбуциб или бурибIели. Илис нешли ишгъуна жаваб бедиб:

– Гъайгъай, илини ил барес гъайгъиси ахIенри, амма ил бетаънилис гъайиб xIечибра леб. Аргъа ва xIечибси гъайиб селизib сабил белгибара. XIерли кахIериили, акIубси тIягIямагарси аги гъунчибушести тяхIяр-къайда далдуца, сенкIун гIур къанни биар.

– Се рикIулри гъари xIу, неш?! Илини набчи някъ ахъбуцили сай, хIуни биалли ну гъайиблизи рургулра, – разиагардеш дагъахъур рурсили.

Нешли къалабахIерикIули, малхIямли гъайрикIули, сунела рурсилизи ил гъайиб селизib сабил дурусли аргъахъиб:

– Илис асухIебири xIечи някъ ахъбуцес, сенкIун xIу илала дурхIнала неш сарри. Лявлис пайдалабиуси някъли бяхъес асубиуси ахIен. Ил барни xIела мурда бунағы саби, xIебиалли иличила ахIен xIед пикририкIес ва къакъарикIес гъайгъиси. Илизи илгъуна баркъуди сели баражъибал багъес къасбара. Гъарил мурул адамлизизир цазаманализизир малхIямдешра къяркъдешра минадиубли дирути сари. Муруйизиб илдазибад чидил гъалаб чебсаргъурал хъунуйизибад дигахъуси саби. Къасбиреная xIушала муйлазиб малхIямдеш чебиргъахъес. Муруйизиб къяркъдеш чебиргъули xIясиббарибIели, xIушани итмадан ил малхIямси ветаахъес къасбиреная. XIебиалли xIунира муруйизиб къяркъдеш чебаргъахъили руилри. Аги-къайда дарсдиахъес къасбара.

Камси замана лехIкахъили гIергъи, нешли гIурра имцIабариб: эгер гъарил сунела хатIабачила пикриикIуси виалри ва илди гъардарес къасбируси виалри, гъар секIал ункъли дирутири. Сен адамти урхIлизирти вайти лишанти xIисабдирес къалабабикIути, чузир лерти дагъес къасхIебибули? ГъимуркIни дебали вайси къиликъ саби, илини саби хаслира гъамадли къяркъдеш алкIахъути. Илини сай адам бархъси гъуйчивад чевулкIахъуси ва бунағуни дирахъес вяхIчиуси.

— Неш, хIед дудешли гъачамалра дяхъибу? — хъарбаира нушани, илини се бурул багъес дигули.

— Юх, гъачамалра илгъуна хIебиуб... гъачам някъ ахъбуцибу, амма баҳъес хIейуб.

Нешли бурибси ил хабар наб мурталра гъанбиркур. Дудеш сунела жагъил хъунуйчил дебали малхIямли вирусири ва ил дигахъусири. ВиштIаси дурхIяван ил лявриусири. Халатигъунти узби биалли, хъунуйчил илгъунали чейухIели, иличи къяскабиристи. Хъуна узби булан илизи бикIутири, хъунуйчил илкъаяда малхIямли вирес асубиуси ахIен, къяркъдешра чедиахъес ГIягIинити сари, цархIилван ил хIела бекIличи арицIур ва илар риаркариар. Амма илдала гъайличи ил лехIихъуси ахIенри. Илини хъунуйс савгъатуни исутири, иличиш ихтилатикIули замана буркIусири. ЦархIилти хъунрира нешлини къяскабиристи, илис малхIямси мурул къадарийни бағандан, илизи чула муйлашила ГIярзбикIутири. Хъулиби лебтасалра ГIяхIулариэс къайгъилизир риаллира, илди муруйзи ГIярзбикIутири. Хъунул адамтала шайзирадти ГIярзъала анцIдукунхIели, илдан дурутачи вирхаурли-мага вииши, илини хъунуйчи някъ ахъбуцисири, хIятта иличи сунени балуси сегъуналра ГIяиб агарли биаллира. Неш, гъанагарси баркъуди хIясибарили, ГеларяхI гъакIриуб ва къашмачир тIашли калес бажардихIерикибхIели, чIябарличи геризур. Амма илис карирукхIели гъанбикеб, сунечи гъакIбарибси мурал някъ гъалабан дурабухъунсири ва изули калунсири. Нешли сунес гъакIбарибси някъ буциб ва иб: «Дила ахIер, бирхъули виадли, хIуни итил някъли бяхъя, хIела изуси някъ мяхIкамбара. Ил гъатIира изес асубиарну». ИлхIели неш сунес децIагниличила яра муруйчи гъимрукIниличила пикририкIули ахIенри, хIятта сари карикибхIелира, хъуцIари изиаур биаллира. ИлхIелира ил муруйчила пикририкIули сари, илис илала някъ изиаурли дигули ахIенри... диги илдигъунти дирути сари...

ЧЕБЛА

Къакъалабад шалгIеббулхъути адамта чебаиб, секъядали жагъил адамли ухънавали арадешлизивад нукъсаникибси гъести ГIямрула адам бяхъили кайкахъибал. Камси гъалавван ил ухъна галгаличи хъарихъи тIашли левалри ва жагъил адамличил селичиларил гъайкайкIутири. Хабарагарли жагъилли ухънас бяхъиб, ва ил ванзаличи гъятIиахъуб. Клинайс ашкарбиуб илди дудешра уршира биъни. Гъести ГIямруличи айкибси дудешлизирад уршили сунес держ асес арц тIалабдирули уилри. Арц дедес къабулхIейкибхIели, уршили илис илгъуна танбихI бариили уилри. Ухъна къутIкъули висикайиб.

Илдала ургаб кабикибси анцIбукулис бикърили бетауртазивад ца жагъил адам ухъначи гъамиуб ва сегъуна кумек баришав или хъарбаиб. Ухънани жаваб бедиб, селра барес хIяжатли ахIен, гъар секIал ГIягIиниси тяхIярли кадиркули сари или. Уршили наб чебла сабри чарбарибси. ГIур ил ухънани буриб, секъядали шуцIали дус гъалаб баягъи ил мерличиб сунена дудешлисра бяхъибсирил, танбаку асаҳъес арц дедес къабулхIейкибхIели.

Ухъначи уркIецIидухъунси жагъил адамли бамсриахъес ва паргъатиэс илабси галгала дяхIилю кайахъес маслигIятбариб. Ухънани бекI гъакI-гъакIбариб, илини аргъахъиб ил галгала уди кайэс ва бамсриахъес сунела ихтияр гъаннала Гергъи агарси биъниличила, сенкIун ил галга шуцIали

дус гъалаб сунезибад кабикибси усал баркъудила бикърили калунсири. Галгали илизибад кабикибси бунағ чебаибсири. ИшбархIи галга ил бунағь багъандан сунес бариси танbihIла бикърилира бетаурлири. ИлхIели ухъначи уркIецидухъунси жагъилли илис сунела хъули ваахъес кумекбарес къасбариб.

– Юх, – викIар ухъна, – Дила юрт гъараҳъли саби. Ну хурали илизи чарулхъас. ШуцIали дус гъалав дила дудешра илкъаяда чарухъунсири. Тяп ишбархIи набчибсигъуна хIяйзив, урузиубси, цахиубси ва мурхъли пикриухъунси. Ну гъала-гъала хIябрази аркъяс ва дудешла хIяблишиб «Ясин» бучIас ...

НЕШЛА ДУРХЪАДЕШ

Динна тIалабуни хIясибли дурхIнас багъали гъигъ абатниличилра бегIтачи разиагардеш балахъес асубиуруси ахIен. Къудратла ВегIли дурхIначи хъарбирули сай бегIти къайгъили алабурцахъес ва илди багъандан ишгъуна балга бирахъес: «Дила Аллагъ, хIуни илдачи уркIеци бара, сенкIун ну илдани айкуурсира виштIали вирухIейчивад».

ХIядисуназибра бурили саби бегIтала хIурматбирнила халаси къадриличила, сегъунти сабабти хъулчилидиублихъалли, бегIтачи лехIихънилизибад гIелумхIебилзахъес дурхIни маҳбирули саби. ХIядисунала цализib бурили саби, бегIтала хIурматхIебиуруси дурхIя алжанализи атхIейцIур или, сунени гIямрулизир сесад дахъал цархIилти гIяхIдешуни дарилхъаллира. Илала дурабадра, цархIил хIядислизиб бурили саби, бегIти сунечи къабулли калунси дурхIяла гъалар алжанала къапу гъаргдирути сари, къабулли кахIелунтала гъалар – жагъаннабла къапу или.

Бурули саби, Аллагъла Расулличи гъачам пулан адам вакIили уили сай сунес Аллагъла шайзибад шабагъат касес дигуси. Илини чейсули уили сай ЧевяxIсила гъуни багъандан ургъес хъя барес. Амма Аллагъла Расул илис жаваб бедес къалабахIейкиб ва илизи хъарбаиб: «ХIела бегIазивад цалра мицIирли левалу? «ГIе, илди кIелра мицIирли саби», – викIули сай ил адам. Аллагъла Расулли гIурра хъарбаили сай: «ХIед Аллагъла шайзибад шабагъат сархес дигулрив?» Ил адамли дигули виъни марбарили сай. Аллагъла Расул илхIели илизи викIули сай: «ХIебиалли хIу чарухъен, хIела бегIтас гIяхIдешуни дирен!»

ЦархIил айтута леб, сунезибра пулан адам Аллагъла Расулличи «Адамтазибад чила имцIали хIурмат сархес лайкъисив?» или, дугъайзурси виъниличила буруси. Идбагли жаваб бедили сай: «ХIела нешла». Адамлис багъес дигули ахъили саби гIур чила илгъуна хIурмат барес гIагIисил. «ХIела нешла», – тикрарбарили сай Идбагли. Ил адамли хIайнайсра илгъуна суал бедили сай. «ХIела нешла», – викIули сай идбаг илхIелира. Адамли суал авнайсра тикрарбарили сай. ИлхIели идбагли бурили сай: «ХIела дудешла» или.

Ил пергер хIядислизибра Аллагъла Расулли иргъахъули сай нешла хIурмат дудешлайчибра имцIали бирес гIагIиси биъни. Къуръанни дурхIнала рухIлизиб бегIтала хIурмат бирахъниличила бурухIели, хасси пикри бяxIчиюли саби дурхIнала гъалар нешла халати къуллукъуни лерли дильниличи. Илини сайгу дурхIя сунела канилав вихуси ва михъирли валхуси.

Канилав дурхIя вихухIели ва ил михъирли валхухIели нешли сунечи чекайсути къиян-жапаличилла Дурхъаси Къуръаннлизиб тIинтIли бурили саби.

Чевях^Iси Къудратла Вег^Iли чула дурх^Iни дигахъути нешанала урк^Iби ак^Iахъубли сай ва Аллагъли нешанала урк^Iбази чула дурх^Iначи диги кадихъили сай, илди диги багъандан нешанани чула дурх^Iназибад сегъуналра багъа т^Iалаббирули ах^Iен писихологунани бурни х^Iясиблира, нешлизирти чула дурх^Iначи дигили дурх^Iнас г^Iямрула дек^Iлар-дек^Iларти манзилтазиб кумекбирули саби или. Нешла беб^Iкали адамла рух^Iлизир лерилра г^Iямрулис къут^Iкъути къел г^Iелар далтули сари. Нуши ак^Iахъубсили Дурхъаси Къуръанизибра Аллагъла Расулли сунела суннализибра нешла малх^Iямси урк^Iила х^Iурмат бирахъес аманатбирули саби.

Цацабех^I адамтани саби халабаибх^Iели чула бег^Iтас баарила къадар къуллукъириес г^Iяг^Iнили биъниличила хъумуртули саби ва ил бирнилизибад г^Iелумбиззули саби. Дурх^Iни абикъес дахъал цакъани харждарибити чум нешли чула дурх^Iни г^Iур г^Iямрулизиб байрутала бурх^Iназибцуун чебиули? Цацабех^I дурх^Iнани биалли нешла аги-х^Iял сегъунти сарил багъес телефонизирад илдачи зангъдяхъясалра балули ах^Iен, илди лебниличила хъумуртули саби. Нешани бухънабаили биъниличила илдас пикрибухъес гъанбиркули ах^Iен.

Къудратла Вег^I Аллагъли Муса Идбаглизи ибсири: «Чили бег^Iтала х^Iурмат бирули биаллира, Нуши илдас г^Iямру духъяндилт^Iахъис ва илдас чула х^Iурматириес балути дурх^Iни бедлугас. Чула бег^Iтачи лех^Iх^Iейхъутала биалли г^Iямрула бурх^Iни къант^Iидирис ва чучи лех^Iх^Iейхъути дурх^Iни бедлугас», идбагла икъалачи Ибн Г^Iяббаслизи хъарбаили саби: «Г^Iярафала адамти чихъали сабив?» Илини жаваб бедили сай: «Г^Iярафа – Жагъаннаблара алжаналара ургабси дубура саби. Иличиб я галга агара, агара я г^Iиниз, х^Iерк^Iира агара. Иличибити адамти Аллагъла гъуйчиб беб^Iибти адамти саби, илди чучи чула бег^Iти разиагарли калунти дурх^Iни саби, илбагъандан илди алжанализи букъес бирули ах^Iен. Амма Аллагъла Г^Iуйчибад башули беб^Iибти биъни багъандан илди жагъаннаблизи баэсра бирули ах^Iен. Аллагъли чула къисмат арзайчи илди илаб кавлути саби».

НЕШ ЧЕРРЕХНИ

Ишаб мисаллис бурес дигулра, се бетаурисирил Алкамат бик^Iуси адамличил.

Идбагла замана х^Iерирули уили сай дебали динники чекайзурси, дубурцуси, дахъал дех^Iибулти дируси ва царх^Iилти динна г^Iядатуни дузахъуси Алкамат бик^Iуси адам. Ахирия илала беб^Iкала сягъят сабаили саби ва хъунул идбагличи дугъаризурли сари муруйзи шагъадат белч^Iахъес маҳараҳъес адамти бархъахъес. Веб^Iлес г^Iалаб ил белч^Iунси сунени сай итил дунъялизив жагъаннабла цализивад мях^Iкамируси виъниличила лебтанилра балуси саби. Идбагли сунечи гъамти х^Iябал адам бархъили сай Алкаматличи ва илди маҳбик^Iули саби чус г^Iергъи илизи шагъадатла дугъби тикрардаҳъес, амма уб^Iк^Iуси Алкаматла лезми вяшбулхъули ах^Iенри, ил сели-сабил т^Iашаибх^Iеливан. Идбагла адамти г^Iелабях^I чарбиубли саби, се баралли г^Iях^Iисил хъарбаэс. Илх^Iели идбагли илдази хъарбаили сай: «Илала бег^Iти тебе?»

– Г^Iе, теб. Илала рухънараиси неш миц^Iирли сари, – бик^Iули саби илди.

Идбагли хъарбаили сай, рибули риалли, ил сунечи рак^Iахъес, х^Iерирули риалли, сай иличи музавхъес вяг^Iдалавиубли сай. Рак^Iили сари Алкаматла неш идбагличи. Уршиличила хъарбаибх^Iели, ил рик^Iули сари уршиличи

ПясирикIулра сунечи лехIxIейхъни багъандан или. Ил сунела хънуй уили сай нешличи лехIxIейхъаъес гъирирусира.

– ХIера сели буилил илала лезми буцибси, – викIули сай идбаг ва иличи дугъайзурли сай, сунела уршиличирад черрерхахъес. Хънул адамли бурили сари, уршили сунес дебали децIагахъни багъандан черкарерхес Гядабли саби или. ИлхIели идбагли хъарбаили сай биубцад дахъал урцул дучахъес.

– Се дирути урцул? – хъарбаили сари нешли.

– Наб дигулра Алкамат цIализив вигес.

Кахриубси неш хIяйзирикили рикIули сари:

– Дила хIулбала гъалав урши цIализив вигахъес рирусу гъатIи нуни?

– Жагъаннабла цIакIун гъатIира цIакъси саби, – бикIули саби илизи.

ИлхIели лебилра хIербикIахъули неш уршиличирад черкарерхурли сари. Илала гIергъицун виубли сай убкIуси илала уршили шагъадатла дугъби дурес – Аллагъ ца виъни ва МухIяммад идбаг илала вакил виъни марбарес.

ДурхIини бегIтала шайзидадси гъарил тIалабличи мутIигIтили биэс ГягIнити саби, чIянкIли илдала тIалаб Къдратла ВегIла хъарбарьуначи къаршили дурабулхъули хIебиалли. ДурхIини бегIтас гъалаб башес ГягIнити ахIен, мякълаб бирес чебиркур. БегIтала пурбан агарли чина-биялра букеес илдас асубирузи ахIен, бегIтази селра уркъбирхъес асубирузи ахIен. Илди Аллагълизи булгес ГягIнити саби, чула бегIтачи уркIеци бирахъес, илди багъандан садакъа буртIес чебиркур, бегIтала гъамтачилти ва гъалмагъуначилти бархбасуни къябудахъес асубирузи ахIен.

ДурхIини бегIтачи лехIxIейхъни ва чула баркь-бацличил илдас децIагахъни бусурман адамлис бегIлара декIси бунагъуназибад цализи халбирузи саби.



ДЕРКИИБТИ ДУСМИ – РУХІЛА БЕТУЦ САРИ...

(Очерк)

*Гъямрулис гъяхъти сари
Илхъели викъес вирар,
Бухъянси гъуни рухъли
Къабулли чебиали,
Ардякъунти бурхъначи
Хъу разили каладли,
Урузхъекъули хъуни
Пахрубирес рирадли...*

Фазу ГІЯЛИЕВА

Юбилей... Се саби ил? Ахъибси гъямрула гъуни умцуси хъябагъри, хъуни дарибтас къимат бедес замана баиси ваҳт, алавачарси дунъялизиб хъуни бурцуси мер баянбарес пикриулхъуси ва ганз багълабарили гъелавяхI хъерилзуси ахъдеш сабив ил? Ил, гъай агарли, байрамра саби хъу дунъялизив левни балахъуси, амма дусми ардашухъели, адамлизир пашманти пикрумира алкъули сари, сенкъун гъямрула хъерклилизив куртликъухъели гъарбизуначил варх хъу даҳъал детахълумачира вяхъигули кавлудри. Гъарилли замана сунеласун къиматлабибули сай, сенкъун гъариллис ил сунела уркъилис гъамси мягънали бухъинабицъили бирав. Гъалмагъунира гъамтира хъяжатбикибхъели къакъбяхъес вируси хъулчили бетаури саби, барх бузули калунтира хъед хъалибаргван кабилзули саби, балу-бирхутачилти бархбасуни умутчerti детаури сари. Хъела имцъасигъуна замана дурхъначира илдашибад акъубтачира пикририкъули ва кахъедурхути зугълуми бекъдирнилис харжбиурдри. Тамаша саби, адамла гъямрулизир къел цагъунти бархъи къаршидирикули ахъенгу! Дуги-хъериван, гъяхъира вайра дашули сари. Хъу цадаҳъал секъал дагъес валкъаурлири гъямрулизив, амма дагъурти гъурра камли диъни иргъулдри. Илбагъандан дургехъе нуша алавачарси дунъяличи карцъли кавлуди, илала сагати рангани чедиути, илбагъандан бургар гъямрула гъарил бархъили нушаб разидеш бихуси. Хъу гъачамличив гъачам Къудратла вегъла пасихъидесличи тамашаирлудри...

Дахадаевла районнизибси Дейбукъла ши – нушала ралликъяна Патимат Хъяжиевна Вяхъидова акъубси ши саби. Илала дудеш Мягъяммад Хъяжиев районнизивцун ахъенну, илала дуравра баҳъли валуси хъурматла адам сайри. Патиматли дудешлизирад даҳъал секъал гъерасиб, илди илис лерилра гъямрулизир икъаладириулира сари. Патиматлис дудеш гъар секъайзив гъибратли вирусири. Гъямрула бегъла гъергъиси бархъиличи бикайчи ил сунела гъамтациван лебилра жамигъяличира пикриикъули, илдас къуллукъличи кайзурли хъериуб.. Патиматла неш Гъайшат биалли дебали паргъатси, малхъямси, сабурличил декъаррулхъуси хъунул адам сарри. Илини рурсилара рухъ шаладариб, илдази иман минабиахъуб. Нешлизирад сарри ил рирхуси

ретаурси, сегъуналра анцібукулизир Аллагъяла ряхіму-уркіецілицила хъумхіертуси ретаурси. Нешла рухі разидарес къасли Патіматли 2005-ибил дуслизиб гъарил бусурманнис уркілис дурхъаси зиярат баріб – Хіяжли рякъун. Ил зияратла замана иличил барх къаршибикиби хіяжликъянаби гъаннара ил жапаси архіяличир чус урагигули кални багъандан Патіматлис балгни дирули лебал. Ил дурхъаси архіяличиб лебти гъести Гіямрула адамтас хіерамсурли күмекирилу калунсири.

...Гъар секіл дағьес къасли алакараси дунъяличи сакіубти хіулба хіерикіуси риштіаси рурси сунела халал узиличил рарх школализи рашусири. Авал дус сарри ил риубси учительницаны партала Гіела ручіахъес каратурхіели. Шилизир гехіел класс тамандарибхіели, Патіматли ва илала узи Хіяжини Ахъушала районна Усишала урга даражала школализіб белчуди даймбариб. Итхіели илар директорлы ва урус мезлара литератураалара дурсри кадирхъули рузусири Хамис Глябдусаламовна Казиева. Социалист Бузерила Игитла хіурматла уличи лайикърикиби учитель. Гіур ил пачалихъяла жавабла къуллукъуначира рузули калун. Халқыли халаси хіурмат бируси политикала хіяракатчыра ретаур. Патіматли ва илала хъалибаргли Казиевачил кадизурти гъалмагъдеш гъатпира уржахъиб.

Патімат Вяхідовани веңіну шура дусла Гіямруличиб урга даражала школа таманбариб, ручіра ил ункъыли ручіусири. Дағыиста пединститутлизи карерхур. Факультетлизир Гіяхітигъунти студентунала лугілизыр рирузусири. Жамигіятла Гіямрулизирра жигарла бутікъяндеш дирниличил декілархъун. Барх бучули калунтани гъаннара илизи гъанбуршули бирав, секъядали ил ункъыли ручіес бажардирикүсірил, илала бугаси Гіякъуличи тамашабирудирил. Ил сарерхұрсы ва се-дигара барес бажардирикүсі организаторра сарри. Тімара жагаси сабри илала. Се балбұталра, бетерхахъес бажардирикүсіри. Ил комсоргли рикіб. Институтлизир профкомла членра сарри.

Школализир ручіули лералли, сунела шан жагыл учитель Гіядулла Вяхідовли иличи пикри бяхічиаиб. Патімат институтла хіябъиbil курслизир ручіулри илди хъаллабирихіели. Институт таманбирахіели, ил кіел дурхіяла неш сарри.

Патімат дипломличил сары акіубси Дейбукілизи чаррухъун ва школализир урус ва дарган мезла дурсри кадирхъес рехірихъиб. Дурхіназир литератураличи диги адилкүсіра ил сарри.

Мурул адамтани дарес хіебируди хіянчи булан илини гъамадли бекідірусири. Жагыл хіянчизарли шила халқыла ургаб жаявли хіурмат сархіб. Илбагъандан сарри ил шила Советлизи депутатли рикібси ва багъудилара арадеш балтахъилара шайчибси комиссияла бекіла хіянчи иличи хъардарибти. Илхіелира жамигіятла шайзибадси гъарил хъарбарь бетерхахъес бажардирикүсі, тамашали сарерхұрсы илини халқыла шайзибад сунечи бирхауди сархіб. Чумал дусла Гіергъи ил шила Советла исполкомла председательли рикіб.

Шила адамтани гъаннара бурули бирав ил жагыл хъунул адамлизирти жигарчедешличила, адамтас икъалариэс къайгъначила. Дубурла шилизир бекідеш дирули рузес буресцад гъамадсі ахіен. Итхіели къалли хаслира. Шила Советлис бекідеш дируси ил дебали жапаси, амма дебали мягіничебси мастьала арзес ралризур. Дубуртазибыши диркъаличи гечниахъес къасбариб.

Гайгъай, диркъаличи гечбиэс лебилра абалки ахъенри. Илис диргалабулхъути булан лебри. Районна цархылти шимазибра диркъаличи гечбирнила сувалти итхъели дугали ахъдурцулри. Амма районнис бекъдеш дирутас булан ил масъалализиб бузес гъамадли ахъенри.

Патиматличи адамти бирхулри, илбагъандан илис къиянти сувалтазир рузесра имканбикъулри. Иличи къаршили кабизурти булан багъарбиуб итхъели, амма ил гъеррурцути гъатыра баҳъал сабри. Иличи Гъярзбикъути булан биуб. Сагаси баркъудиличи къаршили дурабулхъути ва гъар тяхъярли диргалабулхъути мурталра бирити саби, сенкъун Гъяхъиси секъалра цацахъели баҳъли хъергъути ва къабулхъебирути бирар. Амма Патимат ши диркъаличи гечбиахъес бажардирикиб.

Итхъели шилизибси школала директорли узуси илала мурул Гъядулла Махъяммадович литература дебали дигуси адам сайри. Ил аспираттурализи учес керхур ва гур хъалибаргличил Махъячъкалализи гечиуб.

Пагъумчевси адам чинавалра ветхъейхъур. 1978 ибил дусличирад Патимат Хъяжиевна дарган мезли дурабулхъуси «Дагъиста хъунул адам» журналла редактор ретаур. Хъябал дурхъяла нешли хъалибаргла масъултира чилиничиралра вайтъа далули ахъенри, хъунул адамтала мурадунира далулри, илди илис гъамтира сарри. Илини журналла буччантачилти бархбасунира гъалмагъдешра гъатыра уржакъиб. Журнал буччанти имълабиуб. Гъяхъицад лукъес бирити адамти журналличил гъалмагъбикахъиб. Илдала белкъани журналлизир дурайи, ил шайчир илцад халати имканти агарли диалра, сенкъун даҳъал мезаначил дурайули хъалли, дубляж биъни багъандан гъарил номерлизир кадирхъути цадехъ белкъани дираар. Ил райнтази рашар, журналла буччантачил гъунириур, илдас сегъунти белкъани имълали дигулил белгибуру. Дарган мезли назмурти ва хабурти лукъути жагъилтас ил хаслира имълали урагибури рирап. Сари Патимат Вяхъидовара журналла жигарчебти автортазирад ца сари, редакторцун ахъенну. Илини республикализирти дурхъиала интернаначила, дурхъиала юрганачила даҳъал белкъани хъядурдариб ва дураиб. Къаннинан, илди цаҳинадяхъили, ца жузлизир дураиб.

Хъянчила сагаси мерличиб хъурмат сархес илцад гъамадси ахъен. Патимат Хъяжиевнани балликъянабала уркъбази жявли гъуни баргиб. Ил лебтасалра хъяжатси ретаур. Бузыриличи дигиличи декъаррулхъуси ил камси заманала гъергъи журналла редакциялизиси партийная организацияялис бекъдеш дирули. Патимат Вяхъидовала бузырила шайчирти устадешра хъял-табигъятла пергер къиликъунира журналла бекъ редактор, лебилра дунъяличир машгъурси поэт ва рамсни хъебалуси жамигъятла-политикала хъяракатчи Фазу Гъалиевани ахъли къиматладирузири. Илини бекъ редакторла заместитель ретаахъес чуйнал гъалабихъиб, амма Патимат Хъяжиевна ил барес къабулхъерикиб. Илини дарган мезли дурабулхъуси журналлис бекъдеш дирни гъатыра мягъичебисилизи халбирулри.

Хъунул адамтала дарган мезли дурабулхъуси журналлис илини авълали дусличир имълали бекъдеш дирули сари. «Дубурлан хъунул адам» журналла хъянчизартала коллективра дебали уржибси саби, декъар-декъарти миллатунала вакилти биъниличи хъерхъеили, илди ца хъалибаргван хъербирули ва бузули саби. Илбагъандан саби илдала журнал илкъийда белчъес иштхъидухъеси бетаруси. Гъарилла сунес имълали Гъяхъидилзути темаби лер. Гъалаб журнала

редакция Горькийла уличилсі къакъализіб би russe. Гергъити гІяхІцад дусмазиб ил печатьла Юртлизиб мерлабиубы саби, илхІелира веңІыбил дярхІличиб. Редакциялизиб гъараҳыти шимазибад бакІибти булан гІахІли чебаэс вирап. Журнал биранталара ил бучанталара ургарти бархбасуны даймдиубы сари. Журнал дурайэс къиянбулхъуси заманара илди бархбасуны къябдердібти ахІенри. Фазу Хіямзатовнані журналра илизиб бузути хІянчизартира мурталра къайгъили алабурцутири.

Патімат Хіяжievнала мурул Гіядулла Махіаммадович машгүурси Пялим – литература руркъян сайри. Бахъли ил критик сайливан вала, амма ил пергер писательра сайри. Илини хабуртира, повестунира, чумал романра делкіун. Бучантаны илди разили къабулра дарыб. Филологияла Гілмуртала доктор, ДГУ-ла профессор Гіядулла Махіаммадовичи Дагъиста халқанала литература руркънилизи халаси пай кабихъиб. Патімат Хіяжievнані илис сабухъевли узахъес шуртіри Гердурцуси. Ил Гіядулла Махіаммадовичла сай вегіти белкіанала цаибил «критиклира» ри russe, илини сунени буруливан. Гіядулла Махіаммадовичи даргала ва Дагъиста халқанала литература руркънилис багъишладарыбы чумал халати монография делкіун ва декіарлы жузиван дураиб.

Гіядулла Махіаммадович агархІели Патімат Хіяжievнас секъядали Пядаблы сабилра нушани чебиулра. Муруйчила гъай детаалли, илала хІулбазиб гъалаб агарси лямцI булан багъарбирап. Ил сунела хІялани сунезир дихіес балуси адам сари. Илини сунени Гіядулла Махіаммадовиччила се-біалра бурули хІерирап. Патіматгъуна нешра хъунулра, бикіуливан, умцIулира хІерургу.

Илдас хІябал урши акіуб. Илдира чула бегітачи мешути саби: куцбекІлизиб чебаэстра чула буркъудлумазибра. Гіядатла адамтиван хІербиули саби. Илдани я чучи я чула бегітачи дамгъа кабатеси хІебарип, я гІур хІебиру. Илди халаси къуллукъ бикахъес яра давлачеббиэс къасбарибазибад ахІен. Хала бегітала ГіахІтигъунти Гіядатунала дазурбала бухІнаб бяркъличи бикиби дубурланти саби, шагъарлизиб хІербиули биаллира.

Гъану шура дусличир имцIали ил тамашала хъунул адамличил парх рузес къадарбиуси ну илизирити малхІамдешличи, илизирити адамтачи дигиличи, сабурличи, илала жагати хІял-тІабигІятличи гъаннара тамашариули лералра. Гъачамалра иличили къаршиикисили ил хъумхІерту, илкъядай адамтала уркібази гъуни баргес балуси адам сари ил.

Патімат Хіяжievнаныгъунти Гіамру деркіес бикибси адам гъарли-марли ну талихІчевсира викіес вирап. Ил сунела дурхІачибад акіубтас булан хала нешшун ахІенну, марси гъалмагъра пасихІси насихІятчира сари.

Бурули бирап заманали адамти барсбирахъути саби или. Патімат биалли илини парсхІериахъуб. Ил, гъалар къядали, гъаннара бархъдеш дигуси сари, адамти бутІашугти биэс ГіагІнити биъниличи рирхуси сари. Ил алавчарти Гіамруличи авараагарли хІербикІутазирад ахІен. Ил цархІилтас агарти кункдешуни сунес диахъес хъулрикІулилра кахІелун, Гіамрули сунес бедибисличи разиси адам сари.

Илала бухІна дунъя секъядали давлачебси сабил илала творчествоиличил тянишиалли багъес вирап. Ил дахъал белкіанала автор сари, илдазирад имцIатигъунти нушала пергер хъунул адамтас багъишладарыбы сари. Илкъядали илини дурхІнас хасдарыбы ГіахІцад хабурти делкіун ва дураиб.

ВегІли гІяхІил валуси адамличила белкІес гъамадлира бирар цазаманализиб къяннира. ПатІимат Хіяжиевна нуни, селисалра гъалар, цархІилти адамтала уркІби иргъуси, адамлис гІяхІдеш барес бикалли сунес се-биялра дебали халаси секІал бедибХеливан разибирити адамтала лугІилизирад риъни балас. Тамашариус илизиси гІякъуличи, халати адамдешличи. ЧеббикІибси санигІятлира илис разидеш бихули саби. Сунела уркІи цархІилтас бедес хІядурси адамцун виарар илван пикриикІес.

Наб декІарли бурес дигахъира илизирти ряхІму-уркІецичила. Ил гъал дусличирра имцІали риубли сари нушала республикализирти дурхІнала юрганази ва инвалид дурхІнас хасдарибити интернатунази рашули. Ил темалис багъишладарибити илала белкІани ахъли къиматла дарили, ПатІимат Хіяжиевнас республикала журналистунас хасбарибси награда – «Мургъила чАка» бикІуси премия бедиб. Илкъяйдали ил «Дагъиста мургъила перо» бикІуси журналистунала премияличира лайикърикиб. ПатІимат Хіяжиевнас «Дагъистан республикала культурала рурибси хІянчизарла» хIурматла ура бедиб. Ил Россияла ва Дагъиста журналистунала союзунала премиябачилра шабагъатларарибси сари. Илкъяйдали ил Россияла журналистунала Союзла ва писательтала Союзла членра сари.

Писатель ва публицист ПатІимат ВяхІидова румсули ахІен сунела творчество сагати образуначил, сюжетуначил, игитуначил чебирцАхъесра. Сунени касиби гІямрула пасихІти дурсрачила чеабиуси наслулизира илини халати устадешличил бурули сари, ил темалис багъишладарибити илала белкІани урус мезлира дарган мезлира дурадухъун. Ил цархІил адамла децІра сунелаван къабулбирес бурсирибули сари. Иличила балули сай илала белкІаначил тянишиубси гъарилли. ПатІимат ил ралути адамтас ахІерси ва уркІили къабулрарибси гъамси адам сари.

Дила уркІили къабулрарибси ралликъяначила нуни гІурра дахъал гІяхІти гъай дурес рираси. Амма гъанхІебушес асуҳІебирар сегъуна къултукъличил гІеббурцибал илини гІябдулла нешра илала адала рузира. Илди кІилалра муйли фронтлизибад чарбухъунти ахъенри. Илди кІилинилра айкуурсири сай гІябдуллара. ПатІимат Хіяжиевнара илдас чула рурсигъуна ретаур. Илди кІелра ГІябдулла МяхІаммадовичли сунечиб хІербирутири. Илди илгъуна къайгъили алавбүцни багъанданра ПатІимат Хіяжиевна халаси хIурматличи лайикъили сари. Сунела мурул гІямрула бегІла гІергъити бурхІачи бикайчи ПатІимат ригахъуси ва ил къайгъили алавурцуси марси гІямрула гъалмагъли калун...

Дила ралликъяна ПатІимат Хіяжиевна нушала журналла редакциялизиб баҳъхІи бузули калунти ва гъанна пенсияличибити баҳъхІила журналистуначи илдала аги-къаяда сегъунти сарил дагъес, илди чебаэс гъаррикІули рирап. Даргала миллатличил бархбасунси сегъуна балбуц бетурхули биаллира, ПатІимат ВяхІидова ила музахІерухъи хІеруар. Илбагъандан саби илала баҳъал уркІилис гъамтира тянишунира лебти. Ил даргантани ункъли ралули сари ва халаси хIурмат бирули саби.

Илкъяйда хІериэс бикибси адам иғъбарла вегІ сай. Дунъяли гІурра разирирули калаби хІу, нушала ПатІимат Хіяжиевна. ГІямру дигусили калаби, хІед гІяхІси арадеш булгулра, нушаб разидеш бихаҳъес.

*ГІяйшат ТАЖУДИНОВА,
ГІяжай ГІЯБДУРЯХІМАНОВА*

РабаданхIяжи ЮСУПОВ

ДУРЧУЛРА ХАЛАЛИЗИ

*Дила учительница ПатIимат
ХIяжиеевнас багъишлабиурулра*

БегIлара чердикIибти
Дарган ванати дугъби
Дурчулра халализи,
ХIед иш мубараклизи.

Учительница дила,
Пахру лебил шантала,
ГапхIебарес хIейрулра
Ахъибси гъуни хIела.

Урма буциб заклизир
Лесла чедиб бацгъуна,
Дубурла хъябуртачир
ГлянтIикIа вавагъуна.

ДяхI берхIила, мез – хIяжла,
ПасихIдеш хIела гъайла,

Бахъли далули сари
ХIела мурхъти белкIани.

ВерхIцIалидехI атхIебли
Халра хIед сесад вавни,
Диаб илди дайхъала
Хибити гъачам гIямрули.

ВерхIцIали дусла духIинар
Дархъиб разидешуни
Диаб савгъатунили
Къисматла хунжларадли.

БегIлара чердикIибти
Далуйтала духемти,
Дуцили халализи,
Сар хIед пешкешдирути.



Игитуни хъумхефту

Дагъиста халкъла поэт
Аминат ГЯБДУЛМАНАПОВА



«ДУЗЕНАЯ, УЗБИ!»

Илгъуна уличил Москвала издательстволи дургъбазир сархиби гъунартас ва дургъбала игитунас, ишбархIила буриби гъяхIгъубзнас хасдариби далуйтала ва назмуртала антология дураиб.

Илизи кадерхахъурли сари азицад далай, сарира чула гъямру ахIерахIедарили Россияла ва республикабала хъархIерагардеш душмайзи ва къачагъунази далтахъули алхунти игитунас багъишладарибти. Илди саби: МяхIяммад НурбяхIяндов, Евгений Радионов, Александр Прохоренко, Гъарун Къурбанов ва бахъал цархIилти. Илизи 1991 ибил дусличирад машгъурти писательтани делчIунти, гъяртистунани делчIунти далуйти кадерхурли сари. Илди дучибси ва жуз балкъаахъурси Россияла поэт, культурала хIянчизар, тилмаж Соколкин Сергей Юрьевич сай. Илини Дагъиста гъяхIцад поэтула назмурти урус мезличи шурдатурли сай.

Жуз бехIихъили саби Рабазан ГъябдуллатIиповла, Дагъиста халкъла поэтуни А.Гъябдулманапова, М.ГъяхIимадовла, Ш. Гъялишевала, поэт А.Гъябдурашидова ва цархIилтала назмуртацибад. Илкъядали илил кадерхурли сари Л.Агутинна, А.Розенбаумла, В.Латынинна далуйти. Буралли, З. Церетелила, Н.Сафоновла, космонавт А.Леоновла, В.Верещагинна изобразительное искусство произведение бара мекелли жагабарии саби ил. Художестволашал жуз балкъаахъурси илала рурси Ярослава Соколкина сари. КъантIли буралли, ил жуз машгъурти адамтала узидешла уржибси анкъили бетаурли саби.

Ишди бурхIназив жузира хили сайра С. Соколкин Дагъистайзи гъяхIладли вакIиб. Дагъиста писательтала Союзлизиб илис гъунибаиб ва жузла презентация дураберкIиб. Илаб чула пикруми дурули М. ГъяхIимадова, Ш.Гъялишева, У.СалихIова, А. Гъябдурашидова гъайбухъун. Набра бутIакъяндеш дарес къадарбиуб ил балбуцлизир. Каспийсклизибад бакIибти «Креатив» клубла биштIати лачинтанира назмурти делчIун.

Нуни МяхIяммад НурбяхIяндовлис хасбарибси далай хIясибли Гъябдуллагъ Фаталиевли сунела музыкаличил далайра белчIун. Ахирличир дурхIнани «Цуба къургъира» шаранира заклизи dataиб.

Россияла балбуц даимбирули, С.Соколкинничил барх нушала писательни Сергокъалализи бякъун. Районна библиотекализеб г҃яхIцад адамти цалабикиб: иgit М. НурбяхIяндовла дудеш НурбяхIянд МяхIяммадович, декIар-декIарти организациябала руководительти, хIянчизарти, культурала КIялгIяла г҃яртистуни ва цархIилти.

М. НурбяхIяндовла суратуначилти, Дагъиста миллатунала мезли илис хасдариби назмуртала жузала ва журналтала выставка хIядурбариб Р. ХIямзатовла уличилиси Миллатла библиотекала краеведческий отделла хIянчизар Салимат ХIяжиеvани. Ярга-яргали гъайбухъун С. Соколкин, М. Г҃яхIмадова, кIараҳъала поэтесса С. МухIумаева, тележурналист ва поэт А.Г҃ябдураширова. М. НурбяхIяндовлис багъишладариби назмурти делчIун кIараҳъала театрла директор МяхIяммадрасул МяхIяммадовиччи. У.Улахъаевла гъай ва М. Къасумовла музыка хIасибли пергер далай зайдухъаҳъун Гыдаят МяхIяммадовани. Сергоқъалала дурхIнала анхълизи башту дурхIна «ВатIайс къуллукъбирни» бикIуси далай ва назмурти делчIун. Игитунас багъишлабарибси МяхIяммад Лукъмановли белчIунси жагаси далайлира асархIебарибси кахIелун. Г҃ялибулат Г҃язизовли урус мезлира далай белчIун.

Игитла дудешли сунела урши гъаниркахъули гъайбухъунтас, илала гъунар чихъли чебаили, назмурти делчIунтас баркалла багъахъур.

Г҃яхIли игитунала хIябрачи бякъун ва ила вавни кадихъиб.

НЕШЛА МЕЗ – НУШАЛА ДАВЛА

Даргала мезличила, илала давлаличила гъаман пикруми дурули дирап газетаби-журналтала бяхIяназир. Гергъиси замана нушала шимала халъ шагъуртази гечбирухIели, чеалкIуси наслулизи нешла мез дагъаҳъес дурхIнала бегIта къайгъибурили ахIен. Нушаб сецад хIейгахIеллира, мез багъла-багълали дубкIули сари. Диғеси саби шагъарла школабазир миллатунала мезани руркъни. Наб диғулра баркалла багъаҳъес шагъуртала цацадехI школабазиб мез дагъаҳъес халаси къайгъи дакIубирити учительтас. «БегIтани нешла мез хIедалаҳъули биалли, нушанира илди дурхIнази дяркъяҳъес хIедирехIе» или, авараагарбирути учительти леб. ГIе, бегIта дагъаҳъес г҃ягIнитигу дурхIнази нешла мез. Наб биалли ишаб бурес диғахъаси баркаллаличи ва сунечи паҳрубаресра лайикъси учительницачила. Ил сари МяхIячкъалала 42 ибил школала раҳхIила учительница XIусейнова Зубайдат МяхIяммадзагъировна. Илала дурсрачи ну диғиличил раҳусира. Гъарилра дарс чебетаахъили, дурхIнала иштяхI акIесли, халаси диғиличил кабирхъу. Гъарил илала суайс жавабти хIядурти дурхIнани някъби ахъдурцули чебиухIели, уркIи разибирап. ХIебиали, Зубайдат XIусейнова бажардириркули сари дурхIназир нешла мезличи диги адикъес. Илкъайда дурхIни мезличи уркIичеббарес гъарилрадекIар учительла дагъирира устадешра адиuti ахIен. Раҳ-раҳли шагъарла школабала дурхIни-ургар конкурсуни детурхули дирап, ну илар мурталра жюрила членни рирузира. Зубайдат МяхIяммадзагъировнала дурхIнани мурталра цаибти ва кIиибти мерани дурцу, сенахIенну гъарилра секIайзив халати устадешличил балъаахъурти бирар илала. Иш гъакIлизибра, миллатла политикала шайчибси Министерстволи дураберкIибси «МяхIячкъалала ГIулухъа» бикIуси конкурсличиб 10-ибил «б» классла ручан ПатIимат Маммаевани цаибил мер буциб. Ил Буйнакъский районна Къарамахъилизирадси сари. Нуни ПатIиматлизи хъарбаира: «Сегъуна дигIяндеш лебсив хIушала?

Чинар конкурсуни диялра, цаибти мерани 42 ибил школала дурхІнани дурцули сари». Ил рикIар: «Дигуси учительницачи, нешличил къайда, гъалмагъдеш дихIни саби. Учительница дигахъалли, илини буруси гъарил девра нешлаван дурхъали билзан». Гъайгъайрагу, конкурсуначир гъаларти мерани дурцнили илдала школализир мез руркънила тяхIурти ва масъулти ункъли тIашдатнилис бикъридеш дирули сари.

3. XIусейновани бучIахъути 3-ибил классличибад 11-ибил классличи бикайчи 75 дурхIя леб, сабира дарган мезла дурсрачи дигиличил башути. 3. XIусейнова нешла мезла ва литературала учительницацен ахIи, методический цалабяхъла руководительра олимпиадабала хIянчурби ахтардириуси экспертра сари. XIебиалли, илала къайгъни цархIилталаара миллатунала учительасра Гибратли детарули сари. Илала кабинетлизир ишбархIила тIалабуначи далдикиби хIяжатти секIалра лер.

СУНЕЧИЛА ГЪАНБИКУНИ

Сергокъалала урга даражала 2-ибил школа «шула» кыматуачил таманбариб. Сари ункъли ручIахъес классла руководитель Риза Расуловнани дирути кайгъни гъаннара хъумуртули ахIен Зубайдатли. Аминат XIябивнания илизир дарган мезличи диги адикъур. Зубайдатли мурталра районти-ургарты ва шагъуртала конкурсуначир бутIакъядеш дирутири, цаибти мерани дурцутири. Зубайдатла риштIахIелил музыкаличи ва назмуртачи иштаяхI лебсири. Назмурти лукIи, чугурличир жагати макъамти дяхъесра бали. Школа белчIи гIергъи, ДГПУ-ла филологияла факультетлизи карерхур, илра ункъли таманбариб. СтудентхIели Зубайдат университетла пахрули ретаур. Илала дигути преподавательти сабри ГIялибек Сулайбанов ва Рашид БяхIяммадов. Илдачил гIяхIти гъалмагъдеш дузахъули, Зубайдат мурхъти багъудлумачи регIриуб.

42 ибил школализир гIяхIцадхIи рузуси 3. XIусейнова 2003-ибил дуслизир чебаяхIси категорияла учитель ретаур, 2012 ибил дуслизир биалли – «Дусла учитель». Илини гъаннара лукIули сари назмурти. Дарган мез гъаладяхI ардукес гIягIнили биъниличила чумал макъала делкIун. Даҳъал хIянчи дузахъули сари илини школализир. Профсоюзла комитетла членра сари ил. Нешла мез руркънила шайшиб илис кумекбирули сай ГIямаров Асад МяхIяммадовичли.

Сунела ГIямрула вархъя ГIябдуряхIман ахиратлизи арукили, къисматли Зубайдатлис бяхъ чегахъиб биалра, ил къияндешунас мутIигIрикIули ахIен. КIел урши – нешла кIел дукала, сунечицун хъарбикиб. Абикъес ва бяркъ бедес. XIусейнов Сулайбан ГIябдуряхIманович, ункъли школара белчIи, финансунала колледжла студент сай. Ил нешла кумекчи ва виштIал узи МяхIяммадзагъирла Гибратчи сай, дудешла мер буцили, гъарил секIайзив гIевурцуси. Спортла цаладяхъибити журабазив мушулвшнила шайчив машгъурси уста сай виштIаси узира. Спортла мастер сай, дунъяла кубок хIяйна сархиб, Евроазияла кийна чемпион, Дагъиста вёрхIна чемпион ветаур. Зайнаб МяхIяевала искуствола школализи башули саби кIелра узи, ца делхъла уста сай, итил – дамла. Илдигъунти уршиби акIини ГIямрулизиб халаси игъбар саби Зубайдатла. Илис талихI ва гIяхIси арадеш булгулра нушанира.

Жүшачив ғляхтады



Табасарантала поэт
Шагъвелед ШАГЬМАРДАНОВ

АМИРХА ХЪЯРЛА ГАЛГА

(Повестьлизибад буты)

Нушала хъуличибси хъярла галгаличила хабар бурис. Хіебуресира ахІен ил. Ил анхъла хъяр ахІен, амма ил дугІла шаха хъярлизи халбараллира бунағы биур. Нуша илис хъярла галга дикіес бурсидиублира. БурсихІейэс-декіар вирару, лерилра Гіямру иличил дархдаси диалли, нушалаңунра ахІенну, нушала хала бегІталара...

Нушала ши халаси ахІен. Шила дублабси нушала юртла гъаргалабад ил галга чебиули саби. ЧехІебаэс вирару, илкіун дебали халаси галга саби. Шилизив ил чум дус биублил бурес вирусира агара: цабехІли бурни хіясибли даршлим шуціали дус биубли саби, цархІитани биалли кіидаршлишиб имціали биуб ирули саби. Чум-дигара биаб, амма бухъули саби. Иличир дашути хъярбачила декіарлы бурис.

Хъярла галга нушалара унрубалара хъумала дазуличиб заклизи бургъули ташли саби. Нушани ил нушалайзи халбиулра, унрубани биалли – чулайзи. Сен илкъяйда бетаурсив? Жяв замана ил нушала хала бегІазивадси адамла хъула байлаб буйбыси саби. Совет хұкумат кабизурли ва колхозуни акІахъубхіели, адамтала вегІдешла ванзурби пачалихъли дуцибтири ва адамтас огородунас ца-ца хъуцун датуртири. Илбагъандан саби ил кіел хъула дазуличиб уббухъунси. Дила хала дудешли бурни хіясибли, бағұрсы саби нунира иличил.

Ил хъяр чили убатурсил балусира агара. Чили саби балуси, саби сабил бакІбсилра. Нушала ши-алав дахъял ціедешла галгуби лер: хъярбала, Гінцбала, курегала, хивала. Хивачила халқылизиб бурули биарар, илди лерилра къянба «удатурти» сари или. Хивла галгалиуб баргибы хив къянали бячес ва сухълухъ сабитіес бағыдан заклизи ахъбущили, Гур шуриличи лайбикіули биарар. Илкъяйда бячес архуси хив къянала мухІизибад кабикес биарар, авлахъличиб баталли къянали, илизибад галга лябкъян. Хъярбира Гінцібира къяналира лайдикіули хіебирад, сенкіун илди галгала удир дергес биарар. Хіебиалли илди адамтани удатурти диэс ГіягІнити сари.

Дила хала дудеш I30 дус виубли сай. Илини бурни хъясибли, ил хъярла галга сай виштихелира халаси буили саби. Итхелира бухъули буйлри ил. Галгалис Амирха хъяр бикбули саби. Ил дила хала бегтазивадси адамла у биэс викбула. Нушала ши-алавти мер-мусаличир гүурра дахъал умала дегити цедешла галгуби лер. Бегити агара,amma илдала уми кали сари. Масала, Гусма хив, Байбутла гинц, Мирзаханна хъяр ва цархилти. Нешли уршилизи дудешлис херикун бухахъили ургубализи урхъухели, «Байбутла гинцла мякълав удули сай» алли, уршили ила укъес бала ва дудеш ургу.

Бархъли бурулра, Амирха хъяр адамта камли бирар гъанбуршуси, илала мякълар жамигиятли пайдалдирути меранира агархели.

Шилизидад гъараҳъли ахи, Тахришидла гинизла мякълаб Арцантала хъярла галга леб. Дебали диштиди дирар иличир дашути хъярби, илхелира илдала уркли чумаси бирар, деркесра тягиямагарты сари илди. Нушала галгала хъярби биалли цархилти сари. Гъачам деркунсили илди гур хъумхлерту. Чузиси төмличилира декардулхъули сари илди, рангличилра. Ранг къалли илдала дилкъуцад дарсдикбули дирар. Дикъурхели илдазиси муридешра имциабирар. Дурхинани сесад кеп кайсули бираал нушала галгала хъярба букули! Илдала урклира чумаси хебирар. Тамай дикъурхели хъярби сарилра ванзаличи кадиркули дирар. Цацахели нушала хъярлиуси къарла майдан хъярбала къатли буцили бирар. Илдазирад имциатигъунти арцанта къубдикбули дерги дирар. Хъярбази тярхъибатурли, арцанта илдала духинарад гье дурайсули ва дугули дирар. Хебалас илдазиси арцанта се гяхиси бургулил. Къумикун нушанира хъярличил дарх дукули дирехи. Ца телицуун бирар лайбикбуси.

— Дила цулби дугати диалри, телира букира хъярла, — викбули виар дила хала дудеш.- Алжанала анхълизизир дирар дургарт нушалагъунти хъярби дашути...

Хъярби цаван дилкъули хедирар. Жявли дилкъутира дирар. Галгаличир лералли деркес вирутира дирар. Хъярби пяхидарили гавлаглизизир дикъайчи дихисра виар. Нушанира илди дурчули дирехи, сенкун арцанти цаладиркур ва хъярба дугар. Шила дурхинара гъаза биру нушала хъярба букаес. Балтула букахъес. Хъярбикун лебтасалра даари дашули сари.

Тамашала цедеш сари дугила хъярби. Илдазирад цадехи варъаван мурити дирар, къаршидиркур агъуван къуткъутира.

— Нушала хъярла табигият булан гяхиси саби,- бурули виар хала дудешли. Хъярбала табигият бирухеливан.- Нушала хъяр малхямси саби, селичидигара къабулкабиркур, сунес къуллуқ бараҳъес жихебиклар. Гъанна нура вирхаурлира хала дудешли дурутачи: гъарли-марли галгубалара, къараналара, арцанталара, жаниварталара, хъя мицираглара хял-табигият лерли дуили сари. Адамтиван илдира гяхитира вайтира, малхямтира къяркытира, жагатира куцагартира дирули дуили сари. Ши-алав дахъал хъярла галгуби лер,amma илдазиси нушалагъуна агара. Илгъуна севан дакбуибусил багъес дигахъира,amma чили саби ил балуси?

Амирха хъяр бикбули хъалли, нушанира ил тамай нушалайзи халбирнули ахенра, сенкун унрубанира ил чулайзи халбирнули сабину. Хъумала дазурби багъандан жалти акубти, къалмакъар булан кадикибти анцбукъуни дирар. Нушала дазуличир илдигъунти диубти ахен. Цали итиллизи ахъли гъайиси анцбукъалра биубси ахен. Нушала унраличибси хъула веглис

Аслим бикИи. Бунагъ-хатІа уркадуц, кІел дус гъалав вебкІиб. Амма илала дурхІнира дудешгъунти пергер адамти саби. КІибехІлалра саби ил хъяр. Сунес Амирха бикІулихъаллира. Ил хъяр багъандан нуша-дурхІнала ургаралра жалани акІубли гъанхІебиркур, дурхІни къалли дурхІни сабигу. Нушала хъалибаргуни ил хъярли гъатІира уржахъули сари. Нушала тухумтигъунти детаурлира. Хъуми далщухІелира дарх дирехІе. Картошка газаладаресра ца замана дирехІе хъумачи дурадулхъути. Хъумачир дузули дамсурхІели, бамсриахъес яра хурегладиэс ил хъярла удиси майдайчи кадирули дирехІе. Хъярла дяхІцІилиуб буцІарлира хІебирар, дуцІрумла замана хъярла удиси дяхІцІилиуб цуэрира бургъули бирар. ХІери баайчи хъярла галгала дяхІцІи нушала хъучиб бирар, хІери г'ергъи ил унрубала хъуличи гечбирар. БерхІи к'айбизурхІели биалли, галгала дяхІцІи саби галгала удиси бирар. ЦархІилван буралли, Амирха хъярли нуша к'идехІелра уржахъулра, к'ибехІисалра къуллукъличибра саби ил. Иличибад хъярбала сабухъра нушани барх бурчули дирехІе. Галгала удир дурхІни хІязтазира ихъули дирехІе. Хъярла къялуби булан к'ибехІлалра хъумачи т'интІдиубли сари.

Нушала хъярличи гъарил дурхІя ацІес хІейрар, сенкІун илала баргахъуни кІел метрла ахъдешличир сари. Саби галга биалли дебали ахъси саби. Хъярла галгала хъар къалли ца адамли алабуцесра хІейрар, илцадра бабза саби. КІел адамли бирар ил алабуцес. ДугІла хъярбалацун идирап илдигъунти халати галгуби.

Хъярла галгала бегІлара удиси къяли мурт-сабрил бячунсири. Ил расли чеббяхъили ахІенну, кабиркухІели гъярбикиси мерличибад бардали саби ил къяли мархІялизибад декІарбарибси. Калунси гъярбик нушани галгаличи адиц'ухІели пайлабабирил дирехІе. Ил агарси биалри, галгаличи адацІес нушаб дебали къянни бири.

— Дявтала замана бячунсири, дила урши, галгала ил къяли,- бурули рирап нушази нешли.- Ил бячунси хІебиалри, сецад биил галга! Хъярбира дахъал даши. Дергъли нушаб вайдешуни дахъал диахъуб. ЛягІнат бакІла дергъ. Чумилра неш бисули калахъун, чарбухъунтазибадра имц'атигъунти чулахъуни сабри. Къел-хІерзи агарли бетахъибти гъатІира бахъал сабри. Лерилра декІти хІянчи бухънабачира, хъунул адамтачира, дурхІначира хъардикибири итхІели.

ХІябразибра паргъатдеш мабиаб Гитлерла хурас. Ит бархІи нушани ургубализиб мухъи иршулури. ХІери баиб, г'ур хапли заклизир гъагулти дагъардиуб. Камси мер сабри биршес калунси. ДурхІнира сабира бугІми урчукунази дуцахъес кумекбарес узбикъуртала хъунри лебри бакІили. Сунела дурхІнира сарира нушачил виштІаллис раибси хІела дудешла узила хъунул Селмиханра лерри. Ил секъядыа декІли ганзрик'улил хІясибарили, нуну илизи ира: «Г'юя, Селмихан, илгъуна хІайчир хІу сен иса ракІири?» ХІушала хала нешли дила гъай аргъиб ва ургарухъун: «Къяшмачир имц'али рашни къулайси саби, виштІал варкъесра гъамадли бирар. ЖягІял яра царахІел хІед ну г'ягІнириркус, ишди дигІянбиркур. Раши дила мякъла...». Селмиха мурул Муса дергълизи арукили байхъала дусра виубли ахІенри. Г'ебшни мекъ барисири. Муса чумал баз дявилати устадешличи вегІибури Тбилиси шагъарлизивра калун. Илавад, хъулира хІекІахъили, фронтлизи вархъибисири. Дергълизибад илала цаибил ва бегІла г'ергъиси кагъарра бакІисири. Заб дарес хІядурбик'улри. Илбагъандан нуша бугІми дучес гъалакдик'улри. Халати

забла күнгіри кадиркес дәхілхьиб. Дурхана дучибти бегіми Селміхай бекілизи лушулри. Ил замана нушани заблиур нушачирың гъалакли ратрихьибси Жарият чераира. Кел баз сайри илала мурул дергълизив алхи виубси. Дила урши, хела дудешра итхели дергълизиври. Хела узбикъурти Ризахара Мусалара дудешунира дергълизиби. Нуша лерилра уркідухъири. Сенкіун балули ахіенри вай хабар илини чичи сабил лебхуси. Ляркъуқад Жарияттра рисулри. Жарият камси заманалис ташразур, илала някъбазиби ңадара қлана ванзаличи кабикиб, ғұр илини «Селміхан» или жииб. Селміхай бекі заклизибяң ахъбуциб ва چыр дурабушиб. Келра някъли бекіра буцили, ил нушала галгаличиряң ратрихьиб. Селміхан бекіли гагализи рирхъулри ва гъуярикіулри. Лерилра нушара дисулри. Хушала хала неш Селміхан руцес ретухъун. Амма илини хала неш къужрариб, сари биалли галгала къяли буцили жибжиррухъун. Илхели бячунсири икі ху викіуси чеббяхъиби галгала къяли...

Къяли буцили сурсуррухъунси ил чераибхели, нушаб ил дагырилизирад рулхъули сари или гъанбикебири. Биса булан ташаира, урухдиубли. Галгала къялира бячи, ил карикиб. Бялчуси къялиличил барх хъяшала چырра дурабикиб...

Илкъяйда акіубири гъанна Каспийск шагъарлизив хели узикъар Муса. Сунела дудешла у саби илис бихъиби. Верхіел базла сайри ил. Амма Селміхан ил адам ветаахъес бажардирикиб. Халасибекі къиян кабихъиб, уршилизи дудешла агри хебагъахъур. Дергълизив алхунси муройс марли калун. Ца Муса сай илала левси. Нушала хъярла къяли бячнила хабар илгъуна саби,- пашмай иб дила нешли, хабар таманбирули.

* * *

Гъарахълавад хеликіалли Амирха хъяр зурбаси шайтана къапіаличи мешуси саби яра буқунна ңуба маза къапіаличи. Ил вавали бяхъибхели гъарахълабадал илала вавнала тәем багъесли бирап. Вавализиди пухібухъунхели, ил-алав мирхъи урцес дәхідрхъур. Амма мирхъи имілди дирап хъяр-алав гіебшни, хъярби садаибхели. Варъала тәемли мякълабад аркыту адамти булан хъярла мякълаб ташбилзахъули бирап. Нушала хъярли ну чуйнара сихірула дунъялизив вагъариахъубра.

Дилара дила гъамталара гіямрулизиб халаси мер бурцули саби ил хъярли. Гъачам къалли ну ил хъярли верц булан верцахъира. Буришав хабар? Бурис, хушабра дигули гіергъи.

Итхели нуни шуйбил класс таманбарилри. Сенрил ца бархіи, дубуртала ғела берхіла хула дигінбиркуси замана, хала дудешли ну Тахришидла гінзи вархъира. Набзир къаркъала гажинра шел літр кадурцуси тутияла бакра лерри. Хала дудешлис ил гінізла шин дебали дигахъи ва нушала шилизиси гінізлайчир илди гъалар чедии, гіяхти сари или гапра дири. Ил гінізла шинницен бужути адамти нушала шилизиси мурталра бирудири. Тахришидла гінізла шинна ғурра ца гъати тамашала лишан лебси саби: илала шин дуцірум дяргіли дирап, яни – ванали. Яни ил сеналра миъхібіргіур, дуцірум чула дяргібдешли шиннисири түлбі дахъхіи дихіесра хейрап.

Гажинничилара бурес гіягінибіркүр. Ил нушала юртлизиб лебал лебси булхъранталы талхіяна сабри, ниъихъян халхібараалли. Хала дудешлис илизирти шин дигахъи. «Гажиннисири шиннисиб ванзала тәем бирап,

дубсила яра тутияла какълумазирти шиннизибад наб мегъла тIем башар», - тикрарбиули вири илини. Гъанна булугунанира испиклантанира тIалхIяна дирули хIебиэс викIулра. Илди итхIели шимази дицIес дихули дiri: ризкъилис, цIедешлис дарсдири. Хала дудешла гажинра цархIилтазибад декIарбулхъуси хIебиэс асубираар, амма илини сунени дебали гапбиру: гъанна музейтазирцун сари илдигъунти чедаэс вируги или бурули вири. ЛутIилизир дигбIянти хIябал къяшра лер. МухIли гъярцIа саби. Кани бабзагу, хъябра гъярцIа саби. Шинни ужес вализадли, гажин хъам-хъам или тIамали биркьюр. Ну гIинзи урхъухIели, хала дудешли мурталра махиусира: «Гажийчил хIу гъала хIерикIули вашен, заклизирти арцанти чедаэс, илди чум сарил багъес аварали хIеркъули».

Касили илди тIалхIянара нура шила дурабси Тахришидла гIинзи аркъулри. Амма дила бекIлизиб ит дуги хъалч гъятIбиубси клубла юртла лацличи чебяхIяхъибси цIуба чIянкIила экранничиб чебаахъес гIягIиниси «Коммунист» бикIуси кинофильм сабри. Я багъа сайсуси ахIен хIерикIес дигусилизибад, нушала колхозли лугуси саби или бурулри кино чебаахъибиси багъа. Дургъбала дусмазиб эскибиубси клуб сагабарес колхозла ахъри агарли буилри. Илбагъандан сабри кино къакъализив чебиахъусира. Халати се бикIил хIебалас, нушаб, дурхIнас, кеп сабри.

ТIалхIяна шинни дицIили валкъаурхIели, нуни Амирха хъярличибахI гъайбарира. Ну дякъличив левалли, хапли гъямла тIама аргъира. Итмадан багъурра гъямбикIуси Цагар биъни. Ил колхозла бегIлара ахIимакъ хя сабри. Илини беџI булан кабушибиси или бурули бири. Цакъси ва гIяхIгъабза хя сабри. Ил унраличибси колхозла хIябал хяличил бяхIиб. ХIябал хялизибад илини ца гIяндбакIиб, кIел дяхъи-хъаслизи дикахъиб. Гъалабси къяшлизи къаршикартазибад ца къацIики буили, ил сабира чумал баз лянкIибкIули калунсири. Нушала дурхIназивад иличил къаршикес цалисалра хIейгахъи, сенкIун гъимбукIалри ил чебухъесра бири. Чуйнарил гъямра или, ил лехIкахъиб. Ну галгаличивахI дуцIухъунра. Хяличиван ахIи, галгаличи гъамли сабри. Амма дуцIбухъалри Цагар наб гIеббаэс бири. «БуцIала душман» бикIули бирап Цагарлис нушала шилизиб.

ХIеркIла дублабси анхъла мякълар колхозла маза гIайдикIулри. Цагарли илдас къараул бибулри. БукIун биалли чейули аги. Нушала галгаличи саэс даршалцад ганзла гъуни лебалли, Цагар харчбизур ва гъатIира ахъли гъямбикIескабииб. Гъайгъай, ну хялизивад урухлири. Ганз гъалакбарира. Хяли сунезивад урухкIуси итмадан валуси сай или бурули бирап. Ил бархъси буили саби. Се гъанбикибал, Цагар набчибахI хIербизур, гIур , ахъли гъямра или, набчибахI сабухъун. Гажинра бакра нуни ванзаличи кадихъира. ДуцIухъунхIели дила ца къяшличибад дабрира кабикиб. Амма дабрилизив виркъес дила имкан аги. Ну виругIев дуцIухъунра ва галгаличи ветаимбад, иличи ацира. Чедив дебавиэс валкъаурмад, ну уди хIеризурра – илаб Цагар тIашбизурлири. ГъямбикIинилизибад гIяхIдеш агни аргъили бииши, ил лехIкахъиб. Амма ил «бираис хIед нуни бирузи» бикIули-мага бурги, нушала галгала уди кабихъун. Ил наб къарауйчи кабиилри: «кайцIуд раҳхи, хIерикIен се бирисал» бикIусигъунари.

Гъанна дила хялизибад урехи аги. Амма дила гажинра бакра чинар сарил багъес хIеризурра. Гажинра бакра адавзи Аслимла хъучир лерри: гажин тIашлири, тутияла бак шайчибикилри, ашкарлигу илизирти дайхъала шин уартIили дурги. ХIерикIули уира дила дабри чехIебиисалра. Чебаэс хIейубра. Ил нуни жягIял вакIилира баргес вирус или гъанбикиб.

БархIиихъули саби, амма букIун вагъарулхъули ахIен. Цагарлисра цIябдиънила авара лебсигъуна ахIенри. Къяшмачи бекIра кабихъили, кабихъи саби. Бусусила дирусигъуна саби. Нуну къалли балулра, ил бусули хIебиъни. Гъанна ну гIясиикIуси мазала букIуйчи сайри. Чинав вируси ил, мазара ургубализир датурли. Демгурти жакъни диалри, ил мазаличил вирусири ва гъанна илди чула мукърачи аркутири. Шумрала хIенкъ биалли дугилира гIаябикIахъес виар. Амма ну мазаличи ахIенри къакъаикIуси. ШилизибIун кино чебиахъуси саби. Галгаличивад хIерикIухIелира, нуну чебаира шилизовси киномеханик Жабрагил цалабикиби дурхIинала ургав кино чебаахъес хIядурикIули. «Марлирагу, кино бехIихъайчира ну ишав кавлусирав? Хала дудешра нуну гажин хайчи хIерли кайили ургар. Чинав калунри хIу?» или, харьбаалли, илизи сейкIусира? Колхозла хялизивад урухиъни багъалликIун, илини ну хIекъли суктувирура».

Цагар урухбираис ибси къасличил нуни шятIбушира. Хя, бекI ахъбуцили, набчи хIербизур: «ШятIикIули валад. ХIерикIен сегъуна шятI бирхъяхъисал хIези нуни!» – бикIусигъунари ил. Хъярла галгала берубси ца къяли бячунра ва илра хялис игъубра. ЧехIегиб, мякъла кабикиб. Хя гъурбухъун.

Гъанна хяличира букIуйчира ахIенрину гIясиикIуси, дила хала дудешличи сайри. Ца бархIилра вири къалли илинира шилизибси гIинизла шин держес. Ну къанни чарулхъухIелилра, чина викибси иш или къайцIухъес асухIебирузив илис-декIар?

Кино бехIихъес замана баили саби. ХIера моторла тIама адердиб. Клубла бяхIличибси экран шалабарили саби. Сепайда гъатIи!.. ХIябал хяличил бяхIибхIели, ил кабушибси биалри, ишди авара дирути ахIенри,-къакавакIилри ну.

Зак булан зubarта вахбаршили саби. Кино бехIихъили саби. Ну биалли галгаличивра. Аждагъагъуна Цагар биалли, селалра авара агарли, галгала уди бихъаркабихъи саби ва наб къараулбирули саби.

Ишавад вявикIесра вирус ну. Амма чи сая иша гъанна музайлхъуси? Чис сайра ну гIягIиниси, дила хала дудешли булан хъумартурлирагу...

Тахришидла гIинизла шайчибад шятIла тIама абердиб. Илав бархIехъла цIябдешлизив чилра чейули ахIен. Амма Цагарли чи саял шятIикIуси итмадан багъур. Ил харчбизур. БекI ахъбуцили, набчибяхIра хIербизурли, ил гIинизла шайчибяхI касли арбякъун. БукIун гузетличив уили сай. «Чина бетахъири, хъунцIбар, маза - ишар, хIу?» – суктуикIулри букIун хялис. Гъайгъай, хя битес гIягIинисири. Амма гъанна дила селизивалра виркъес замана аги. Ну галгаличивад тIяхIкавхъунра. Гажинра баргира. Бак байхъу бацIилири. Амма ил сагали бицIес хъулхIевхъунра, сенкIун ну итира киноличи къаниублири.

Бетахъибси дабри баргес вализурра. Баргес хIейрулра. ВяxI, жягIял вакIили касахъес чили сайра ну хIелтуси? Итил дабрира лайбакIира ва цай къашмали шилизовияхI арцурра.

Киноличи хIербикIута бицIибси площиъличи ваibхIели, лацла бяхIлизибси экраннлизив ца адам чиларил хъа унзализи къутIикIулри...

* * *

...Гүрра ишгъуна секІалра. Нуни хъярла галгаличила бурули виасли, хабар таманси бетхІерар саби галгаличири хІердирутачилара хІебурили Гергъи. Балулрайв ну селичиларал угъуси? Имиулачила.

Хъярла галгаличирад северла шайчидахІ хІябал ганз кацІалли, илаб имиулала къада чебаэс виарар. Нуша къада дикІулрагу, имиулас ил халаси шагъарван кабилзули биэс ГлягІниси саби, сенкІун илар дахъал имиули хІердирнули сари. Имиулала дахъал дукъбира лер ил «шагъар» алавчарси дунъяличил бархбалсахъути. Ну чуйнара хІерикІули калунра ил къадализирти имиулала шикъатайчи, цархІилван буралли, имиулала Глямруличила багъес вализурра. Дахъал секІал хІясидарира, амма хІедагъурти дахъал уркалун.

Имиулачили уржили дархдасунтири дила узила Глямру. Дила узис Рамазан бикІар. Шилизіб бахъал Рамазанхъали лебли бийни багъандан, илди гъамадли декІарбires чеуми дирхъули бирап илдас. Дила узисра Зимз Рамазан бикІар. Ил чеура иличи чеакунси саби камти Глямруличибадал: итхІели ил авкъяшанни левалри, чіябарличивад хъусли вашули, ил байхъала дус-мага виубли урги.

Лебилра хъалибарг картошка газаладирули хъуличир дузулри. Хала дудешлира, дила дудешлира, нешшлира, халасигъуна рузилира газни дузахъулри, хъярла галгалиу тІинтІбарибси чіянкІаличиб биалли биштІати дурхІини хІязлизи ахъилри. Илдала ургав чіянкІаличи кайили дила узи Рамазан реври.

Лебилра чула хіянчилизи ахъилри. Илбагъандан хІилхІи хъусли вищесцен вируси Рамазан чіянкІаличивад дуравхъи, къарличив геркавхъи виъни чилилра хІясибхІебарии. Гүр хъяшала чіяр дурабикиб. Лебилра дурхІини лебси чіянкІаличи хІербизур, амма нушала Рамазан илав аги.

– Нушала Рамазайчи имиули къацІдикІули сари! – вявшъиб дила цархІил узи Рустамли.

Ца шайчидахІ газара игъубли, дила неш хъярла галгала удибси имиулала къадаличирахІ дуцІрухъун.

ВиштІаси дурхІали някъбачил анар-ханашибууси имулача къадализив Рамазан вяхІудили кайхъири. Чула пукъа бульхІели гъимдукІибти имиули иличи иманагарли къацІдашулри. ЦархІилван Рамазан илцад ахъли чіярхІейкІи.

Минутла бухІаб хъалибаргли имиулала къада алавбуциб. Нешли имиула угуси урши някъбачи авциб ва суркrikули иличирад имиули уряхІуршес рехІрихъиб. Нешра дукаркІулри уршилис бетаурсиличи. Гүр лебилра дукаркІескабииб. Сай Рамазан булан дукаркІули сунечи хІербикІутас разили пишхъиб.

Урегал дус виубси Мухтарли имиулала къадализи тІерхъа хъурсбариб:

– Ишдани нушала виштІал Рамазан вергес къасбарили дуили сари!

– Мухтар! – вявшвариб ил хала дудешли. Урузиубли Мухтар халаси рузила гІела дигІяникиб.

– Рамазан сай къячхІейкунси виалри, имиули иличира къацІдилкути ахІенри. Имиули къацІдикАлли, дарманбируси саби, – супелтала удивад пишхъили, буриб хала дудешли.

Рамазан чіянкІаличи катур, ва нешли илабти дурхІини уршиличи хІербикІахъес махбариб. Неш газа някъбази касес ралкъаурли ахІенри, Мухтарли сагали тІамадарибхІели:

– Зимз Рамазан! Зимз Рамазан!

Гълакиубси Мухтарли Рамаза хъябличибад дуцIли батбихъиси имиала чебаахъиб. Нешли ил буциб ва галгала удирти къарлизи лайбакIиб.

ИтхIели имиулала пукъа буунси Рамазан сай авал дурхIяла дудеш сай гъанна. Сунес Зимз Рамазан алли, ил гъимуркIули вирап.

Гүрра халкълизиз бурули бирар, имиулани виштIаллис раиси хъунул адамли рурси риркъул урши виркъул балуси саби или. Ил барес багъандан имиулала къадализи биштIаси мурчI яра тIерхъа тIашбаталли баиси саби. Имиулазибад цалра ил мурчIла яра тIерхъала бехIличи абацIалли, урши алкIуси сай, абацIес хIебиалли – рурси.

Сенрил набра багъес дигулри нушала нешли наб узи виркъул яра рузи риркъул. Амирха хъярлиубси нушала картошкала хъучи чиларил къача абацIилри. Ил дугIаэс вякъунси наб имиулачила халкълизиз буруси хабар гъанбикиб. Галгаличибад беръубли кабикибси биштIаси къали нуни имиулала къадализи къузбарра ва бархъли тIашбатурура. Гур хIерикIескайира се бибул имиулани. Ил къяличи адицIути имиули лерри. Амма илди бехIличи адаэс дирули ахIенри ва ванзаличи уряхIидиркулри. Ну хIерикIахъули гехIел имиала ил къяличи адацIиб. Илдачи хIерикIултра. Чумал уряхIидикиб, гIелар калунти биалли сарил гIеладяхI чардиуб. Имиулала къадала мякълав цIуцIиили, ну гIяхIцадхIи виублири. Наб нешли узи варкъили дигулри. Илбагъандан имиулани се бибул хIерикIес даймиубра. БехIличи бикайчи ахIедицIути имиулачи дила гъимиудулхъулри. Ахирра ца имиала бехIличи абацIиб ва бикес мер хIебалули, сягIягта гIякърабван ласбикIескабииб. Гүрра ила кIел-хIябал имиала адацIес диуб. Секъядали разибиубал илхIели дила уркIи!

Имиулани къяна хIебуриб: баз байхъала дикихIели, дила нешли наб узи варкъиб. Ил сайри Зимз Рамазан.

Имиули Амирха хъярличира адицIули дирап. Галгаличир илдани кадердити дукъби булан лер. Хъяр вавалихъибхIелира дирап илди галгаличир, хъярби дикъурхIелира. Ила шадир дашути мага дургар. Адамтира бирапгу бамсриахъес Сочилизи ва Крымлизи башули...

Нуни имиала галгаличибад кабикибси анцIбуку чехIебаира. Илди дуцIидикIули дирап галгаличи адицIухIелира иличирал кадицIухIелира. Садерхурти жан сари имиули.

Амирха хъярличи адицIути нуша унрубала хъалибаргуназив иличивад гъачамалра кахIейкибси къалли цалра хIергар. Нуни чуйна кайкиралра хIебалас. Амма се-биялра дебали изиаурли яра някъ-къяш бячунси анцIбуку хIебиуб. Галгаличибад кабикибти цархIилтасра жагъал биубси ахIенри. Кам хъябшибиалра, нушачиб жявли сагъбирусири.

– Нушала хъяр дурхъаси саби, – тиқрабирили рирап дила нешли.- Дурхъаси галгаличивад кайкибилис жагъалра биуруси ахIен.

– Дурхъаси къалли – ил бархъаси саби, амма вегIлира мяхIкамдеш бирес чебиркур, - имцIабирили вирап дила дудешли.

Нуша лерилра уркIаибтири цархIил анцIбукули. Унра адавзи Аслимла ургавси, веңIиу хIябра дус виубси урши хъярлиубси мухъиличи чедухъунти кIуркIурти гъадаяхъес вякъи уили сай. Ил хъярби халдарес или галгаличи ацIили сай. Къяш хIусбухъи каркули хIилхIи кали сай: илала къяш кIел дабза къялила урга барцбили, кахIейкили галгаличив кали сай, амма ил къяш батбухъахъес хIейубли, жибжиркавхъи уили сай, илхIелира бекI удили.

Гъапар илхIели висикайили сай. Амма мякълав чилра къаршиикили ахIен. Виснилизибад гIяxIдеш агни багъурли, лехIкахъили сай Гъапар. ВецIал минутличив имцIали кали сай жибжиркавхъи. ИлкъядакIун ил вебкIесра асубири – бекIлизи хIи дархдикили. Дагъри дамкъурси Гъапар шакикили сай чили-саял сай уцили виъниличи ва хIулби абхьили сай. «Сен дигIянали унрала хъярличи айцIуси? Вайнукъя!» или, Гъапарла гIела ПяцIасахъиб ва ил гIур къяшмачи тIашатур. Мякълабси ургубализир маза гIайдикIахъуси шила букIун адавзи ХIясан уили сай илис кумекличи музахъунси.

– ГIурра галгубачи хъулкиван айцIули чеасли, хIед нуни хъатли ахIенну, ишини диркахъис! – вяявварили сай Гъапар илини, сунела букIунна балкIа Терхъя чебиахъули.

Баркалла, адавзи ХIясан! – иб Гъапарли ва шилизидяхI тIивхъдатур.

* * *

Амирха хъярли дусличи дус уржакъути унрубала гъалмагъдеш урехилизи дикахъибси анцIбукура кабикибсири.

– Нушала хъяр игули саби! – хIулбазир нургъбачил ва руржути кIунтIбачил гъяргаларад хъули арицIуси нешли тIамадариб. Нуша лерилра хурегладиэс хIядурдиубли къумур-алав кадиибси замана сабри.

– Се сабив хIуни буруси? – уркIухъун дудеш.

– Амирха хъяр... – рикIар неш.

Лерилра харчдизурра ва гъяргала дурадухъунра. Лебилра галга верализиб сабри. Амма цIала лами чебиули ахIенри.

– Дудеш дабри чегъес валкъайчи, нуша дуцIли хъярличи детаира. Галгала удицIа ламбикIулри. Лами галгала гIяшти къялубачи булан абиулри. Хъярла кIапIри сурсдалгири. Илди гъамли адакесра дири.

Унрани галгала удир ирилья сумала бекIнази, дерубти кIарази ва цархIилти дерубти къялубази цIадушили уилри. Ил сай биалли цIала мякълав чеэс аги. Хъула дубларра виригу илини нясдешуни дигес цIа абицIес! Галгалиурти дерубти хъажра адалки дуилри. ИлхIели цIали имиулала кадара бигублири. Пакъирти...

ИлхIейс нушачи дудешра сайб.

– Сегъуна авараагардешал!- дудешли чакмали ларикIули цIа ита-иша тIутIубарий, гIур чакмали ганзкабиури, цIа бишахъун.

ИлхIейс нешра дурагиби.

– Тамай хIяялизибад бухъи сабигу! – гъимрукIни дурабушиб илинира, ил цIумрикIулри, галга язихъбизурли.

Тяп ил галгаван калзули вирап къиян-жапализи викибси адамра.

– ЛехIризи, – иб дудешли. – ХIу сен иша ракIилри? Ишаб нушаб бареси агара, хъулидяхI!

– Сен иш барibalра багъес гIягIнисигу. Чинавара ил сай? – рикIар неш.

Ил замана нушани унра Аслимла тIама аргъира:

– ДелхIунраяв, унруби! – саламра гили, ил нушачивяхI ватихъиб.

– Аслим, хIуни сабив иш бариси? – хъарбаиб дудешли.

– Се бетаури?

– Чебаа, се барилрил хъярла галгалис, – иб дила нешли.

– Селра биубси агарагу,- викIар унра.

– Сепайда хIезира галгализиван цIадушес! ИлхIели балади хIуни се

биублил! ВегІли вегІла хIурмат биуруси адамли ихгъуна убяхIдеш хIебиру!
– къяркылы иб дудешли.

– Диур, диур! Ургъур батиулри хIуни!- гъузгъалдивиуб дудешли бурибиличи гъимукIибси унра. – Иш галгакIун хIушабгъуна сабигу набра. Галгалисра селра биубли ахIен.

– Датдихыирайа хъули!- тIамадарыб дудешли ва лерилра хъулидяхI гъайдиубра.

Аслим биалли галгала удив калун. Гъайгъай, бетаурси илинира аргъилри. Ил пишахъили нушала шайчивияхI хIеризур, амма илала пишахънира бетарули ахIенри, тIягIямагарси хIаячи викилри ил сайра.

Илала гIергъира нушала хъалибаргуни ил галгалиур цаладиркули калун: хъацIли дукаес, шадлихъ барес. Масхурта дугъира. ИхтилатдикIира. Амма галгализи цадикниличила гъачамалра гъанбикахъибси ахIенри. Амма нушала ургарти бархбасуни дарсдиублири. Аги гъалаблагъуна разидеш. Гъалав нушала дудеш хъярличила хабурта угъусири. Гъанна биалли илини сунела хабуртазиб галга гъанбуршули ахIенри. Нуша диштIатани булан ил барсдеш хIясиббирусири.

Адавзи Аслим вебкIес чумал бархIи гъалаб илала арадешличила багъес хала дудешра дила дудешра иличи бякъун. Ил декIли гъигъикIулри.

– Набзидаб абдал анцIбукъ кабикиб... Цали абалкунси хъярла галга нуни чуйнал муэрли чебайлра. Къудратла вегIли ит бунагъ багъандан наб танбихI биурили виэс викIулра.

– Гъандикибта мавгъуд, Аслим, – дила хала душли юргъа чедибси илала чIукъаси някъ малхIямли хIяршбариб.

– Наб илгъуна танбихIра камси саби, – гIурра сунела пикри даймбариб унрани. – Галгаличирти вавни булан деруб. ИтхIейчивад ну адамтала гъалаизес урузкIулра. ХIушани балулраяв дила халасигъуна урши Керимли набзи се ибал? «ХIела рухI гIяхIти ахIен, дудеш...» Тяп илкъяйда. Нуни селра эс хIейубра ва лехIкахъили уира. Ну гъанна къабуллира уршили илкъяйда бурниличи. Ил нугъуна ахIен. Дебали гIяхIси сай. Илизивад гIяхIси адамра ветарап...

– ГIе, хIела Керим гIяхIси дурхIя сай, – унрала пикри марбариб дила хала дудешлира.

– Дила бунагъ хъумартияра ва гIяхIти бархбасуни даймдарай. Дила дурхIни хIушала тухумтили кали дигулра, – викIар гIязаблизивси унра.

– Тяп илкъяйда бирра бирап, – иб хала дудешли. – XIу чина гъалаксирив? ХIечивра халаси ну мицIирли левалрагу...

– Хала дудеш Жангут, наб хIериэс калунти кIел бархIи сари. ХIушани ну хIяблизи каркъабая...

Адавзи Аслим вархъли увухъун, кIел бархIила гIергъи ил таманкайуб. Дила дудешли ил хIяблизи каркъили бекIвариб, хала дудешли биалли илала хIябличи цIелрара катIун.

Нушала хъяр бурэсбяхIиб. Цаибил дус или chir хъярби журугдиуб, амма халахIедаиб, сари сарил кадикиб. ГIур хIябал дус или chir цIедеш хIедакIиб.

– МяхIимуд, – викIар картошка газаладиуси замана хала дудеш, – Нушала

галга буръули саби. Щали илала уркIи урухбарили буили саби. УркIи беръубси галгара мөхIе дерубси адамгъуна бираар. МяштIбильзули саби, амма цархIил бареси кали ахIен: ил нушани зехнилис кабирхъеIе, – викIар хала дудеш.

– Адамти се бикIара?- иб дудешли.

– Селра хIебикIар. Галга бухънабаили саби – ил бяхъили убасиб. ХIебла шалалис уббетирхъеIе. Нушала анхълизир гIурра хъярла галгуби лер. ЦархIил убалтехIе...

...Карила духес урцуйчи рякъунси неш разили хъули чаррухъун.

– Нушала галга вавалибяхъили саби! – разили иб илини.

– ХIеб садаили сари къалли, – иб дудешли.

– Ну Амирха хъярличила сарра рикIуси,- лезмили тIямкъбушиб нешли, багъеслири ил дебали тамашариубли риъни.

– Секъайда?!- ахъли иб хала дудешли.

– Удирти дигубти къялуби булан вавалидяхъилри, – разили имцIабариб нешли.


– Биэс хIебирар! – уркIухъун дудешра. – Марлирагу илини саби кабирхъеIе дикIули, нушала гъай аргъили бургар.

– Дила урши, гIамру гъариллис ахIерти сари. Ну ухъна сайну, вебкIес дигули ургар или гъанбиркулив хIед? Ил цIакъси галга саби. БебкIаличибад чедибикес биуб. Щакътала лебтанилра хIурматбируси саби...

Амирха хъярличирти хъярби дикъурхIели, дила нешли унра Аслимла хIябличи духиб. Белики илини сунени бигубси хъяр мицIирбиъни багъес. Илала рухI разидирар или гъанбикилри дила нешлис илхIели.


Садакъала пай хIяблавсиличира биуси саби или бурули бираар нушала халкълизиб.

Шурбатурси – Т. СЯГИДОВ.



Поэзия

Тавсултан СЯГИДОВ



АВИД БАЦКАБУЛХЪУЛИ

*Хлеб садиур, къар ляркъян,
ГлярчатИнира чардулхъан.
Арбякъунти баланти
Сеналра чархIебулхъан.*

Аберхур юлдашуни,
Ца-цали арбашули.
БебкIа саби, ахIялван,
Гъарилличи башули.

Гъай агара, гIебшни сар
Зилантас садаили,
Аркъулра цаличи ца
Диги-хIери хIехъили.

Гъачамлис дунъя лебал
Гъалабичиб жагали,
Гъямал бирусивара
Илис хIуша агарли?

Чиллализиб вацIаван,
БукIри сар сирислизир,
Гъачамлис дургъули сар
Гъирмира биркIунтазир.

Нушала урчи гъянна
АхIен хIихIидикIули:
Багълали сар дашули,
ГъеладяхI хIердикIули.

Нуша шакхIедикили,
Янира сабиули,
«Гъари, хIядурдиира!» –
Ахират саб бикIули.

ЩумдикIес хIебалира
Къисматла бяхъянаур.
Нушалара уркIбазир
Гъямрули хIянби датур.

Вавни-ургар мирхъиван,
ХIердирули дуира.
Шадлихъла авидлизир
УркIбазирти дурира.

«Дерхъаб!» или, пигълуми
Ахъдурцули калунра,
Гъарбизалри, гердулхъи
ЦацахIели нургъбира.

БебкIализирад нуша
АхIенра урухкIули,
«Аллагъ, гIурра датаба!» –
Юх, ахIенра дикIули.

Дагра арякъун унра,
ДурхIялис мекъ барили,
Уршила урши авцес
Виригу хъуликIули.

«Гъари, наб къуллукъбара! –
Анхъ саби жибикIули, –
ХIу вебкIес ГIямал лебу?!!» –
Саби набзи бикIули.

Пискила далайличи
ЛехIахъес ну карцIлири,
Багъадурли папурес
Шагъбаресра хIейрулри.

Писки МяхI улхъулира
ГIур чеваэс хIебиркур:
«ДурхIни, ну агарлира
Иш дунъя гъунчибиркур».

ХIяж барес валкъаурли,
Айдимирра арякъун:
Багъадур ветахъили,
Нушала уркIби дақъун.

Жамбулатлира дунъя
Батур хабар агарли,
«ХIулбас шала гиб!» или,
Тухтуртасра улгули.

ХIябал жуз дуракаиб
Илини дусла духIнар,
Аркъни-мага балулрил,
Бирули илцад гъунар?

ХIяжиев вебкIиб или,
Савли сайра иргъули!
ХIела подваллизиркIун
Чягъир сарри дилкъули.

ХIебиркур хIечи дақIес
ГIур пигълуми ахъдуцес.
Шакалра хIейкиригу
«Аркъулра» или бурес.

Нушала варскъа ХIяпиз
Арякъун бикIухIели,

ХIебирхутира лебри,
Вахъ чучил вирхIян сайли.

Батирайчи булан ил
Виригу чеулхъули:
«Далайчиригу, – или
Поэт сайрив гъатIи ил?!

Наврузла ХIябличил
Къаршииркуд хIу итав,
Ца шишалра барх буха,
Кадируда ил-алав.

МяхIяммадрасуллира
Бариб ГIяжаиб пиша:
Къасум-Бегла къушлизиб
Абхъес хIейрар гIур шиша.

Къаратовра марайли
ГъакIикIули сай бекIли:
«Хъярхъли архIебашалри,
ХIебири ишцад декIли».

Муръабачир гъандиркур
Нушани дарх деркун къацI,
УркIи къакъали саби
Кабулхъули дунъя бацI.

Поэтуни итира
БуйгIу бунагъкартази,
Цалалра агаркъира
Азбарлаб къабкъин тази.

Аллагъ къабулхIейкеси
ХIебарахIелра пиша,
Алжанала анхълизи
МажахIят гъамдариша.

Сукъурли акIуб супи
Абул-ГIяла МагIарри,
Алжанала къапулав
Ватахъес улгусири.

ГымукIесара Аллагъ
Нушала масхуртачи?
Къаркъара шурбалтагу
Дужанта шайтIунтачи.

Дунъялизи нушара
АхIенра илцад атIи,
Я аркъули ахIенра,
«ВархIял» или, ил батIи.

«Гиямру дерхъаб!» дикIули,
Сарра нуша аркъути,
СенкIун дахь муритири,
Диаллира къутIкути.

ВебkIес гъалав ХIяжибег
ВикIи бикIули лебри:
«Ну вебkIес хIядурлири,
Муьмин дукархIекIалри».

Карилаб берцIибси къацI
ГIур барх беркес хIебиркур.
Гъарилли бужуси вакъ
Сеналра чебхIебиркур.

ЖягIял-царапIел набра
ГIизраилли къутIидирхъу:

«ТаманхIейублив хIела
ДегIи, даци рухIла хъу?»

Ал-Гъазаливан сайра,
ТIамадарайчи хIерли:
ИшбархIи аркаслира,
Дагал палтар чегъури.

Дунъя гIелаб батурли,
ДягIи бицIиб ялканван,
Ца-циали ардашулра,
Урхъула гамурбиван,

Лябкъян бархIи, чебсаргъур
Дила буунси улка,
ЧеалкIути наслуба
Нушачи гъуни лука.

Сагабирар, вирхулра,
Дила биштIаси шира,
ГъатIира бизидирар
Илар ЧяхIила шинра.

Аминат Ҳяпизовас - 60 дүс



Аминат ҲЯПИЗОВА

ВАТІАН

... Гіамрула мягіни бағыес
Гіягініхіедикиб макру,
Бикибнұ ну кариэс
Шигірула маркалиу...

Ну агарлира аркъян
Замана сунна аркъна.

Дила хъучира ляркъян
Сагаси аршикъяна...

Тилади саб, шигірула
Мяхікамдарайа къукъри,
Илди агар гіамрула
Дуръарну тамай мякъи!..

ЗАМАНАЛА ГІЯШУЙЗИР

Заманала гіашуайзир
Далта къел къалам-турли,
Масли мискин шаяғирла
Давла-пагъмула нурли!

Бархъдеш – гіядадеш ахіен,
Куртіхіебикіар ил чедиб.

Ил жавгъар дұхури леб –
Гіамру – урхъула удиб...

Хіечил гъалмагъдеш даргес
Умціхіемціира цайналра,
Балкуклла шаяғри къайды,
Баяхъ тіярхъубар, замана.

КІЕБСИ АХІЕН ГІЯРШЛИЗИБ...

Гіамрула хъарзаблизиб
Гъарғіебиубси ури,
Бахъ тамашала дунъя
Гъаргбариб хіела ули.

Гъар жанна жагадешли
Хіелили рубқіахъулра,
Гъарил гіяхіла хабарли
Сагали алқіахъулра.

Ширазла къалтингъуна
Паркличи хіеррикіулра.

Шагъарла адамтира
Вавниван чебиулра.

Адамти, қаличи ца
Дигиличил хіеръая,
Гіамрула къантідешлизир
Урмиван улкеная!..

Адам, хіела рухілизир
Сар алжан ва жагъаннаб.
Кіебси ахіен гіяршлизиб
Вавна берхъибси ватіан!..

БАЛУЛРА, НЕШЛА САРИ...

Балулра, нешла сари
Исбагы ванзала дяхI,
Кариибси рулгули
Даим къиблаличирияхI.

Балгни сари: лагъниван
Биахъес халкъ даршули.
«Адам, акIубхIеливан
Кавлаб уркIи умули».

Нургъби ахIен хIулбазир,
Шараб сари карцIайла.

ХIебилшав чили лами
ВатIан игути цIала?

ХIулбазиб БерхIиличиил
ХIеррикIуси хIушачи,
Ганзихъена мяхIкамли
Ванза-нешла дяхIличи!..

ХIушаб саби гулувавна
Вахбаршибси михъири.
Диаягу, адамти,
Варъя бурчес мирхъили!..

ЗАМАНАЛИЧИЛ ИХТИЛАТ

Замана, хIури къяпIи
Дурайул уркIила гав.
Гъариллис гъаргси кIапIи
БелкIахъес сай вегIси гъав.

Дила дев – хIела дяви,
Замана, агара хутI.
Биадлира сегъуна
ХIела дяхI лер, дила, – хатI.

ГIеркъахIейру наб гIямру
Чарх баршибси пархитIли,
Изала сагъхIебиру
Тухъли бицIиб умхитIли.

ЦархIил давла гIягIили
Саби шягIирла рухIлис.
Ил дигIяндеш тянишли
ХIебурггар бахъал урхIлис.

ГIягIили саби ВатIан,
Арцан къайда, азадли.
ДургIели я дурхъали
ИсхIейсу ил Западли.

ГIягIили саби яшав
Гъар мицIир жайс биули,
Унра шилизив, я шав
Садакъачи хIейубли,

Саби-ургаб адамти,
Лагъни къайда даршули:
ДегIунтира иршули,
Юртанира лушули!

ГIягIили... ГIягIубала
ЛугIи бейгIес замана
Инсайс цадехI гIямрула
Биули ахIен къалли!

СЕН ЛЕХIКАХЪИЛРИ, ПОЭТ?

ВатIайчила анцIкъила
Ласбирули варачан,
Кабурхули саб уркIи
Белки, гIевдухъла чарван.

ХIили иркути вавни
Дерцахъиша секъайда?

Чинарад хибити гъели
БегIунси дила улка?!

Дирихъ... дягIла шившигIан,
Халкъла уркIбазиб – чилла!
Лебкъи агарси ВатIан,
Се рикIиша хIечила?!

Баркатунала мягІдан:
Ца велкъи, даршал гушли.
БикІуливан, ца-мадар
Азир ЧянкІли, ца кІапІли.

Глебшила закван, хІулби
Урзули сар зумали.
Сагъбиру бячун улка
Чидил даршусла хІебли?

Поэт, сен лехІкахъилри
Хъу ибгибси хъубзарван?
Манзилличил муштарли
Усалъултив, хъяшаван??!

СиратІван дев бугаси
Чинаба хІела диван?
Селра агу дургІеси
ИшбархІи, хІела девван!

Дунъяличир дилшути
Карми сар халкъла уркІби.
Хила ранглизир сари
Ахъ хІурхъалара хІуркІби...

ХІейрудал гІяхІбухъахъес
Адамла рухІла давла,
Алкен тамай вигайчи
Шалабарес алавла!

Поэт – вакил Аллагъыла,
Чинаба дев бархъдешла?
АхІенриив чеввикІиси
Дев сабабла дяхънуша??!

Барсбирултив базарлис
Караматдешла шала?
Кабуршултив далайла
БебкІаагар челябкъла??

БУРАЯГУ, СЕ КАМЛИ?..

Дигайли абхъиб хІулби
КІапІдарайчи гІянжили,
ХІяна хъурхъи, хІушачи –
Кавлусира гІяшикъли.

ГанзхІерикІус гІяштачи:
ДяхІи итира бицІур.
КъясхІерирус ахътачи –
Чакни итира урцар...

Чекабурцу талихІлис
Зубра зубартар кІана.
Дубурта – гъабзадешлис
Делсун чурмар сур къапІа.

Дирихъла цІуб гулменди
ЛапІарбиру диркъали,
Шиниш пархитІла хІева
Челгъя иличи къарли.

Ил жагадеш чебаэс
ХІулбала шала лебли,
УркІилизи кабатес
Халкъличи диги лерли,

Бураягу, гъари, се камли
Сарра эс талихІчерли?
Гіяшул яхІла Даргазир
СархІели ахъанайли!!!

ВАНЗАЛИЧИ МАРКАВАН

БерхІили маркаличил
Дарх демхур нурла чурми,
Ванзала уркІиличи
Бархъиб дигайла чехъри.

Даршули къабулбариб
Ванзали ил масъала,

Баракатличил арзіб
Мар дигайла масхара.

Глебшилис тамай дикъур
БерхІила ранла лугни.
Ванзалара заклара
Марти дигайла дурхІни.

Агъ, ил манзил Дунъяла
Исбагъидеш ва давла.
Делкес хедиур къалли
Устадеш инса девла!

Илцад хялалси азихъ
Гъямула хъарихъ сабти,
Дигила черяхъдешла
Бикъруми ва адамти!

Сен хейути нушала
Дагъри, дуэс даршули,
Нешанази нургъбачи
Хебалшахъули башни?

Се буриша сагаси,
Даршдуслихъли бакъеси,
Ванзаличи маркаван
Гъяламличи баэси?!

ИНСАН САЙ ИЛБИСЛА ЛАГЪЛИ КАВЛУЛИ...

Дугира бархъира декъардиркули,
Чедиур хъябруцли мусисиртличир,
Гъурра къаршидикес вягъдабибули,
АЗирти дусмазир марли кавлули...

Берхъи лябкъян бархъи ванабикъахъес,
Унхърира хъумира халкълис духъахъес...
Дугира-дунъяла сири гардбарес,
Муэртира гъанкъра муридикъахъес!

Сепайда, илбис саб чедибиркули,
Инсан сай илала лагъли кавлули.
Дугира бархъира хъябруцдашули,
Адамта адамти хъяблабирхъули!..

ДУЦРУМЛИ БИГУБ ВАНЗА

Гъигъла манзилли дунъя
Ахъиб берхъила нурли.
Ванзаличи ил архъя
Дигайла саб, ашкарли...

Цараван ургубали
Шиниша халгъят челгъив?
Хунтена вавни-хъапъни
Дигайлис ахъи салгъив?!

Гъагулти гъянчикъули
Чияръиб ахъли къукъули.
Зубрала цала урши
Гъур вахъхи виси декъли.

Ил пишара зубрала
Саби, марли, карцайла
Цараван дирив дилкъес
Лугнира цала рангла?!

...Дуцрумли бигуб ванза
Калун хебличи хъерли,
Гъебшнила гъянкъа нурла
Уркъециличи хъарли.

Я чиллализибадли
Ахъен урухъули ил,
Багъур гъязабтас акъни
Карцай дагъурси манзил.

Ванзалацун сабурлис
Сар даймдеш мукIурли,
Ухънадешван даймлис
Жагъдеш сунес букурли!

Ванзала дурхIнанира
Балалри ил дигIяндеш,
Агарсири ишбархIи
Даруличи ГягIнидеш!

БУРЯМ, ГЬАЛМАГЪРУЦАБА...

Бурям, гъалмагъруцаба,
ХIелайчиб хIял гъалакси,
ХIябкъяйличир ца хIяйчик
Лералрану ну рурси.

ЧеббикIес бекIси гъуни,
ХIериасра ташмишли,
Бурям, тIашли лералси
Сарпа ну хIечи хIерли.

Ца хIечи рирхаурра,
РирхХIерули чичилра,
Дарула курличиркъи,
АрхIякъули чиналра...

Бурям, хIела райхъала
АкIублира адамли.
АхIен илцад гъамадли
ВиъхIейэс бацIси дамли.

ПухIялван кункли хIуни
Хъусдирхъид декIти шурми,
ДекIли сари гъатIира
Адамтала шишими.

Гъугъийд мурхъил урхъу
Гарддирули гамурби,
Аргъес бекIхIериулра
Ну адамтала уркIби.

ХIяндеш ахIен, хIяли арц
Сари чархла чурмазир.
Цундешли хIяршдарибити
Геркъати дугурбазир.

Ралриркулра ну гъалар
Гъар баргбердиб хIярхIяла,
ГъуцIрикIуси дерцахъес
Инса дурхъати хIая.

Гъар къябдердибити жайчил
БубкIули саби далай,
ГПур дунъя кIибайбарес
Ахъбирап дардла Чиллай.

Къябиули бархъдешла
Булбуллагъунти Гямру
ХIябдарш дус къянби къайды,
Къунби хIердирулигү!

Бурям, гъалмагъруцаба,
Барх гъуни гъамадсину.
Дунъякад дила архIя
ХIелайчиб гъалаксину...

Дила щелда-алавра
Аркъяд хIу, лас-ласбухъи,
Даршусми... чила бала,
Ляркъясалра чаррухъи?!

ДУШМАНАГАР ДУРГЪБАЗИБ

... Ишар гъанна гъар савли
Зубри дисули сари,
Дугели гIурра ванза
Бяхъили чебиули.

Душманагар дургъбазиб
Марайли саби ванза,

Вавначир аръа ахIи
Ухули адамла хIи...

Дирихъ саб музабухъи,
Нешла чабаван пухIли,
Дунъяла палакатдеш
Чедиу или урхIли!

ГЯНЖИЛА ТІЕМ САБЛИ СУНЕС ГЯГІНІСИ...

ВацІа-хІяри – ишар бархІи ахъайчи –
Риусра мурталра ну талихІчерли.
Гъала хІебла савгъат – низби дучили,
Бизиси тІемличил хъули дихули.

Базарличиб бархІи буркІуси ашна
ЧердукаркІар набчир ахмахличирван,
Илала анкъыилаб тухъси, гІантІикІа,
Масличила ахІи гъайра хІебикІар.

Ралликъяна, нуша кІелра ахирра
Ца къаркъала уди кадилхъутира.
Белики, хІед хІябра баршес къалтинга,
Хъули убушесра баҳъла агарси!..

Аммаки, черрерхи, имсла дармунта
ТІембикІуси къалтин ихаб беркъайчи,
Къяскабирар хІела бебкІа урхІлайчи –
Гіянжила тІем сабли, сунес гІягІниси!..

СУНЕСРА ДИГУЛИ БЕТАЭС ЧАКА...

Сунесра дигули бетаэс чака,
Гъалмагъбикіб гъагул лесла хъинжличил.
Амма пандахъиван бебшиб къадала
Бара гъанаурси дягІла шятІличил!

СУНЕНИ САЙ ВАГЬАЙЧИ...

КІел душманван, уркІира
БекІра дургъули сари.
Илдани кадуршули,
Жан кадурхули сари.

АлкІути хъуланачи
ЛасбикІар ил ахмахли,
ЛехІирхъур никрумачи
БамсурхІели рахмагли.

БекІлис бекІдеш дигули,
МукІурхІякъули чағъли,
Дазу саб кабатури
Гіядатунала лагъли.

КахІебурхар илдала
Дергъ цали ца дуайчи.
Кавлули ахІен Адам
Сунени сай вагъайчи!

Гъеч, ил баришли ахІен
УркІила хІяланачил.
Азаддеш, дигай гъанни
Дарцдикибити хІиличи.

КІел улкаван уркІира
БекІра декІарли сари.
Дергъла майдайчир дила
Дигай улхули сари.

Чедир ахъли урцути
Къургъи дисули сари.
Илди дила карцIайли
РухI гибти тугъи сари...

Авличи ГIяшдирули,
Къянби дучIули сари.
Илди дацIти ГIямрула
ГIячихъси хIекъдеш сари.

ГIЯМРУЛИЧИ ДЯХI-ДЯХIЛИ...

Гап-чяхIла умегI бати,
Арбухили Гелайзи,
ШягIир, ганзахъа, гъари,
ГIямрула геналичи.
ЛутIи къяшми архъалли
Миълахъли яра цIали,
ЦIярмайрид, илкъядали
ГIяламра саби лехIли.
ХIеризи къуллализи
Челябъкла гъалабихул,
ЧехIериidal хуху,
«Лябкутас гъаларашул».
ВатIан белтIун ва бехъуб –
Лерра хIябра язихъли,
Дукули садакъалис
Душмай гибси азихъли.
ГIялам цIуръя рагIятван
Буар или мукIурли,
Бициб ВатIан сягIятван
ВакIили ца кIуркIурли.
ЭмхIели хIачIиалра,
Булбулли далайалра,
ХIялалдий эс агара
Марзла муκъарлисалра.
Дуун тIутIила унхъри,
ДугIкаиб хъарахъуни.
Хъям-къацIла бекIахъличи
ГIялам саб хъаряхъили.
Базарла базриганта
Исули саби пачни.
АхъихIи рухI ардякъи,
БетарухIели начби.
Москвала метролизир
Дирцули сар дипломти.
ГIизрагил малайкуни
Саби гъанна тухтурти.
ХIябра ГIямалагарли
Лерра ГIялам ишбархIи,

Къачниванра гIяжизли
Лугъути къутал дисли.
Бехъуб пукъала гъалар
ЛасдикIули чатIинван.
Шурагыла шинхълизир
ПIярдикIули бутIриван,
Заблис гъалар пукънази
Пяхъдиркули мирхъиван,
Къармакъличи диршути
ВалтIдикиIули милкъиван.
Дайм сагадикIути
Дирхули къанунтачи,
Делкунти дукъбачирра,
Дирхули къялкъяmtази!
Бурямлизиб биризван
ШягIирра сай улкIули,
Банкиртас хIелукIалли,
Сай гашали убкIули.
Ахирра чягъирхана
УбкIар ил чеббикIили,
Яра чиятирбяхъили
Убшар халкъ агарихIи...
ГIярасай, хIебалулра
Девла мягIина «Мафия».
ХIела гъалаб се саби
ИшбархIи Сицилия?!

Ит хуху сар, ГIярасай,
Шямван умут назикси,
Буцибси урхIла арций
Закра бекIла чедибси!
ВатIан – билишуси ури,
ПархбикIахъес шалали,
ШягIир, халкъличил кайзи
ГIямруличи дяхI-дяхIли!..
Дурайаслира душмай,
УркIи гъарглира хIечил.
Рирхулрану сай или
Аллагъли вархъиб вакил!

Фольклор

ШяхI МЯХИЯММАДСЯГИДОВ

ХАЛКЬЛА БУРАЛАБИ

*ХIялалси бузериличишли жяяли давлачеввиэс вируси ахIен.
Бехъубси тIашбатесичиб, лебси мяхIкамбарес гъамадли бирар.
Урезили бекIхIейзахъу.
Гылакабихъибси букан, чекабихъибси бихан.
Кыркьирла мас сахаватсии бука.
ГIяхIти уришба дудешла хъалицIа сагадиру.
Держла кепдеш черяркъян, масла кепдеш архIякъян.
Цалис аба дигахъу, цалис – ада.
Зулмукарла ахир хайрила хIебираар.
БукIунна дигили хяра дигахъу.
ВегIла някъ вегIлис дарман.
Хъулкилис – ца бунагъ, масла вегIлис – верхIел.
ГIяхIядеши дарес гъамадси саби, хIердарес къиянси саби.
«ХIай аман» викIесичиб, «хIай далай» викIес гIяхIси саби.
Макъамличи мешуты дирап делхъра.
Жагъил адам шантала вирап.
ВегIла мез къацIлис дирицути хIебираар.
Лябкъян бикIуси кIанрала къуйрукъ бакIибси ахIен.
Анкъилаб биккурси цIали хъали ванабириу, вегIла мезли – рухI.
ВацIли гIяхIял урхъуси хIебираар.
Балагъ сабицун хIебашар.
Къияндешунани сай адам дебишлавирузи.
ВегIличи мешуси бирар хIянчира.
УрхIличил кумхаси къулсаличиб, вегI ариси чIала гIяхIси саби.
БерцIибси букусили кани хIейзахъу.*

*Сунела нукъун дарес къабулсими, наб хинкIи дарес гIеббурули сай.
Лезмили къардухъахъунси атхIелзан, тIяхIмачив
къардухъунси алзан.*

*ХIед ца гIяхIдеш дигадли, унрас кIел гIяхIдеш диаб викIен.
Адам дунъяличи кани баҳесиун ахIен акIубси,
рухIличира къакъаикIес вакIибси сай.*

*ГъалбуцIи лерихIир хIявбуцIира камхIедирап.
Хабарла къамлизибадти адамти кабизалаҷебти бирап.
ХIенкълизибад декIарбикибси маза беџIли бургу.
Гъарил дубурла ши биштIаси пачалихъгъуна бирап.
Араси чархлизиб араси гъавра бирап.
Хъулки бегI гъалав кумекличи вашар.
ГIурличибушибси гIярала къуйрукъ бухъянбаибси ахIен.
Вайси бархIи гIяхIбирап, вайси адам гIяхIхIейрап.
Къянала къяшми къантIаби дирап.
Дунъя шалабири берхIили, адам – бағуудили.*





Расул Бяхтимадовла жүзла презентациялар

ISSN 0235 - 0149

Индекс годовой 31176
Индекс полугодовой 73892

